

6

37-d

51






Q# 5.

6-37-d-51

XXXI. 10. 14

BIBLIOTECA NAZIONALE
ROMA



DOMINICI CAESARII
Forosempronienſis I.V.D.
Epiſtolarum Selectarum
CENTVRIAE II.
Ad Perill² et Reuerendiſſ.
D.VINCENTIVM DE S.PETRO
Abbatem meritiffimum
Editio Secunda



Bononię Superiorꝝ permiſſu Typis Hered. Bartholomei Cocchi
Impenſis Peregrini Golſarini. M.D.CXXIII




LOD. CANAL
1715

DOMINICI CASARI
PUBLISCHER
GEWÄHRER
IN
ALLEM
DE
PUBLISCHER
GEWÄHRER
IN
ALLEM

1715

PERILL.^{RI} ET REVER.^{MO} D.
V I N C E N T I O
 DE S. P E T R O
 ABBATI MERITISSIMO.



N mihi è manibus labitur duplex epistolarum , Centuria . Cur labatur, optimè sciunt, qui sæpius in lucem flagitarunt .

Ijs in medium adduxi , ingenij mei foetibus oculorum aciem esse , quæ ad fulgentissimos Solis radios caliget : aut illos centè meritorum defectu patrono carere , cuius ductu , & auspicio circumuolitantes , caueant ab offensione . Illud verò prætexebā , ratus, istos malle, mei beneuolentia



res meas in tenebris tutò delitescere, quàm periculofam lucem aspícere. Sed contra audiui, de rebus nostris iudicium, alieno iudicio relinquendum: paucos admodum reperiri, qui de ingenio suo, vel philautia decepti nimis altè, vel modestia deterriti demissè nimis non sentiant. De patrono mihi paratum esse, qui instar omnium sit, Reuerendissimum Abbatem Vincentium de Sancto Petro. Ad Vincentij verbum, non verbo, re vincor: amicos epistolarum mearum iudices facio, mihi ipsi eripio, tibi Mecœnati meo non magis dono, quàm, cùm tuæ sint, libentissimus restituo. Tuæ quidem sunt: quoniam, quicquid ego sum, à te tuisq. maioribus sum, nouem annorum spatio apud vos

hu-

humanissimè habitus, plurimis, maximisq̃ue muneribus auctus, postremò Canoniatu curato Collegialis Ecclesiæ S. Michaelis Bonon. inter multos non parùm ambientes, suffragijs, vestra opera, simul coeuntibus honestatus. Diuinæ profectò virtutis fuit, vt intra vestros lares enutritus, à vestris laribus nihil abessem: te tuosq̃ue fratres, non vno virtutum genere florentes viderem: animis vestris grauissima, sanctissimaq̃ue pietatè æquè, ac natura conglutinatis fruerer: nulla re, nisi humanitate, modestia, comitate simul certantes cognoscerem: eosdem Bonon. iuuentutis speculum prædicantibus testis oculatus forem: singulis vestrùm perpetuò deuinctus, singulis perpetuas gratias agerem.



Æquis laudibus fratres tecum equaliter impertio; ne voluntatum vestrarum consensio ininiuriosus appaream. Hæc enim nostris temporibus ferè sine exemplo, nullum bonorum genus sibi peculiare; sed quicquid est, commune cum omnibus vobis esse profitetur. Hinc parentes, patruique vestri viri sanè laudatissimi, cum vos studiosos sui imitatores videant, non dubiam spem habent, fore, ut illorum, qui antiquitus in ista familia per multas olympiades claruerunt, famam adhuc integram non modò seruetis, verum etiam vestris virtutibus cum ætate crescentibus, in dies magis magisque augeatis. Omnium, dico, famam augebitis; sed præsertim (ut de alijs taceam) Floriani, &
Hie-

Hieronymi, quorum alter de Iure
consultorum Collegio Bonon. larga
hereditate, alter de vniuerso ordine
suo, optimis scriptis, quæ hodie
doctissimorum manibus conterun-
tur, optimè meritus est. Eam verò
indolem in te, Vincenti Reueren-
dis. inspicio, vt qui inter familiæ
tuæ Abbates, serie nihil interrupta,
V. censeris, quæ in singulis fuerunt,
virtutum imaginem referas: & mul-
tò magis Astorgij patrui, ac præde-
cessoris tui, quem non tam cum In-
nocentio IX. Pont. Max. affinitas,
quàm animi celsitudo, prudentia,
rerum gerendarum dexteritas, mu-
nificentia, Apostolicæ Sedis Nunciū
apud Proregem Neapolitanorum,
declarauit, non multò ante, quàm
Romæ Sororis filium Sobrinum



tuum, Summiq. Pont. Pronepotem
Cardinalem, Fratrem suum germa-
num Camillum SS. Mauritij, & La-
zari Equitem, Prætorij Pontificij
Equitibus Præfectum vidit. Sed ne
illud temerè mihi videar proposuis-
se, quod longè supra vires meas po-
situm nemo non videt, te tuosque
(inquam) magis laudare, quàm sum-
mis laudibus dignos ostendere, clau-
sula vtar: si priùs te rogaro, vt dupli-
cem hanc epistolarum Centuriam,
pro æterni seruitij, quod tibi profi-
teor, testimonio, quasi voti uam ta-
bellam meritis tuis dicatam dato
vultu accipias. Vale, & felicitate
ineuntis anni fruire. Bonon. Cal-
lanuarij MDCXXI.

Cliens tuus addictissimus
Dominicus Cæsarius.

PAVICTOR LECTORIO



Illud, amantissime lector, te
admonitum volo, me usum
esse quibusdam vocibus, ut fors,
fortuna, fatum, & huiusmodi: non
quòd cum Ethnicis sentirem, sed
ut cum illis, iamquam linguae la-
tinae parentibus loquerer. Vale,
& praeli erratis parce.




PEREGRINVS

GOLFARINVS

LECTORI.

CVm priores Dominici Cæsarij
epistolarum Centuriæ, quæ
Hieronimi Tamburini studio, &
impensis in lucem prodierunt, lit-
terarorum manibus contritæ, bien-
nij spatio non plenè exacto, perijs-
sent, ego sumptui haud parcendum,
vt amicis illarum studiosissimis par-
cerem, existimaui. Quocirca non
modo illas typis commisi, verùm
tertia, & quarta Centuria meo sum-
ptu locupletavi. Si dicam ex Aucto-
re, precibus extortas, nihil veritati
addam: quamuis enim ille non
igno-

ignoret, primam, & secundam Centuriã ab omnibus quàm maxime laudatas; attamen de rebus suis adeò modestè sentit, & iudicat, vt nulla prorsus laude dignas censeat. Si tu alterum etiam fœtum in iudicij trutinam ponas, eum (bona fide polliceor) non minùs, quàm priorem, commendaueris. Scatet salibus, scatet lepòribus, scatet rebus elegantissimis à dicendi proprietate, maiestategue non alienis. Libenter igitur legas me, qui vt legeres, feci, mutuo diligas, & valeas.



INDEX EPISTOLARVM

SELECTARVM

CENTVRIÆ

Primæ, & Secundæ.

—————

—————

A

A Nee Magnano. 134. 242

Alexandro de S. Petro. 69

Alexandro Fratri. 85. 210

Alexandro Buccaferreo. 156

Alexandro Scapio. 203

Alexandro Senesio. 216

Alfonso Elephantino. 40

Alloysio Albritio. 182

Amico cuidam. 47

An-

INI DI EXL

Andrea Mariano .	22. 33. 73. 82. 88
Angelo Iacomello .	7
Angelo Michaeli Sacco .	17
Annibali Zechello .	186
Antenori Aldobrandino .	70
Antheo Claudio .	128
Antonio Gandulpho	27
Antonio Rudulpho .	67
Antonio Meotto .	78
Antonio Saluto .	97
Antonio Francisco Cherubino .	107
Antonio Manzoni .	192

B

B Bartholomeo Beluederio .	8. 179
Bernardino Benvenuto .	80. 204
Bernardino Mariscotto .	149
Bernardino Ferraresio .	166
Bernardino Salerio .	240
Bernardo Guilhelmo .	43

I N D E X.

<i>Blasio Constantio.</i>	221
<i>Bonifacio Magio.</i>	189
<i>C.</i>	
C <i>Æsari Rinaldo.</i>	37
<i>Cæsari Ingenterio.</i>	229
<i>Camillo Baldo.</i>	124
<i>Camillo Elephantutio.</i>	181
<i>Carolo Antonio Manzino.</i>	76
<i>Carolo Madrucio Cardinali.</i>	113
<i>Carolo Ruino.</i>	139
<i>Carolo Mediceo Cardinali.</i>	233
<i>Claudio Achillino.</i>	9
<i>Claudio Scyro.</i>	148
<i>Constantio Maria Malnasia.</i>	102
<i>Cornelio Lolio.</i>	45
<i>Cornelio Pepulo.</i>	194
<i>Cyro de Perso.</i>	191

INDEX.

D

D Ominico Comello .	176
Dominico Passioneo .	184
Dominico Maria Lama .	217
Duranti Minio .	58. 213

E

E Vstachio Gatto .	103
---------------------------	-----

F

F Abio Albergato .	163
Fabritio Bartoleto .	25. 64
Fabritio Ingenierio .	55. 66. 195
Ferdinando Chartario .	68. 81. 158
Ferdinando Riario .	129
Flaminio de Biscacciantibus .	65
Flaminio Benzonio .	2
Floriano Augustino Ioanetto .	98
Francisco Scortia .	6
Francisco Palacoto .	26

Fran-

I N D I E X

<i>Francisco Alamanno.</i>	36
<i>Francisco Marię Buccaferreo.</i>	52
<i>Francisco Marię Ciampulo.</i>	56
<i>Francisco Landucio.</i>	63
<i>Francisco Petrasanctę.</i>	79
<i>Francisco Barbadorio.</i>	110
<i>Francisco Boncompagno.</i>	125. 244
<i>Francisco Cospio.</i>	131
<i>Francisco Marię Gasparino.</i>	132

G

G <i>Aleatio Zauatio.</i>	153
<i>Gaspari Oliva.</i>	20
<i>Gauello Gauellio.</i>	59. 77. 109
<i>Gualengo Ghislerio.</i>	136
<i>Giulielmo Ingenierio.</i>	231

H

H <i>Enrico de S. Petro.</i>	186
<i>Herculi Bonfiolo.</i>	202
<i>Her-</i>	

I N D E X.

<i>Herculi Bentiuolo .</i>	113
<i>Hieronymo Buccaferreo .</i>	11
<i>Hieronymo Præto .</i>	14
<i>Hieronymo Anticio .</i>	75
<i>Hieronymo Pascucio .</i>	105
<i>Hieronymo Tamburino .</i>	112
<i>Hieronymo Rossio .</i>	142
<i>Hieronymo Onuphrio .</i>	223
<i>Homobono de Banis .</i>	146
<i>Hyacinto Buccaferreo .</i>	30
<i>Hyacinto Lodio .</i>	199

I

I <i>Acobo Nardio .</i>	42
<i>Iacobo Thomasino .</i>	95
<i>Iacobo de S. Petro .</i>	200
<i>Ioanni Angelello .</i>	1
<i>Io. Antonio Rosseno .</i>	183
<i>Ioanni Francisco Angelello .</i>	16
<i>Ioanni Iacobo Ferro .</i>	17

Io.

I N D E X.

<i>Io. Thadæo Blanco .</i>	45
<i>Io. Baptista Manzino .</i>	50
<i>Io. Mariæ Miniotto .</i>	52
<i>Ioanni Rhamnusia .</i>	54
<i>Io. Baptista Tenalia .</i>	56. 111
<i>Ioanni Bertolotto .</i>	57
<i>Io. Baptista Fratri .</i>	110
<i>Ioanni Canaulio .</i>	121
<i>Io. Baptista de S. Petro .</i>	123
<i>Ioanni Nicolao Tanario .</i>	130
<i>Ioanni Iacobo Giucculo .</i>	135
<i>Ioanni Baptista Mauritio .</i>	137
<i>Ioanni Calderino .</i>	155
<i>Ioanni Ligio .</i>	161
<i>Ioanni Cottunio .</i>	162
<i>Ioanni Dominico Barbetta .</i>	167
<i>Io. Francisco Rossio .</i>	170
<i>Ioanni Capponio .</i>	224
<i>Ioanni Magio .</i>	230
<i>Ioanni Baptista Gallo .</i>	239

In-

I N D E X.

Julio Cafari Venantio . 93

Julio Monterentio . 206

L

L *Aurentio Anticio .* 71

L *Laurentio Lombardonio .* 89

Luca Ruggerio . 90

Lucio de Lucijs . 32

Lucio Pasello . 92

Lucio Magio . 178

Ludonico Scapinello . 13

Ludonico Laderchio . 28

Ludonico de S. Petro . 35

Ludonico Donzello . 40

Ludonico Rosello . 44

Ludonico Peruzzino . 99

Ludonico Fachenetto . 127

Ludonico Maluetio . 185

Ludonico Ludonifio . 207

Ludonico Vrsio . 226

Mar-

I N D E X.

M

M	<i>Artio Maluetio .</i>	150
	<i>Matthæo Mariano .</i>	79
	<i>Matthæo Sagacio .</i>	165
	<i>Matthæo Vulparæ .</i>	196
	<i>Matthæo Rossio .</i>	215
	<i>Melchiori Zoppio .</i>	3
	<i>Michaeli Angelo Actio .</i>	18
	<i>Michaeli Angelo Meganino .</i>	34
	<i>Michaeli Angelo Fratri .</i>	108

N

N	<i>Eapoleoni Maluasfa .</i>	209
----------	-----------------------------	-----

O

O	<i>Otauiano Leonardo .</i>	193
----------	----------------------------	-----

P

P	<i>Aulo Actio .</i>	153. 168. 198
	<i>Paulo Maccio .</i>	219

Pau-

I N D E X.

<i>Paulo Lazario .</i>	220
<i>Petro Perattino .</i>	12
<i>Petro Galeota .</i>	31
<i>Petro Francisco Maccio .</i>	49. 84. 87.

I S I.

<i>Petro Mignino .</i>	61
<i>Petro Matthæo Tyranno .</i>	144
<i>Petro Pierio .</i>	159
<i>Philippo Marię de Molsis .</i>	21
<i>Philippo Musotto .</i>	164
<i>Philippo Humano .</i>	180
<i>Philippo de S. Petro .</i>	208
<i>Pompeio Claudio .</i>	38
<i>Prospero Chartario .</i>	86
<i>Prospero Pressio .</i>	212

<i>R</i>	
<i>Rodulpho Campegio .</i>	4
<i>Romulo Paradiso .</i>	140

I N D E X.

S

S <i>Ebaſtiano Mauritio.</i>	94. 100.
157. 171. 174.	
<i>Sebaſtiano Sanſtolo.</i>	187. 218
<i>Sebaſtiano Bonomio.</i>	243
<i>Stephano Peruzzino.</i>	47

T

T <i>Home Serre.</i>	106
<i>Thome Dempſtero.</i>	227

V

V <i>Golino Coſte.</i>	143. 172. 197
<i>Ugoni Albergato.</i>	169
<i>Vincentio Pontello.</i>	138
<i>Vincentio Montecaluo.</i>	205

Z

Z <i>Ongo Hondedeo.</i>	104
--------------------------------	-----

F I N I S.


ATESTOR, me, maxima animi mei voluptate, legisse, ac examinasse epistolas à D. Dominico Cæsario, docto, puro, & elegantistylō, grata varietate, ac sententiarum pondere conscriptas, iucundis salibus, ac venustis lepōribus conditas: & nihil in eis deprehendisse, quod sacris sanctionibus aduerfetur. Quinimò, cū nil, nisi ciuiles, vrbānos, christianosque mores redolere conspexerim, valde dignas censui, vt ad commune studiosorum commodum typis mandentur.

D. Homobonus de Bonis Clericus Regularis S. Pauli, ac in Metropol. Eccl. Pœnitentiarius pro Illustrissimo, & Reuerendissimo Card. Archiepiscopo Bonon.

Quàm bellè, quàm stricte, quàm doctè,
quàm piè D. Dominicus Casarius lo-
quatur his suis epistolis, quisque
viderit, si eas ex animo perlegerit. Equi-
dem fateor, me ex illarum multa varietate,
singulari eloquentia, perpolita elegan-
tia, honesta gravitate, accommodata sub-
tilitate, ac doctrina maximam percepisse
animi oblectationem; & quod caput est, ani-
maduertisse, ex iisdem humanorum mo-
rum documenta quedam, ac prescripta
non vulgaria, sed christianæ pietati, ac re-
ligioni maximè conformia effluere, tam-
quàm ex uberrimo quodam fonte; ut pro-
pterea tandem illas imprimi posse in com-
mune bonum censuerim.

Ergo imprimantur.

Frater Hieronymus Onuphrius Roma-
nus Theologus Doctor Bononia Collegia-
tus, atque ibidem Lector publicus, ac San-
ctissime Inquisitionis Consultor pro Rene-
rendissimo P. Magistro Paulo de Garrexio
Bononia Inquisitore.



DOMINICI

CÆSARI

EPISTOLARVM SELECTARVM

CENTVRIA I.



EPISTOLA I.

Romam.

IOANNI ANGELELLO

Illustriss. Senatus Bonon. apud Pont. Max.

Paulum V. Legato Ordinario.



RAVISSIMA istius Lega-
tionis cura, vnde negotio-
rum feriem nihil interrup-
tam pendere nō ignoro, in
illam opinionem me addu-
cit, aures tuas, vir Illustrissime, rebus serijs

III

A

iu-

iugiter assuetas, silentio magis coli, quàm assiduo litterarum strepitu obtundi debere. Hinc fuit, cur post tuum discessum rarissimè ad te scripserim. Sed nihil peccasse iudicabor, qui verborum inopia tui obsequium profecutus sum. Quare equo animo feras, vt quo tempore nullus ferè hominum apud patronos fileat, ego clientelam meam tibi per litteras sistam. Non ero molestus, officij mei exequendi studiosus. Et licet sim, malo verbosi, quàm ingrati hominis notam subire: cum hinc semper vitium, illinc vt plurimùm necessitas arguatur. Ex meis litteris molestiam exclusi. Ideo breuiter scribens, imminentes Christi Natiuitatis dies tibi felicissimos precor. Faxit Deus, vt rerum exitus omni meo, ac tuis, quæ finem ignorant, meritis respondeat. Interea patrocínio tuo me complecti ne desistas: cui licet impar sim; tamen liberalitas tua eo clariùs fulserit, quòd hominem nisi alia re, humillimo saltem tui cultu meritum fouebis. Bononiæ.

EPSITOLA II. Bononiam.

MELCHIORI ZOPPIO

*In Bonon. Archizymnasio Philosophia Pro-
fessori Ordinario Collegiato.*

CVm plurimi laudatorum virorum
laudes fieri videam, propterea de fa-
cie vix notus, nihil certè meritis à te lauda-
ri erubesco. Sicut enim qui ex mari bibit,
ex omnibus fluuijs bibere non falsò opi-
natur; ita qui laudes ex ore tuo in se fluen-
tes excipit, ab omnibus encomia degustat:
cùm ista in te, per meritum alueos, non
secus, ac fluuiales aquæ in vastissimū Ocea-
num deriuentur. Te Oceanum appello,
vnde aurium nauibus merces pretiosissimæ
conuehuntur: adeò vt qui diuitiarum cu-
pidus istuc accedit, margaritis philosophi-
cis ditissimus recedat. Postea quàm pro
beneficio accepto gratias egero (quas ex
animo ago) illud te etiam atquè etiam ro-
go, vt, quando hanc vnā apud me laudis
causam agnosco, nempè quòd à te Philoso-
pho omnium præstantissimo laudor, alte-

rum, dico, beneficium adiungas, me in-
 tuorum clientum numero adscribas. Mul-
 tum enim tibi debere non recuso, cum sum-
 mis viris debitum debitoris laudibus ad-
 scribatur. Ex Villa Casalechij.

EPISTOLA III.

Bononiam.

*RODOLPHO CAMPEGIO**Comiti.*

Quid de tuis poeticis operibus senti-
 am, ex præsentì elogio, quid præci-
 puè de nouissimo heroicis car-
 minibus scripto, cui titulus est, Lacrymæ
 Beatissimæ Virginis, ex istis litteris facilli-
 me cognosces. Me vix illarum lectionem
 ardenti animo aggressum, lacrymæ quasi
 turba, ingruentes aggrediuntur: vt, nisi
 plus animi fuisset ei, qui prior periculum
 intulit, ab oculis lacrymæ, lacrymas è ma-
 nibus detrussissent, seu potius in ipsis ma-
 nibus deleuissent. Illæ opprimendi stu-
 dio, super istas concidere non desistunt:
 cum tandem aliquando sentientes, se à la-
 cry-

erymis; ne post vitam lacrymentur, compellatas, eisdem defixæ inhærent, gratias agunt, inter oscula, quæ ex amantissimi doloris scaturigine manant, certatim lacrymantur. Et re vera impij lectoris esse iudicassem, à lacrymis abstinere; dum Auctor pijsissimus ab intimo cordis fonte, per calamum, quasi per fistulam, lacrymarum aquas liberalissimus emittit, quibus animorum nostrorum horti libidinum æstu arescentes irrigantur. Quàm multum, Comes Illustrissime, tibi acceptum referunt, qui rerum naturam perscrutati sunt! cum prævalidam, adultamque illorum litem, num Cycni morituri voces, cantus nuncupandæ sint, an gemitus, absque ullius damno composueris. Tu namque re, non verbo Cycnus, Auctoris vitæ, mortis, animo coniunctus, ad sanguinea sacratissimi corporis vulnera, quasi ad Meandri vada abiectus, vna eademque opera, cantus, ac gemitus promis. Itaque iure optimo licet affirmare, te amarissimè canere perinde, ac dulcissimè lacrymari. Illud verò in te præcipuè laudandum censeo, quòd sicut

per lacrymarum maria, Mariam dolorum Aquilonibus à filij morte grauissimè flantibus, agitatom quasi Apelles, verborum pennicillo, pijs mentibus contemplandam demonstraſti; sic ipsam ad lætitię portum, post filij resurrectionem, appulsam obijcere non recusaueris: vt qui cum Deipara, pietatis suasu, lacrymati sunt, cum ea, pari iucunditate perfruantur. Ex Villa.

EPISTOLA IV. Bononiam.

*FRANCISCO SCORTI AE
Societ. Iesu Presbytero in Bonon. Col-
legio Casuum conscientię
Professori.*

Cum te iam pridem, præstantissime Scortia, nouissem, plurimum iucunditatis precepi. Quicquid enim in litteris pulerum, & delectabile, in te æquè, ac in lucidissimo speculo sum contemplatus. Sed longè clariorem te inihî ostendit præfatio, qua ad sacramentorum materiam, in isto Societatis tuę Collegio, proluxisti.

Quam

Quàm dilucidè (optime Deus) quàm aptè,
quàm elegāter Christum Nilo, septē sacra-
mēta, septem fluminis eiusdem ostijs com-
comparaſti! Audientibus licebat res sacras
ex sanguineo Christi pectore non minùs,
quàm Nili aquas ex Paradisi fonte gurgi-
tatim fluentes inspicere. Tunc Philoso-
phicum illud animo subiit. *Loquere, ut te
videam.* Te namque eruditissimè locu-
tum, quolibet scientiarum genere erudi-
tissimum vidi. Et hoc certè non vulgari
admiratione dignum videatur, quòd ali-
yua, altera uè scientia, tu omnibus omnes
antecellis. Quis igitur audaciæ vitio ad-
scribat, si te honoris causa litteris appello?
Virtus à summis locis amorem, ab infimis
obseruantiam desiderat. Vale. Ex villa.

EPISTOLA V. Carthusiam.

ANGELO IACOMELLO

Monacho Carthusiano.

MVnus, quod mihi ad Reuerendissi-
mum Abbatem de S. Petro, eiusq.

A 4 fra-

fratres deferendum misisti, tuam benevolentiam, illorum decebat religionem. Itaque non temerè factum est, ut illinc donantis prudentia, accipientiumque simul constarent merita. Sicut à te muneris exhibitionem, ita gratias tibi agendi onus ab eis libentissimè suscepi. Tu libenti animo verborum officium accipias, non tuæ liberalitatis præmium, sed de Sancto Petro familiaris grati animi testimonium. Vale. Bononiæ.

EPISTOLA VI. Mutinam.

BARTHOLOMAEO BELVEDERIO
Societ. Iesu Presbytero.

AQuè perindè, ac prudenter florum semina desideras ab eo, cuius stertilitas nihil spei fructuum pollicetur. Quæ tu peris, nullius momenti, quæ ego tua causa cupio, maximi sunt. Hinc fit, ut, quamvis tuum mandatum diligentissimè curauerim, tamen quod debeo, non videar persoluisse, desiderio meo parùm obsecu-

secutus. Sed cum rem clarius inspiciens, in minimis etiam rebus perficiēdis (si hilaritas animi appareat) multum laudis paratum agnoscam, Indici Calami semen ad te mitto, eoque libentius, quod ubi flos : ubi coloris affurrexit, ruborem meum oculis tibi objeiet ; cum me nullius meriti hominem in amicitiam tuam receptum, primariorum hac ipsa, cum voluptate, fruentium numero adscripseris. Vale, & amicum recentem fove. Bononiæ.

EPISTOLA VII. Ferrariam.

CLAUDIO ACHILLINO

*In Ferrar. Gymnasio legam Interpreti
Primario.*

L Vcubrationculas meas (istud enim nominis earum exilitas postulat) acerrimo iudicio tuo libentius subiicerem, nisi cōsuetam desiderij frustrationem pertimescerem. Cum enim necessariam censuram audivissimus expectassem, superfluentem laudem retuli. Nec ideo sum admiratus :
quia

quia genius tuus liberalissimus in clientum laudes facillimè propendet, vt homines non immeritos in tanti viri amicitiam recipi demonstret. Prælagit quidem animus mihi censuram quærenti, audaciæ incusationem imminere; quippe qui publicas occupationes tuas interpellare non dubitem. Illud non peto, vt occupationibus aliquid subtrahas; verum vt cognomento Achillinus, Achillis mores interdum æmuleris. Sicut ipse animum grauissimis curis distentum fidibus relaxabat; sic tu à consuetis laboribus ad mitiores musas redi. Postea quam præsens elogium, immaturum ingenij mei partum legeris, nulla modestiæ, aut amoris rationis habita, quid sentias, rescribe. Iudicij, credo, laborem ne prætendes: cum alienis rebus iudicandis nihil laboret, sub cuius iudicij pondere ingenia robustissima laborant. Bononiæ.



EPISTOLA VIII. Bononiam.

*HIERONYMO BUCCAFERREO
In Bonon. Archigymnasio legum Professori
Ordinario Collegiato.*

SI vires in eo, quod mihi per filium tuum Alexandrum iussisti, æquales gradus cum voluntate contollent, nullam ipsei de me conceptæ frustrationem senties. Sed timeo, ne de ingenio meo nimis altè sentias, de tuo coniecturam facias. Sicut enim optimi viri alios etiam optimos facillimè credunt; ita doctrina præditi hanc ipsam (dummodò absit superbia) ab alijs non excludunt. Attamen negotium quàm primum aggrediar, ut saltem diligentiae nomine me dignum exhibeam. Exitus verò nisi & tuis meritis, & desiderio meo respondeat, hoc certè assequar, ut me longè supra vires, tua causa cupidum, & à bona fortuna magis, quàm ab animi gratitudine alienum cognoscas. Ex Villa.

EPISTOLA IX. Firmum.

PETRO PERATTINO
*In Firmano Gymnasio legum Interpreti
 Primario Vespertino.*

Praesentium litterarum callator me-
 cum amicitiam, cum alijs quibus-
 dam, de re familiari discordiam nutrit. Il-
 lius recuperandæ spem in tuo patrocinio
 collocavit, idque per me interpretandi est
 cupidus, cuius precibus te nihil negari
 non ignorat. Virum summæ integritatis,
 tuî observantissimum, officiorum memo-
 rem tibi commendo. Huic si præstò sis,
 duos simul iacentes, eadem opera, suble-
 uabis. Illum, qui fortunas patrui distra-
 ctas deplorat: me, quem amicitiaæ leges
 eiusdem fortunæ consortem requirunt.
 Bononiæ.



EPISTOLA X.

Mutinam.

LVDOVICO SCAPINELLO

Philosopho.

S Ortem apud me peculiarem, Scapinel-
le sapientissime, agnoscas, qui corpo-
reis oculis captus, acutam mentis aciem
longissimè intendis. Atque in eo potissi-
mùm agnoscas, quòd officia ab alijs, cun-
ctatione omitti solent, mea per celerita-
tem retardantur. Te in patriam reditu-
rum salutare constitueram, honoris, &
officij causa: vt scilicet me amicum tibi ad-
dictissimum (quod iam pridem animo fe-
ceram) tandem aliquando præsentia siste-
rem, inde pro tuis in meum ad Hierony-
mum Prætum elogium laudibus gratias
agerem. Sed audiui, improuisum de ma-
tris morbo nuncium hinc te celerius, quam
cogitaueras, abstraxisse. Statim sensi, pra-
uam vnius animi affectionem, mœstitiam
dico, duorum, filij & amici animis inhære-
re. Officia igitur, quæ ore deprompta,
spero, non recusasses, è stylo, quin animo

fluèn-

fluentia liberaliter admittas: ne quicquid
mœroris ex debito, nulla tamen culpa, pro-
rogato contraxeram, eiusdem aspernatio-
ne augeatur. Vale. Bononiæ.

EPISTOLA XI.

Bononiam.

HIERONYMO PRAETO.

QVod nusquam vidi, neque audiui,
ex dissidio amicitiam comparari,
experimento sum edoctus. Præ-
teritis diebus, cum istic de re litteraria, in-
ter litteratos viros, sermo agigaretur, ego
sententiam meam rogatus, à te penitus dis-
fensi; non ut amicis ea in re tibi aduersan-
tibus assentirer, verum ut opinionem meam
ingenuè patefacerem. Itaque in amicitiam
tuam intraui, eo deprecatore, quo alij iam
receptum detrusissent. Nosti huius sæculi
homines adeò sibi placere, ut quibus adu-
latio imparata sit, immortale odium pare-
tur. Quid huic dissidio conciliatori de-
beam, non satis queo explicare. Illos in-
terroga, qui amicitiam tuam, auro contra,
æsti-

æstimandam affirmant. Verùm apud quem non plurimi esset vir moribus perinde, atquè cultu lepidissimus, optimis artibus egregiè institutus, in primisquæ Poeta celeberrimus? ceteris præstantior, quo scriptis iam editis parcior? qui (vt alia omittam) Salmacis fontis infamiæ notam, artificioso atramento deleuit? Mihi operum tuorum parcitatem cum alienorum, quæ extant, abundantia comparanti, statim animo assurgunt duæ istius Ciuitatis turres primariæ: quarum alteram longiorem Asinellorum nomine, elatis supercilijs, alteram Garisendorum, sed maiore artificio extructam, arrectis mentibus, prætereuntes aduenæ suspiciunt. Si ceteras laudes tuas silentij lapide occludam, eadem opera, inuidis ora occludam: ne liberalitatem, quòd me amicorum tuorum numero adscripseris, encomij prolixitate compensatam, audacissimè deblaterent. Quare, vt tua merita paucis comprehendam, hoc mitto elogium, perpetuum mei erga te honoris testimonium. Lege, & vale. Ex Villa Casalechij.

EPISTOLA XII.

Romam.

10. FRANCISCO ANGELELLO.

Quam aptè cognomini respondeas,
 Angelelle, multi, ego primarius te-
 stis sum, nihil in te fictum, nihil
 simulatum, sed omnia pura, & aperta re-
 periri; diuturno experimento eruditus.
 Addo animi altitudinem, quæ illud solum-
 modò abiectum censet, quod elationem, &
 fastum respiciat. Humanitatem tibi inge-
 nitam, vel absens mihi aperiendam existi-
 masti, cum de tuo istuc aduentu certio-
 rem fecisti. Pro ista re gratias ago immortales,
 & cum optima salute contigisse perinde le-
 tor, ac si fecus accidisset moererem; sine
 modo inquam: quia, quicquid rerum est,
 ut tibi prosperè fluat, desiderium apud me
 modum non habet. Si crebras (quod con-
 suetæ liberalitatis impulsu polliceris) li-
 teras ad me miseris, mittes etiam quod ab-
 sentiae tuæ molestiam valeat delinire. In-
 terea quem gratiæ tuæ parem iudicasti,
 iussis non imparem declara. Bononiæ.

EPI-

EPISTOLA XIII. Bononiam.

10. IACOBO FERRO.

Statim vt Rhetoricæ compendium misseris (quod per litteras te missurum polliceris) ego quicquid occupationum est, mittens, perlegam : non (quemadmodum per modestiam petis) vt emendem, sed vt rhetoricè, hoc est aptè, ornatèque ingenij tui extollendi artem percipiam. Illud enim dum parit, Deam Laudem suis foetibus obstetricem meritò requirit. Vale. Ex Villa Casalechij.

EPISTOLA. XIV. Bononiam.

ANGELO MICHAELI SACCO

Philosopho Collegiato in Bonon. Archigymnasio Medicina Professore.

Pictorem communem amicum ancipiti syllabæ comparo. Brevis, & longus est. Illud corpore : hoc opere. Sed duplicem (quod video) picturam exercet, lingua,

gua, & penniculo. Siquidem non minori artificio mendaciuncula mellitis verbis, quam imagines aptis coloribus vestis. Is quoniam Pictor est, genium suum ad aliorum ingenium; & præcipuè ad tuum fingat; de picturis fidem ne frangat. Tu interim sustine, vt in longum possis, à spe celeritatis abstine, & vale. Ex Villa.

EPISTOLA XV. Forosempronium.

MICHAELI ANGELO ACTIO

Protonotario Apostolico.

Illud etiam huic augustissimæ vrbi debeo, quòd mihi eam incolenti quamplures amicos in varias Orbis terrarum oras dispulso videre, & alloqui contigerit. Quis verò te catior, & necessitudinis vinculo coniunctior? Tui amantem me Natura concepit: Infantia produxit: Pueritia nutriuit; Adolescentia adauxit: Iuuentus confirmauit. De in quis à patrijs laribus remotior? Ne vltimis quidem Italiæ finibus contentus, in Germaniam abij-

sti

ſti Illuſtriſſimi Apoſtolicae Sedis Nunciꝝ
ſeruitio addiſtus. Is perſonarum ſpecta-
tor, generis tui nobilitatem, animi cando-
rem, modeltiam, in florenti ætate rerum
uſum, & prudentiam doctrinæ non vulga-
ri adiunctam contemplatus, te vnum ne-
gotiorum ſummæ prætecit, vt potè quẽ
in vtramque aurem tamdiu dormire poſſe
experientia docuiſſet, quàm diu integerri-
mæ fidei tuæ, quæ neque amore, neque
odio corrumpitur, acquieſceret. Et ta-
men te hac interficientem vidi, ſalutaui.
Sed qualem vidi? Ob dulciſſimi fratris
Antonij Mariæ, qui patriam vniuerſam
(quod ſecum Muſæ interijſſent) moeſtam
deſeruit obitum, pulla veſte indutum. In
luctu, ac ſquallore iacentem non dixerim.
Cum enim amici partes haud negligendæ,
piaque deſuncti memoria illud commone-
rent, vt, poſtea quàm propriam animi ægri-
tudinem intimo corde conceptam explicaf-
ſem, te ad acerbiffimi caſus tolerantiam ad-
hortarer, ſatis intellexi, quicquid benefi-
cij ceteris non meliore fortuna vrentibus,
longa dies elargiri conſuevit, te à ratione,

& consilio impetrasse. Sed, ne vulnus, quod iam consenuit, manu quasi admota, recrudescat, hæc missa faciamus. Te, inquam, vidi : sed fugientem vidi. Illud affirmabas, Bononiensis Ciuitatis pulcritudine, ac magnificentia te inuitari, allici, detineri. Veruntamen comitum discedendi celeritatem causatus, hic non diem ipsum contriuiisti. Cùm igitur raptim inuicem congressi fuerimus (siquidem nihil supra horam nobis datum est ad loquendum) gratissimo colloquio tuo fruendi cupiditatem potius auctam, quàm imminutam, nedum expletam sentio. Nunc, quia fato disiungimur, litterarum fructu, amicitiae alimento ne careamus. Quod libens ut facias, en prolixus te adscriptionem appello. Bononiæ.

EPISTOLA XVI. Mundulphum.

GASPARI OLIVAE I. C.

MEa in te beneuolentia à morum tuorum suauitate scaturiens, illud animo

mo influit, vt aliquid temporis occupationibus, quæ multæ sunt, demptum, petitioni tuæ facillimè impendam. Illud verò libentiùs facio, quod modestia, quasi Remora te vsque adhuc morata est, quò minus opera mea non semel tibi oblata vsus fueris. Itaque statim vt ea vti libuit, mihi pariter libuit munus à te demandatum subire. Vt primùm confecero, ad te scribam, vtque seriò potiùs, quàm serò possim, omnem lapidem mouebo. Vale.
Bononiæ.



EPISTOLA XVII.

Mutinam.

PHILIPPO MARIAE DE MOLIS

Comiti.

CV'm tu occupationes meas æquè, ac tuas cognoscas, cur mihi parciùs scribenti non ignoscis? Si voluntatem respicias, singulis diebus, singulis horis scribo; quin assiduè tecum sermonem agito. Si rem species, curis non exiguis illius exitum præpedientibus, longè absum à cul-

pa. Tu ne longe absis ab indulgentia, amicitiam nostram strictis adeò legibus haud coarctata, quæ si necessitatis duritie frangantur, te potius inclementem, quam me amicitiae violatorem declarent. Bononiæ.

EPISTOLA XVIII. Bononiam.

ANDREAE MARIANO

Philosopho in Bononien. Archigymnasio

Logicæ Professori.

EA est à scriptione tua delectatio, ut mihi in tantis molestiis illud iure optimo liceat usurpare. *Tamdiu acquiesco, quamdiu ad te scribo, vel tuas litteras lego.* Verùm huiusmodi voluptas in ijs haud censenda, quæ in ipsa possessione amittuntur. Perennis est, atque æterna, quam perennis, æternusque fructus confectatur. Felicem me undique appellarem tantis delicijs circumuentum, nisi hoc vnum angere, quòd non antea ad amicitiam tuam aditum mihi patefeci. Si in istam intrafsem, ut primum Bononiam intraui, nunc lætus

latus fortunam laudarem , quæ nihil ad summam felicitatem mihi desiderandum reliquisset. Iam verò ipsam indignabundus accuso , quæ vsque adhuc iniquissima tanti boni me fecit expertem . Illud tamen solatio est . Præstat serò quàm numquam. Imò cùm menti obijcitur, istic me quadriennium lacerasse , quo tantum abest, vt consuetudine tua frueret, vt nec etiam de facie te nouissem: nunc vtrumque assecutus, qua iucunditate aspergor, eadem animo feruentissimo perfundor . Quare temporis tarditatem delectationis gurgitatione compenso . Vt verò ad scriptionis fructum reuertar , dum me adscribendum prouocas , illud efficis , vt quod vrbis magnitudine interdicitur, etiam disiunctos internos colloquamur . Si istud beneficium codicillis, qui linguæ officio funguntur, acceptum referamus, eos in dies liberaliores experiemur. Enimuerò latiali idiomate honestati, ne gratitudine animi superentur, nos ad rectam scribendi semitam, quasi manu ducent . Meum de mutuis literis consilium habes . An tu idem sentias,

ignoro. Si ex compacto rem agimus, magnus à scriptione fuerit quaestus. Sed Claretam Plautinam audi.

— necesse est facere sumptum, qui quaerit lucrum.

Sumptus vires nostras non excedit: quin adeò tenuis est, vt Iri etiam tenuitati acquiescat. Totus ab Exercitationis templo, vbi ærarium est, vel inconsulto Senatu, proferendus. Illuc ergo (quisnam prohibet?) alacriter accedamus, mutuis litteris frequentissimè vtamur. Equidem (quod meum est) exploratè tibi polliceor, me nunquam scribendi officium (licet occupationes iugruant) intermissurum. Tu idem si feceris, nihil nobis desiderandum supererit. Vale. Bononiæ.



EPISTOLA XIX. Bononiam.

FABRITIO BARTOLETO

Philosopho, & Medico in Bononien.

Archigymnasio Chirurgie

Professori.

Post quinquennalem ab amicis, & consanguineis absentiam, liber atque incolumis, ubi genitus sum, remeavi amantissimis omnium complexibus exceptus. Quò circa illud si affirmauero, patriam sedem non parum delectationis mihi afferre, fidem adhibeas. Nosti Ouidianum illud.

Dulcis amor patrie, dulce videre suos.

At si delectatio cum solitudine, quam tua parit absentia, æqua lance suspendatur, quisque istam multo grauiorem iudicabit. O fortunam felicitati meæ iugiter inuidentem, quæ in hilo dulcedinis, ad satietatem oggeris amarorem! Sed iam cessent querelæ, & ad rectam iudicandi regulam animus reuocetur. Is rationis imperio acquiescens, secum ipse reputet.

Si-

Sicut dapes, quæ melle, aut saccharo abundè condiuntur, gula fastidit; quæ rebus acidis, dentes obstupeſcunt: quæ contrariorum immixtione palato ſuaues fiunt; ſic iucunditates animo gratiores cenſeri, quibus aliquid mœroris immiſcetur. Vale. Forosempronij.

EPISTOLA XX.

FRANCISCO PALAEOTO

*Protonot. Apoſtolico, Bonon. Archidia-**cono, & in Bonon. Archigymnaſio**Inſtit. Interpreti.*

SI amicorum precibus aures præbuiſſem, quem ad te mitto libellum, per Typographi manum iam pridem lucem aſpexiſſet. Sed quid vis potius mihi ſuaderi patiar, quam ingentem rerum mearum aſtimationem. Iſtud laboris eo animo ſuſcepi, vt nonnullis patricijs gratum facerem, qui mutua verborum officia accommodatè præſtandi deſiderio tehebantur. Tibi igitur ingentia nobilitate, inter
pri-

primarios huius Ciuitatis iuuenes adscripto, Archidiaconatus dignitate confirmato, ex mea iam diu confirmata animi sententia, munus debebatur. In eo, qualecumque est, perpetuum erga te obseruantia testimonium agnosce, neque rem ipsam adeò attende, vt voluntatem meam post habeas. Quoniam sicut in paruo signo non paruae imaginis symetria potest dignosci; ita in exili munere donantis magnitudo animi continetur. Bononiæ.

EPISTOLA XXI. Bononiam.

ANTONIO GANDVLPHO

*Philosopho in Bononiensi Archigymnasio
humaniorum litterarum
Interpreti.*

BOnoniensibus ciuibus tantum me debere fateor, quantum lingua non potest exprimere. Per multos enim annos me humanissimè habitum, vt summam liberalitatem excercerent, Doctoratus dignitate gratis honestare voluerunt. In ijs eru-

eruditissime Gandulphe, iure merito non infimum locum tibi vendicas; qui singulis ferè diebus me amantissimè allocutus, res tuas, quinimò te ipsum offerre consueueris. Te virum rebus magis, quàm verbis largum existimaui, potissimùm verò cognoui, cùm Ioannem Lagum amicum meum, qui opera tua apud celeberrimum istum Philosophorum Collegium indigebat, commendauit. Enimuerò ea molitus es, vt ille, cunctis suffragijs in vnum coeuntibus, voti sui compos factus sit. Quo animi adfectu res meas curares, si quæ amicorum sunt, studiosissimè complecteris? Animi mei gratitudinem cum gratiarum actione in istis litteris complectere, & vale. Casalechij.

EPISTOLA XII. Mutinam.

LVDOVICO LADERCHIO.

Dicterium illud à Poeta, supra fidem poeticam, expressum
 — minuit presentia famam,
 apud

apud me Auctorem fefellit. Tantum enim abest, Laderchi, ut de tuis virtutibus æstimatio, quam fama animo ingessit primo tecum congressu decreuerit, ut potius multum accessionis factum credam, & sentiam. Neque mirum profectò. Virtutes montium naturam æmulantur, qui licet absentibus ingentes appareant, præsentibus tamen longè grandiores assurgunt. Equidem audieram, te optimis artibus non mediocriter instructum. Sed, ut primum tui alloquendi oblata est occasio, famam à te superatam intellexi perindè, ac fides experientiæ alacrior, quàm famæ acquiescit. Si antea igitur animi tui dotes auribus tantùm inculcatas obseruabam, quid oculis expositæ suis meritis vendicabunt? Quid vendicent, satis video, sed satis nequeo explicare. Hoc vnum profabor, quicquid honoris iuueni varijs disciplinarum generibus ornato, egregijs moribus exculto debetur, id totum à me tibi, animo nihil simulato, exhiberi, re ipsa, si locus detur, præstaturò. Qua voluntate erga te sum affectus, non ore, sed

scri-

scriptione aperiendum iudicavi. Hæc enim quamvis ob suam infantiam, parum exprimat, nullum tamen à claudicante officio ruborem timebit: quia *litteræ non erubescunt*. Mea, repeto, in te propensio fuit aperienda: quæ amicorum vocibus iam diù apud me concepta, & iisdem quotidie magis enutrita adeò crevit, ut à primo inter nos de rebus litterarijs colloquio, angustias clausi pectoris aspernata, in lucem assiduè gestierit. Vale. Bononiæ.

EPISTOLA XXIII. Bononiam.

HYACINTO BVCCAFERREO.

Patris tui humanitatem novi. Idcò non miror, si amici mei scriptionem, quam legale consilium nominant, auctoritate sua confirmavit. Hinc eius in me amoris indicia adeò confirmantur, augentur, ut nulla gratiarum actio videatur suppetere. Quid si habeam? Certè non referam. Sed, cum nihil aliud, quàm habe-

re penes me sit, id vnum pater tuus à me libens accipiat. Vale. Ex Villa.

EPISTOLA XXIV. Vrbinum.

PETRO GALEOTAE I. C.

QVo fato acciderit, nescio, vt proxima tuæ Idibus datæ, nudius tertius manus meas attigissent. Qui litteras à Tabellarijs vndique collectas viritim distribuit, nullo pacto accusandus, cum in ijs, quæ meæ sunt diligentia deferendis, ipsum nihil debeat poenitere. Quæ igitur culpa prorogata rescriptionis fato adscribenda, in me nequaquam deriuetur. Quòd Doctoratus dignitatem mihi ex animo grataris, ex animo gratias ago. Sed istud officium superuacaneum, licet mihi gratissimum, dixerim, quod tacito amoris erga me tui testimonio persolutum censebatur. Neque occasio tam vrgens fuit, vt litteras vrgere debuisses. De causarum ciuiliū Rotæ Auditoribus nihil scribendum occurrit. Nescis, biennio iam elapso,
Ro-

Rotam ab Illustrissimo Senatu innouatam, quæ lustrispatio vix gyrum lustrat. Interim, si qua vacatio fortè fortuna euenerit, faciam te certior: vt de meo, in rebus tuis curandis, studio nihil imminutum intelligas. Vale. Bononiæ.

EPISTOLA XXV. Durantem.

LVCIO DE LVCIIS I. C.

Durantina Collegiata Præposito.

AD proximas tuas pro amico de meliore nota commendaticias satis fuerit rescripsisse, quicquid ipsum de te, de me pariter, æqualiterque sibi posse polliceri. Cùm enim vetus amicitia animos nostros ita conglutinauerit, vt eos vnum, & eundem nemo non iudicet; propterea quæ tu vis, ego velle debuero. Sed vires ex voluntate ne metiaris. Hæc nullis finibus potest contineri: illæ se longius interdum extensuræ, negotiorum difficultate repelluntur. Bononiæ.

EPISTOLA XXVI. Bononiam.

ANDREAE MARIANO

Philosopho in Bononien. Archigymnasio

Logicæ Professori.

Congressus tui delectatione adeò perfundor, vt si Bononiam versus iter faciens, me appellasses, non modò bellaria, sed primas etiam mensas omissem. Quin ratus, te longè à prandio in urbem rediturum, Felcinense fundum peto, rusticos interrogo. Respondent, te equis albis citiùs abiisse. Tunc amanter iratus. O hominem, exclamo, nimis pavidum, qui amicos sui studiosissimos veretur salutare! Verùm, vt quod sentio, ingenuè loquar, modestia, quam peculiarem habes, huiusce iucunditatis me fecit expertem. Quod attinet ad communem amicum, à Medici opera quid timeam? Fortunam potius rebus meis aduersantem timeo. Adsit, qui corporibus, & animis nunquam frustra medetur, Æsculapius ille verè diuinus:
C quem

quem extra, sanam medicinam sperare, nugæ omnino, & gerre. Vale. Ex Villa.

EPISTOLA XXVII. Forosempronij.

MICHAELI ANGELO MEGANINO.

DE negotio, creberrima inter nos scriptione, agitato illud necesse est, si supræmam (quod vulgo aiunt) manum addere desideras, ut annuam mercedem tibi assignandam postules: nec quod totius rei summam continet, in arbitrium meum reijcias. Cur enim haud petas, quod proprijs laboribus retributum licet accipere? Ea de re quid statuas, anxius expecto, & quam primum rescribas, rogo: ne quod vnis literis expediri potest, pluribus prorogetur. Illud amanter moneo, ne tantum modestiæ libeat adscribere, ut rebus tuis optimè consulendi facultatem amittas. Vale. Bononiæ.

EPISTOLA XXVIII. Melitam.

LVDOVICO DE S. PETRO

Equiti Ierosolymitano.

IN Melitensem Insulam te incolumem peruenisse, eo lætior audiui, quòd multa, nec quidem prospera de te fuerunt nuntiata: quæ, quoniam
Res est solliciti plena timoris amor,
apud tui amantes non dubiam fidem inuenerunt. Animus meus, ut ista percepit, intramque partem est agitatus. Hinc illud Taciti occurrebat. *Nihil tam capax fortuitorum, quàm mare.* Illinc rumoris, qui serpebat, origo studiosissime perquisita, cum nusquam appareret, pro comperto habui, nuncium mendacis famæ plumis ad nos delatum, non secus, ac plumam, seu fumum in auras euasurum: quod contigisse ex tuis litteris postea cognitum est. Mihi igitur gaudius, tibi gratulor, simulque admonco, ut causam, quæ te nondum ex ephœbis egressum ad longissimæ viæ labores, & incommoda impulit, præ oculis ha-

beas: candida istius primarij Ordinis insignia, quæ affecutus es, candidis moribus honestes: nullam gentilitiæ nobilitati iniuriam afferas: neque tantum ætati concedas, vt præstantissimi omniumque fama celeberrimi Equitis officium asperneris. Ijs monitis cumulatè satisfeceris, si ex prudentissimi Equitis Opicij Guidotti de te curam gerentis præscripto viuas. Quæ amor scribenda dictauit, te non modò nihil ægrè laturum, verùm memori animo condita, maturè, ac diligenter executurum confido. Vale. Bononiæ.

EPISTOLA XXIX. Florentiam.

FRANCISCO ALAMANNO.

Cum de tuis scriptis à me iudicium quæras, patere, vt sine fūco iudicem. Ea non admiror: & tamen plurimum laudo. Non admiror, tam aptè, tam eleganter scribendi causæ haud ignarus. Ea est ab origine, ab educatione. Originem præbuit Ciuitas, quæ non magis nomine, quam

quàm optimis ingenijs floret. Educationem Academia, vbi adolescentuli Doctoris præstantia, ad optimas artes ardentissimè incitantur. Plurimum laudo, quia origo, & educatio non multum, sine tuo labore, profuissent. Hinc discant ceteri iuvenes studium, & laborem ad discendi facultatem accommodare, illud non obliti. *Profectus constat diligentia.* Bononiæ.

EPISTOLA XXX. Bononiam.

CAESARI RINALDO.

Permulti familiares mei epistolarum tuarum, quæ nouissimè in lucem prodierunt, lectione delectati, non rarò mihi aures obtundunt, vt te ad alteram partem in medium proferendam adhorter. Ijs non semel respondi, te quicquid cogitationis est, illuc adeò intendisse, vt, si quis vel amicissimus lucubrationes poeticas, vel aliud quidpiam à te petat, non impetret; vt potè ab eo, qui publicæ vtilitati addictus, priuatam omninò aspernatur. A stimulis ta-

men non cessant, quos volunt tibi, licet currenti admoueam, spatium maturo partui à Natura destinatum iniquo animo sustinentes. Immoderatæ istorum cupiditati, amabò, indulge, illud Symmachi ad patrem præ oculis habens. *Solent impatientes dilationis esse, qui sperant in se aliquid muneris conferendum.* Præterea labores tui quanti sint apud homines, illinc lætus agnosce, quòd dum facis, calamum ange. Statim vt alteri epistolarum volumini colophonem imposueris, ne comprime, sed satis omnibus facturus, prælo comprimendum trade. Scio non auram popularum laborum tuorum finem tibi propositam; sed ista meritis tuis se se obijciens, nequaquam videtur excludenda. Vale. Ex Villa.

EPISTOLA XXXI. Pergulam.

POMPEIO CLAVDIO I. C.

EA est rerum prosperè fluentium conditio, vt vbi accipientis merita præcedunt,

cedunt, nihil fortunæ beneficio tribuatur :
vbi fortuna imperet, nihil meritum in-
esse appareat. Nec mirum certè. Ad cla-
rissima namque si caligat, occulta quomo-
do inspexerit? Quòd verò tu, præstantis-
sime Claudii, in Genuensium causarum cri-
minalium Rotam accitus fueris, meritis, &
fortunæ simul adscribendum. Illis, qui te
in fortientium numero adscripserunt: huic,
quæ opinione tua citiùs te, quod optaue-
ras, sortitum ostendit. Amico igitur me-
ritorum & fortunæ inuicem aduersantium
conciliatori, viro inquam prudenti, cuius
voluntati fortuna obtemperat, magnope-
rè gratulor. Campus enim latissimus pa-
tet, in quo tua virtus cum laude possit ex-
currere, seu potiùs exultare. Hinc præ-
sens epistola ad te currit, vt voluntatem
meam, quæ cum adepto munere omnia fe-
licissima tibi precatur, patefaciat. Vale.
Bononiæ.



EPISTOLA XXXII. Durantem.

LVDOVICO DONZELLO.

CUr te impium non appellem, qui pietatem homini amicissimo postulas auferre? Quin impium etiam dixerim, si excusationem reijcias, cur illam à me tibi non liceat impetrare. Istam imaginem non pecunia, sed pictoris in me beneuolentia à pictore ipso extorsit. Ob id mihi carior: quia quod auro venit, auro contra æstimatur: quod dono accipitur, animi gratitudinem, pretium requirit. Aurum terrestre est: gratitudo animi cœleste aliquid sapit. Vale. Bononiæ.

EPISTOLA XXXIII. Parmam.

ALFONSO ELEPHANTV TIO I. C.

ET si de rebus aulicis hominem Aulæ minimè aptum interrogas; tamen, ne quæstio repulsam patiatur ab eo, qui nihil supra, quàm cupiditati tuæ obsequi desi-

desiderat, libens respondebo. Cunctis in eam rem conatibus adhibitis, si res haud successerit, ingenij tenuitatem, non voluntatem accusabis. Duæ afferri possunt causæ, quibus Aulici Principum gratia non perpetuò fruuntur. Altera, quoniam illi posteaquàm desideriorum cùlmen attigerunt, aliam voluntatem erga Principes induunt. Altera, quoniam Principes, cùm iam nihil reliquum sit, quod in Aulicos conferant, tedio affecti, eos deferere coguntur. Hæc Auctor omnium maximè politicus lib. 3. Ann. apertissimè indicat, cùm de Mecœnate, & Crispo Sallustio iam senibus, specie magis, quàm re apud Tiberium gratiosis, cùm antea plurimum valuissent, sic ait. *Fato, potentia rarò semperiterna: an satias capit aut illos, cùm omnia tribuerunt, aut hos, cùm iam nihil reliquum sit, quod capiant.* Cura, vt valeas, & si Aulam aliquando sequaris, lubricæ Principum gratiæ ne fidas. Iterum vale. Bononiæ.

PISTOLA XXXIV. Romani.

IACOBO NARDIO I. C.

QUæ munera ad me misisti grata omnino, & ingrata acciderunt. Grata, quoniam liberalitatis tuæ indicia sunt. Ingrata, quia te nihil de me sine remuneratione tibi polliceri posse ostendunt. Illud si credis, longissimè quidem erras. Is ego sum, qui quicquid operis amicorum causa infumo, haud consumptum existimo. In posterum, si me uti volueris, ista conditio adsit, ut mercedis locum obtineat delectatio, quam familiaribus, officio, fideque retinendis percipio. Vale. Bononiæ.



EPISTOLA XXXV. Romam.

BERNARDO GVILHELMO
*In Rom. Gymnasio humaniorum litterarum
Professori Primario.*

QUod Hieronymum Prætum amicum candidissimum nominas, candidæ illius in te benevolentia responde. Is adeò syncerè de te sentit, ac loquitur, ut quicquid laudis morum tuorum, suauitati, doctrinæ, modestiæ debet, id totum nihilo, quàm par est, liberalior concedat. Prætus ea in re, ut in ceteris, est eloquentissimus. Sed non minùs eloquenter tua & soluta, & alligata oratione, scripta te laude dignum, & in Romnano Gymnasio, Romanæ linguæ restauratorem, declarant. Hæc breuiter recenseo; non ut te laudem, sed ut ab omnibus, qui sapiunt, laudandum attester. Itaque, si quid in me debiti linguæ officij desideratur, promptissima honoris exhibitio compensat. Sed, ne laudes tuas epistolæ argumentum videar

dear secutus, hac de causa scribere non diffiteor, quia amicitiam tuam, Præto conciliatore, desidero: non ut omnibus in rebus me tibi æqualem præstes, sed ut iutundam litterarum vicissitudinem, quoties libuerit, exerceas. Bononiæ.

EPISTOLA XXXVI. Medulam.

LVDOVICO ROSELLO.

Q Vicquid Reuerendissimum Abbatem de Sacto Petro rogandum mihi demandasti, non secus, actu res meas, nempè studiosissimè, curabo, Si de summa nobilissimi iuuenis liberalitate liceat coniectari, me facillè impetraturum confido. Quinimò ei gratissimum acciderit, credo, in te, cuius merita optimè nouit, virtutem omnium laudatissimam exercere: cùm omnes assiduis officijs completendi occasionem perquirat. Vale.
Bononiæ.

EPISTOLA XXXVII. Bononiam.

CORNELIO LOLIO.

COenam à me tibi condictam præstari desideras? Præsta, vt me condictio-
nis ne poeniteat. Adeo enim lautè me ex-
cipis, vt familiarium numero videaris ex-
cludere. Vt in ijs locus sit, tu conuiuij tui
largitatem restringas. Sin minùs meam
tecum accumbendi frequentiam cohibebo.
Vale. Ex Villa Casalechij.

EPISTOLA XXXVIII. Bononiam.

IO. THADEO BLANCO

Comiti.

DVplici nomine petitioni tuæ non repu-
gnassem. Altero, ne me à nobilif-
simo viro mandati honore eximerem: al-
tero, quoniam adeo modestè petis, vt pro-
pria auctoritatis oblitus, non patronus
petere, sed amictus rogare videaris. De in-
scriptione igitur duabus galearum insigni-
bus,

bus, quæ tuis stemmatibus gentilicijis insident, apponenda, diu multumque mecum animo cogitavi. Et cum illud potissimum desideras, ut vnica inscriptio vtramque imaginem complectatur, eiusque vel coniunctim, vel diuissim acceptæ sententia consistat, præsens carmen haud absurdum iudicaui.

Candidus est intus, robur prudentia firmat.

Priora verba Mauri imaginem decent; quippe quæ eundem, licet ore nigrum, corde tamen candidum declarant; & eo magis, quod familiæ tuæ Blanchæ cognomini respondent. Reliquum carminis colubri collo in caput humanum, quod ore gladium tenet, desinenti conuenire intelliges. Robur enim gladij typo explicatum sine prudentia, quam in colubro agnoscimus, nihil, aut parum posse, Cecina apud Tacitum sic inquires, ostendit. *Vnam in armis salutem, sed ea consilio temperanda.* Quicquid sterilis ingenij mei agellus ferre potest, iam habes. Ex Villa.

EPISTOLA XXXIX.

AMICO CVIDAM.

DE tuo amore hominem tui amantem
consulis. Ego breuiter, & amanter
cum Phædro respondeo.

A feminis ut cumque spoliari viros.

Ament, amentur.

Phædro igitur liberto, animo tamen inge-
nuo si fidem adhibes, aut amare cessa, aut
spoliari ama. Vale. Bononiæ.

EPISTOLA XXXX. Ticinum.

STEPHANO PERVZZINO I. C.

STrenarum vsus, de quo per litteras
quæris, non minus antiquitate, quàm
frequentia celebrem fuisse, luculenti scri-
ptores contestantur: quorum cathalogum
ne texam, vnus, aut alter instar omnium
habeatur. Suetonius in Augusti vita, il-
lud de strenis scriptum reliquit. *Omnes
ordines in lacum Curtij, quot annis, ex vo-*

to,

to, pro salute eius, stipem iaciebant. Item Cal. Ianuar. Strenam in Capitolio etiam absenti, &c. Præterea de Tiberio. Quotidiana oscula prohibuit edicto. Item strenarum commercium ne ultra Cal. Ianuar. exerceretur. Demum in vita Caligulae. Edixit, & Strenas ineunte anno se recepturum, stetitq; in vestibulo adium Cal. Ianuarij ad captandas Stipes, quas plenis ante eum manibus, ac sinu omnis generis turba fundebat. Illarum originem antiquissimam Q. Aurelius Symmacus aperit, cum Valentino, Theodosio, & Archadio Imperatoribus inueuntis anni felicitatem precaturus, epist. 28. lib. 10. ita exorditur. *Ab exortu penè Urbis Martia Strenarum usus adoleuit, auctoritate Tatij Regis, qui verbenas fructibus arboris, ex lucu Strenia anni novi, auspices primus accepit, &c.* Strenæ ethimologiam (ut hoc etiam adiungam) optimè declarat Iulius Cæsar Scalig. Poetices lib. 3. qui & Idea, hisce verbis. *Ea de causa prisca Latini Strenam, quasi trenam sunt interpretati, à tertia officij representatione.* Sunt qui Strenam à strenuitate dictam

volunt: quòd pauperiores ditioribus, quàm
se viris strenuis eas mitterent. Hæc sunt,
quæ de strenuis ad te rescribenda in mentem
venerunt. Lege, & vale. Bononiæ.

EPISTOLA XXXXI. Durantem.

PETRO FRANCISCO MACCIO I. C.

C Vr te, Macchi humanissime, vel de fa-
cie ignotum, ex animo colam, du-
plex causa. Altera, morum castimonia,
varijs scientijs exulta, quæ vnanimi ci-
uium tuorum huc studiorum causa acce-
dentium sermone, non absque ingenti glo-
ria, agitata ferreos quoque animos in tui
obsequium emoliffet. Altera, parentis
tui ad superos translati pijsissima memoria.
Huic patria mea optimis artibus, per ali-
quos annos, instituta; quin Resp. littera-
ria multis ingeniosissimis illius operibus,
& metro, & soluta oratione conscriptis
aucta, tantum se debere profitetur, quan-
tum persolvere difficillimum est. Tertiam
adderem, tuum scilicet de meis poeticis lu-
D fibus,

sibus, quos Pierius communis amicus tibi obiecit, iudicium: nisi quicquid optimo ingenio tuo debetur, cum de meis laboribus optimè sentis, & prædicas, in exilia Auctoris merita nimis liberaliter deriuasses. Hæc simul coeuntia me ad scriptiorem impulerunt; non eo certè consilio, ut te in necessitatem rescribendi adducerem; verum ut animus in te meus apertè innotesceret. Vale. Bononiæ.

EPISTOLA XXXII. Florentiam.

IO. BAPTISTÆ MANZINO.

ANtonius tuus (non dico noster, ne meritorum magnitudine tecum videar contendere) salutationem à te mihi gratissimam nunciauit: qua non minus amanter recepta, adiunxit. Vis scire, Cæsari, qualem vitam agat Manzinus? Accipe, lege, &, si potes, ride. Epistolam abs te lego heu, & doloris plenam; sed purè adeò, adeò eleganter scriptam, ut alterutrum necessario coniecerim: aut tuæ vi-

tæ statum longè minùs infelicem esse,
quam asseris; aut te nihil impensius animo
euoluere, quàm miseriarum apud amicos
per litteras deplorationem; quæ vel piæ
commiserationis lacrymas, vel gratum
consolationis officium hauriat. Si à me
lacrymas expetis, spongia sum; tuarum
calamitatum aquis in cor meum confluen-
tibus maximè vda. Sin solatius petis, pu-
mex earundem mœrore, quasi canicula,
vrente, aridissimus. Ijs namque non fe-
cus; ac meis abrodo, excrucior. Erimus
igitur sine solatio? Omni spe destituti,
miseriarum turba oppressi,

Vna salus victis, nullam sperare salutem
exclamabimus? Non ita. Auctorem po-
tius de fortuna loquentem, taciti audia-
mus.

Nec quos clarificat, perpetuò fouet,
Nec quos deseruit, perpetuò premit.
Vale, & spera. Bononiæ.



EPISTOLA XXXXIII. Bononiam.

FRANC. MARIAE BVCCAFERREO

in Bononien. Archigymnasio Le-
gum Professori.

Lapidis inscriptio, quam desideras, ingenij scalpro incidenda est. Istud si durum sit, duriores efficit sculpturam. Ingenium meum nosti durum, & difficile: vt non mediocriter verendum sit, ne tibi oppido satisfaciat. Attamen, ne suscepti oneris curam videar neglexisse, labore, ac studio poliendum curabo: vnde acuta illorum acies nulla operis duritie retundatur. Ex Villa.

EPISTOLA XXXXIV. Venetias.

IO. MARIAE MINIOTO

Clerico Regulari.

TVa in me, quam diu Bononiæ fuisti humanitas, beneuolentia (dixerim, & pietas) illud postulauit, vt gratias non
modò

modò agerem, haberemque; sed etiam re-
ponere optarem. Equidem optaui, sed
non impetraui: vt potè, qui beneficiorum
sarcina oneratus non adeò breui eam po-
nere deberem. Iam anno clapso, Foro-
sempronium versus iter faciens, te hono-
ris causa salutaui: nunc per litteras auda-
cissimus adeo, illud exoraturus, vt merita
erga me tua non quasi propria, sed externa
contempleris; de hinc quid tibi debeam
inspicias: ne me deuinctum esse adeò pœ-
niteat, vt sine rubore tua humanitate am-
plius vti posse desperem. Istud ages, si omni
loco, & tempore opera mea utaris. Vte-
re, quoniam me, figularem rotam experie-
ris. Vertar quocumque voles. Per ali-
quot enim annos, quocumque me verti,
suauissimi pietatis tuę fructus occurrerunt.
Bononiæ.



EPISTOLA XXXV. Bononiam.*IOANNI RHAMNVSIO**In Bonon. Archigymnasio Sacrarum Lit-**terarum Interpreti Colleg. & in-**signis S. Petronij Collegiatę**Canonico.*

Quantum de tua in me beneuolentia
 mihi pollicear, præsentem amicum
 interroga: cui, quicquid desiderat,
 in pen. meas litteras ad te commendaticias
 reuenturum affirmavi, non proprijs meri-
 tis, sed multis humanitatis tuę experimen-
 titis fletus. Is Philosophiæ amore patriam
 reliquit. Verum, quia fortunis est desti-
 tutus perinde, ac à bonis animi egregiè pa-
 ratus, seruire munus non aspernabitur;
 dummodo singulis diebus, per horæ spa-
 tium, ni vltra, priuatam Doctori operam
 nauet. Effice (si me amas) vt quid spei in
 tua auctoritate, suasu meo, collocauit, exi-
 tu ipso comprobatum sentiat. Iuuenem fo-
 uebis optimas artes apprehendēdi cupidū,
 sed

sed qui te virum meritissimum iam supra
ceteros colere apprehendit. Ex villa.

EPIST. XXXXVI. Forosempronium.

FABRITIO INGENIERIO.

Cæsarem fratris tui filium litteris meis inane ad te redire duplici de causa non sustinuissem. Altera, ut animi mei, iam cum de facie haud innotuisses, in te propensionem aperirem. Altera, ut iuuenis (nescio, an dicam magis caritate, quàm consanguinitate tibi adiuncti) modestiam, probitatem, non indiligentem in studijs nauationem attestarer. De hoc ipso alterum fratrem tuum Gulielmum admo-
neo; ut, si quid hominis non magni pretij testimonio desit, iterata scriptione sarcia-
tur. Vale. Bononiæ.



EPIST. XXXXVII. Forosempronium.

10. BAPTISTAE TENALIAE I. C.

CUr tam arctè, Tenalia, litteras tenes, venerogatus quidem emittas? Vis cognomini respondere? Silentium tuum grauatè minus ferrem, si ab occupationibus, aliouè impedimentorum genere oriatur. Sed illud maxime doleo, quod in otio diuturno files. Si quid negotiorum habes, in noctem reijcias, aliquam lucis partem amicis concessurus: ut te diurnis perinde, ac nocturnis laboribus, cum multa laude, occupatum praedicent. Vale.
Bononiae.

EPISTOLA XXXXVIII. Pisae.

FRANCISCO MARIAE CIAMPULO

Equiti S. Stephani.

PAtere, Ciampule amicissime, illud si affirmo, me litteras tuas optatas magis, quàm speratas accepisse. Iam diu de

tc

te nihil, neque a te, neque ab alijs. Quid
moeroris ex diuturna absentia, diuturnoq.
silentio contraxerim, tibi amicos non
simulate amanti iudicandum relinquo.
Nunc Deo, tibi que laudes, qui irrogatus
scribis: adeoque amanter scribis, ut litte-
ræ tuæ vniuersum maris cursum vsque ad-
huc confectum, multa necnon varia, qui-
bus diuino beneficio ereptus es, pericula
nuntiantes, omnem aegritudinem abster-
ferint, mihi me ipsum restituerint. Vale.
Bononiæ.

EPISTOLA XXXIX. Melitam.

IOANNI BARTOLOTTO

*Doctori Theologo Bonon. Collegiato, &
Equiti Ierosolymitano.*

QUod tibi Melitense iter aggressuro,
præfagiui, euentu ipso comproba-
tum, me haud largum nimis me-
ritorum tuorum iudicem declarauit. Eque-
strem igitur dignitatem tibi delatam gra-
tulator, hac potissimum de causa, quod illius
infi-

insignia eo magis in tuo pectore collucescunt, quòd alijs, Naturæ beneficio liberaliter donâtur: tibi tuarum virtutum meritis fuerunt retributa. Ista si quis parua dixerit, praua quidem dixerit; cum à primarijs Europæ familijs iam pridem honestata nemo inficietur. Non tamen adeò magna sunt, vt earum rerum, quæ optimis animi tui dotibus præparantur, finem contingant. Virtus nescia mortalitatis, immortalia præmia requirit. Vale. Bonon.

EPISTOLA L.

Ferrariam.

D. V R A N T I M I N I O

Rota Ferrar. Auditori.

Litteræ pro te commendaticiæ iam istuc (ni fallor) deuenerunt. Exemplum, quod petis, mitto: vt meum, omnibus locis tibi obsequendi desiderium sine exemplo esse non ignores. Istæ sunt à Principe, in quo aurum cum ostro, iure tam æquo certat, vt istud non electionis, non illud Naturæ minus, sed vtrumque meritum

torum præmium esse gloriatur . Prodeunt ab officina , vbi nihil non purum , non defæcatum . Ab eo , inquam , qui cum epistolas rectè scribendi viam , iamdiu non secus , ac Isthinum interclusam , ingenio , & labore aperuisset , inter viros à secretis Principum , principem locum , vnanimi litteratorum sententia , est affecutus . Itaque quicquid spei in summi Principis litteris de te (vt par est) loquentibus collocasti , rei euentus non temerè collocatum declarabit . Neque à competitoribus timeas . Si quid enim de petentium meritis inuidia detrahere non dubitat , potentium de illis testimonio religiosè restituitur . Bononiæ .

EPISTOLA. LI. Ariminum.

GAVELLO GAVELLIO.

QVi ventrem Cicadæ scabit , grauem illius fritinitionem auribus nō auersetur . Tu me ad scribendum prouocasti? gratulitatem meam sustineas . Septembrius mensis , quo mihi res domesticas

sticus composituro, in patriam redeundum est, obrepit, nec sentitur. Quid verò nec sentitur? A me satis superque. Vnde quotidiano victui aliquid subtraho, ut cum in via ad te diuertar, venter, qui ab esurialibus ferijs non nihil refederit, extructissimis dapibus perfruatur. Sed audire mihi videor Gauellum meum se ita excusantem.

Si quid dictum est per iocum,

Non equum est, id te serio praeuertier.

Nam meus scruposam victus comeat via.

At ego respondeo.

Cum calceatis dentibus veniam tamen.

Et si adiungas.

Terrestris cœna est.

Ego subijciam.

— Sus terrestris bestia est.

Denique si tu

Multis oleribus.

Ego, ut dialogo finem imponam.

Curato egrotos domi.

Vale, & me ama. Bononiæ.

EPISTOLA LII. Ad S. Marinum.

PETRO MIGNINO.

Litteras tuas, quas multi fortasse cum stomacho, ego albis dentibus legi: ne animus meus in te conciperet iracundiam, & quem semper amavi, odisse inciperem. Itaque patienter feras, si me deridentem derrideo: quia

— *sic ars deluditur arte.*

Tu me derides, qui iuris peritus cum sim, de abditissimis Medicinæ secretis, quæ Æsculapio negotium facesserent, interrogas. Ego par pari refero, te illorum numero adscribens, qui Iuris peritos nullius rei scientiam deficere, nō minùs temere, quàm insulsè opinantur. Sed quia illud semper in animo habes. *Frons, oculi, vultus persapè mentiuntur, oratio verò sapissimè:* ne iracundiam mihi dissimulatam credas, quæstionem à te propositam (*num quis veneno, sine corporis iniuria, vesci possit*) enodabo, nullis Medicinæ rationibus, sed exemplo inter historias celeberrimo inni-

xus : quod Isaacus Casaubonus in sequens disticon

Rex certam sub claro habuit diademate pestem :

Certa sub illecebris toxica mūdus habet. sic refert. Cambaia regnum est, ad oras primo sole salutatas, Guzarat incolae vocans, cui Machumar imperitasse testatum habemus, Regem veneno (ita volente patre, malè timente filio) abortu innutritum sensim tofici scrupulo super siliquam dato. Is in tam virulentam feritatem venenato nutritu degeneravit, ut quae in eius cute temporariam musca quietem vellent, aeternam caperent. Hoc certè magnum, sed maius, quod subiungit. Quoties autem ipse quempiam vellet interimere, augenda scilicet pesti, pestiferum fructum Chosale, foliaq. Tambor quàm simillima, illum Moschocaryo, ista Persicis esitarit, accersitum deinde haud minus lethaliter, quàm blander alloqueretur. Nemo tam integra valetudine fuit, qui venenato Regis afflatu in mediam horam duraret, nulla pellex, quæ concubitu superfuisset. Hæc pari cum fide,

fide, atque admiratione legas, & valeas.
Bononiæ.

EPISTOLA LIII. Pisas.

FRANCISCO LANDVICO.

Litteras tuas, amoris indicium, quia
salutationum cateruas continebant,
latissimus accepi: & eo magis, quòd tuum,
post caloris remissionem, ad nos accessum
nunciabant. Pro salutatione gratias ago.
De accessu mihi gaudius, tibi gratulor, &
quàm primùm fore vehementissimè opto.
Cum veneris, me amicum ad omnia tibi
paratum ostendam; & si, uti libeat, non
frustabor opinionem tuam: cū beneficium
dare longè iucundius censeam, quàm acci-
pere. Vale. Bononiæ.



EPISTOLA LIV. Bononiam.

FABRITIO BARTOLETO

Philosopho, & Medico in Bonon. Archigymnasio Chirurgiæ Professori.

O Puscula tua poetica quàm primùm mittas, rogo: ut quibus ingenij tui fecunditatem prædicaui, prædicatione mea clarius elucescat. Si miseris, bona fide polliceor, non amiseris. Neque alicuius Poetæ nostratis censuram verearis. A Parnasso longissime distamus: adeo ut licet Musæ, quæ loci amenitate delectantur, ad nos animi causa descendant, ciues nostri, ut eas ad crebriorem, libentioresque reditum alliciant, ex se prægnantes remittant. Phœbus, ne illaudabilem virginum vagationem, à qua stupri origo, impunitam relinquat, eas, ubi conceperint, foetus edere, illosque Poetastros, non Poetas iubet appellari. Vale. Forosempronij.

EPISTOLA LV. Ad S. Constantium.

FLAMINIO DE BISCACCIA NTIBVS

S. Constantij Pratori.

SI quis etiam ignotos amari neget, mihi experto fidem præbeat, qui te, Flaminii, haud parum amo, nec tamen cognosco. Equidem meliorem tuam partem, animum scilicet tot, tantisque virtutibus ornatum noui, ut ingenti amicitiae tecum contrahendae teneam desiderio. Eius conciliatorem, Sebastianum Mauritium, supra mediocritatem, tibi additum, mihi amicissimum adhibeo. Is repulsam non timet, de tua singulari humanitate non semel experientia edoctus, & frequenti scriptione mecum locutus. Nec sanè debitas tibi laudes debuit reticere: ut cum meritorum tuorum magnitudinem æquali relatione haud assequatur, tam partem ne iniuriosus prætermitteret: quæ animi gratitudinem continens, nullo nisi liberae voluntatis arbitrio continetur. Bononiae.

E

EPI-

EPISTOLA LVI. Forosempronium,
FABRITIO INGENIERIO.

QVod de fratris tui filio superioribus litteris admonui, vobis omnibus gratissimum opinor accidisse. Admonui, ne virtutem proprijs meritis fraudarem. Virtutem, dico, illius, quem opera ipsa iuvandi facultate, per absentiam, sublata, profectitijs, verbis deserere impij hominis ingenio adscriberetur. Nisi tam celer hinc discessisset, ego meum studium erga illum diutius, & largius exercendi occasionem nactus essem. Quid illius maioribus, & præsertim Gulielmo debeam, narret, qui eiusdem merita in me singularia, cognovit. Sed, quamvis ista à me nihil reticeantur, cum tamen prædicatio mea illorum magnitudini non respondeat, perinde patent, ac si occultissimis tenebris opperirentur. Eorum auctor, qui tanto oneri suppeteret, apertissimè detrectat; non temerè fortasse ratus, beneficij meritum furibus exponi, nisi à conferente grauissimo silen-

silentij lapide occludatur. Prolixitatem meam non excuso, ne hominem podagræ morbo detentum, epistolæ longioris lectione velle videar detinere. Vale ab eo, qui, vt mortales valerent, mortalitatis inualetudinem subiuit. Bononiæ.

EPISTOLA LVII. Bononiam.

ANTONIO RVDVLPHO.

E Pistolam dedicatoriam, dum petis, rem magnam, parvamque simul appetis. Si Principem bicipiti dignitate fulgentem, cui dicata, respicias, res magna profectò est. Sin Auctorem, parua, & exilis: cum ab eo nihil non paruum, nihil nõ exile proferatur. En libens mitto: & quãuis verear, ne, posteaquam eam legeris, non parum demas de opinione, quàm de me, amicorum sua su, concepisti; tamen illud solatij fuerit, quòd longè plus oculis, quàm auribus tribuendum iudicabis. Enimuerò decem auriti testes vix vni oculato æquiparantur. Vale. Ex Villa Casalechij.

EPISTOLA LVIII. Forosempronium.

FERDINANDO CHARTARIO I. C.

Vide, Chartari, quid amor valeat. Statim ut à nobis abiisti, omnia corporis membra mihi obriguerunt, non tam gelu (licet hisce diebus summas vires exerceat) quam timore, ne quid rei aduersæ tibi in isto difficillimo itinere obijceretur. Quoties à tua decessione, meam suadendi artem incusavi, quæ nullam tibi cunctationem potuit suadere! Quoties, præter quotidianum sacrificiū, priuatas Deo Opt. Max. preces obtuli, ut te patrijs laribus sospitem restitueret! Nunc supplex eundem oro, ne vota mea irrita patiatur: quodnum contigerit, cito me auditurum confido. Vale. Bononiæ.



EPISTOLA LIX.

ALEXANDRO DE S. PETRO.

Academicis exercitationibus plurimum laudis deberi, ex eo licet cognoscere, quòd illarum consuetudo à vetustissimis Philosophis in medium adducta, longissimo annorum spatio, nihil exoleuit. Quinimò ab optimis atatis nostræ litterarum professoribus semel adsumpta mordicus retinetur; cū nihil omninò ignorant, multum illinc utilitatis in iuuetutem proficisci. Vt enim militum fortitudo assidue armis exercita, magis roboratur; sic adolescentium ingenia crebris litterarum velitationibus expolita perficiuntur. Contra, si æmulis careant, otio quàm citissimè contabescunt. Itaque multum te laudo, qui consilium cæperis Philosophiæ theses in priuatis Academijs tueri, contraque tuentes argumentari. Et, quoniam præfatiuncularum formam huic negotio accommodatam desideras, quatuor eiusdem ar-

gumenti, variæ tamen inuentionis cum præsentibus litteris accipies: quorû exemplo non paucas, proprio Marte, tibi liceat conscribere. Vale. Bononiæ.

EPISTOLA LX. Corinaldum.

ANTENORI ALDOBRANDINO.

SI meus in te amor aliquid accessionis admitteret, id totum esset ab animi gratitudine, cuius post tuî apud me institutionem, non obscura indicia præbuiisti. Nihil enim prosperi, nihil aduersi tibi accidit, quod mihi per litteras non aperiendum iudicaueris. Pater tuus diem obit? statim me facis certiores. Tu vxorem ducis? non cessas à scriptione. Hinc discant iuuenes ex Doctorum imperio egressi, illorum merita non obliuisci. Hominem, quamdiu præcipit, reuereri, timoris à seruitute: post præceptionem, amoris est ingenuitatem indicantis. Ad vxorem reuersus, tibi quam maximè gratulor. Quòd de illa per litteras nunciaueris, gratias ago, prolemque tibi

tibi maximè optabilem opto, & precor. De
matrimonij conditionibus illud mihi facile
persuadeo, te feminam duxisse, quæ cum
Alcumena, animi dotes non fortunas, do-
tem existimet. Si boni iudicij ductu, talem
elegeris, te felicem prædico. Sin minùs,
quicquid miseriarum est (quod Deus auer-
tat) tibi paratum præuideo, & doleo. Va-
le. Bononiæ.

EPISTOLA LXI. Romæ.

LAVRENTIO ANTICIO 1. C.

EGo silentium tuum diù, multumque
admiratus, litteras tandem accipio,
quæ te, vix patrijs laribus salutatis, ad se-
ptem collium urbem properasse nuncia-
bant. Tunc mecum ipse. Non mirum, si
Anticius filet, Principum, ac Dynastarum,
honoris causa, salutationibus, in Romana
Curia occupatus. Si ita est, quamdiù li-
bet file.

*Peregrinum decet magis silentiū, quàm
vociferatio.*

E 4 Sile

Sile, inquam, sed apud Aulicos, qui plus
scire debent, quàm loqui. Nobiscum mu-
tis vocibus, idest litteris nullum strepi-
tum cientibus, sermonem habe, & vale.
Bononiæ.

EPISTOLA LXII. Anconam.

FLAMINIO BENZONIO I. C.

NEmo defæcатиore animo, amico mo-
lestijs exempto gratulatur, quàm
qui in eadem naui fuerit, aut sit. Tu ex-
pertus quid curæ, quid sollicitudinis menti
exhibeant sorores iam viro aptæ, me vno,
eodemque tempore, duas in matrimoni-
um collocasse, non simulatè gratularis.
Sed quid causæ fuit, cur istam voluntatem
amicissimam per litteras aperires? Amor
erga me tuus haud occultam sustinuit. Si
amicis animo par reddi posse confidis, iam
te foeneratò recepisse certò scias. Vale.
Bononiæ.

EPISTOLA LXIII. Bononiam.

ANDREAE MARIANO

Philosopho in Bononien. Archigymnasio

Logicæ Professore.

A Grestes homunculos in Ranas à Pal-
lade conuersos, festiuissimi Poetae
cecinerunt. Ne id ipsum, Orionis iniuria,
nunc euentu ipso de nobis comprobetur,
pertimesco. Imbres enim, tribus ab hinc
diebus, tam assidui decidunt, ut nos in edi-
bus, non secus, ac in latomijs compeditos
detineant. Itaque nimbo so fideri non pa-
rùm irascor, qui nostris oris pro matula
impudentissimus utatur. Quibus rebus
coelo tam inclementi, diem laceras? A con-
suetis laboribus (ut genio indulgeam.)
Genialium dierum Alexandri ab Alexan-
dro lectioni vaco, ea iucunditate, ut Ar-
gus, qui totus oculus fuisse traditur, fieri
nimis velim. Sed nescio, quo fato, vel in
ipsa animi delectatione, quæ tamen lectio-
nis spatium non excedit, non satis benè sit
corpusculo. Equidem matutinis, vesper-
tinis-

tinisq̃ue deambulationibus, quæ famem
 cient, assuetum, nimiam quietem, credo,
 auersatur: veritum fortasse, ne si diutius
 ressideat, à lautissimis cibis (dummodò va-
 letudini consultum velit) cogatur residere.
 O vos, supra quàm dici potest, felices, ac
 beatos! quibus urbem assiduè colentibus,
 domi per libros, foris per deambulationes
 & corpori, & animo licet prospicere.
 Quàm diù capillos gestauimus, arbitrato
 nostro viximus, supra biduum, aut tridu-
 um rusticari non libuit. Nunc capite ab-
 rasi, seruitute circumuēti, alienis moribus,
 mores effingamus, vultum è vultu compa-
 remus, necesse est. Sed cur in fortunam,
 quæ me in gratijs tamdiu rusticantem fe-
 cit, inuehi non cesso? præsertim cùm il-
 lud menti occurrat, nos pridie omnium
 Sanctorum solemnitatem, hisce vineis, quæ
 pampinos ponunt, longum vale dicturos.
 Faxit Deus, vt hoc exoptatissimum vale
 properè properet, Dedalæis remis (quod
 aiunt) acceleret. Si ab ore meo citò efflu-
 xerit, quicquid angoris est, ab animo ef-
 fluxerit. Sin diù cunctetur, supremum
 vale

valemihi dicere non cunctabitur. Tu vale, & me (quod facis) ama. Ex villa.

EPISTOLA LXIV. Recinetum.

HIERONYMO ANTICIO.

QVi me Plautinum appellant, sortem meam, quæ est infra mediocritatem, extollunt. Plauti Comoedijs (non nego) delector. Verum is, Auctor non est, qui legentem in familiaritatem suam facile admittat. Amat potius tractari, quam legi. At me fortasse Plautinum vocant, quòd Plautinas sententias in vnum congestas italica lingua donauerim? Si res ita habet, in ijs certè sum, qui largam laboribus suis mercedem relatum arbitrantur. Omnino meì amantes ab isto nomine desistant, ne inuidi, me illud affectasse deblaterent. Plautum animi causa semper euoluam; sed in eius verba iurasse dici nolo. Vale. Bononiæ.

EPISTOLA LXV.

Bononiam.

CAROLO ANTONIO MANZINO.

Lætor ab amicis laudari; sed quousquè
 meritorum meorum exilitati malint
 inharere, quàm ingenij sui culmen attingere.
 Istud si eligant, eorum laus plus
 fellis habet, quàm mellis. Hoc tibi, hu-
 manissime Manzine, dictum volo, qui in
 meî laudibus, quis sim, planè oblitus, tuæ
 solius facundiæ rationem habuisti. Ve-
 rùm, quia per amorem fel etiam dulcescit,
 quicquid in tuo de me elogio est fellis,
 huiusmodi condimento aspergas. Dicas,
 te amoris potius, quàm meritorum im-
 pulsu de meis laudibus scripsisse. Vale.
 Ex villa.



EPISTOLA LXVI. Ariminum.

GAVELLO GAVELLIO.

Quid mirum, Gauelli amicissime, si voluptates Venetijs à te gurgitatum haustas, per longam, in reditu ad patriam, vndarum agitationem euomisti? Aeterna rerum humanarum vicissitudo postulat, ut gaudium moeror consequatur. Utinam hæc veritas, quam nemo re ipsa in dies non experitur, mortalium animis inhæreret! ut immoderata oblectamentorum exercitatione abstinentes, anarum boni, quod obtigit, mensuram pleno horreo compensatam ne reciperent. Fortunam igitur cum ceteris tibi communem iniquè accusas: cum iniquum sit peculiarum in hac vita immunitatem postulare. Hanc ipsam fumini laudibus potius extolle: cuius beneficio te immanibus fluctuum periculis ereptum, iucundissimi parentum amplexus exceperunt. Vale. Bonon.

EPISTOLA LXVII. Porosempronij.

ANTONIO MEOTTO.

Litteras tuas nondum perlegeram, cum madidus oculis exclamaui. Heu fata! Quam temerè facitis, virum optimum in caninam rabiem actum miserrimè necando! Ne ingratiſſimus fuit catellus, qui domini manum ſibi blandientem lethali morſu arripuit. Sed cur dixi catellum? Cerberum veriùs nominaviſſem: qui acerbiffimo amici funere perpetuam luctus materiam nobis obiecit. Non mola falſa Ioui prodigiali, ſed vero prodigiorum propulſatori, pia oratione litemus; ut quem caſum in amico vidimus, à nobis benigniffimus auertat: viroque ingenuo, qui nos moeſtiſſimos deſeruit, corporis agitationem, ubi non obſcurum patientiæ præbuit teſtimonium, æterna animi tranquillitate compenſet. Vale. Bononiæ.

EPISTOLA LXVIII. Bononiam.

MATTHÆO MARIANO.

Humanitas, quæ tibi à Natura indita est, alterum mihi beneficium pollicetur. Illud paruum non erit, si apud necessarium tuum interpretis munere perfunctus, præsentis eidem litteras deferre haud neglexeris. Licet enim, quod per te rogavi, temporis angustia denegauerit; optimi tamen animi indicia gratiarum actionis officium postulant. Vale, & amicū molestum potius, quàm modestum excusa. Ex Villa Casalechij.

EPISTOLA LXIX. Bononiam.

FRANCISCO PETRAS ANCTÆ.

Quantum audaciæ ostendi, cū nihil apud te meritis, per Matthæum Marianum, singulare beneficium rogavi, nunc tantundem gratiarum
ago.

ago. Quamuis enim, per temporis breuitatem, rem non licuerit impetrare; libet tamen tuæ erga me voluntati plurimum debere. Quinimò eo plus debeo, quòd beneficij consecutionem internuncij precibus nonnulli fortasse adscripsissent; sed promptus benefaciendi animus in tuam liberalitatem deriuatur. Vale. Ex villa.

EPISTOLA LXX.

BERNARDINO BENSIGNATO

Doctori Theologo Bonon. Collegiato.

SI quis inueteratam hisce diebus Seruatoris nostri Natiuitati sacratissimæ imminentibus felicitatem augurandi consuetudinem negligat, religiosum amicitia munus videtur negligere: parum absuit, quin dixerim, odisse. Quibus enim res prosperas, temporibus sic postulantibus, non desideras, eisdem aduersas te imprecatum, suspicionem affers. Accedit, quòd legum violatorem, non sine maxima ignominia, te præbes, quoties huiusmodi officium

ciūm incuria, aliaue iniusta causa pratermittis: eūm, quicquid consuetudo, cōmuni ab omnibus accepta, longaue annorum serie agitata sibi vendicauit, legibus ipsis iniuriosissimè detrahatur. Ecquis ignorat, morem istum nulli vnquam satis laudatum ab ipsis Romæ exordijs in Tatiij obsequium exordia sumpsisse? Ego igitur, ne iuris subuersor iniquissimus appaream, quod tibi viro omnium amantissimo debeo, libens persoluo: omnia, inquam, ex voto, non à fortuna, quæ

Nec discrimen habet, reſtante iudicat,
sed à rerum omnium Moderatore sapientissimo, cuiusque meritorum iudice optimo secundari desidero. Vale. Bononiæ.

EPISTOLA LXXI. Forosempronium,

FERDINANDO CHARTARIO I. C.

Quantum lætitiæ hauserim, vbi cognoui, te post difficilis viæ pericula, sospitem domesticorum complexibus exceptum, eos interroga, qui de

F ami-

amicorum salute diù solliciti, frustra dubitasse aliquando tandem certiores fiunt. Cùm enim pauidos animi motus antecedenti epistola nescierim explanare, quo pacto succedentem lætitiā referabo? Hæc apud litterarū scriptorem præclarissimum *solet esse facunda, & angustias clausipectoris aspernata gestire*. Apud me verò elinguis, aut hoc tantum loquax, quòd loquacitatem magnitudini suæ imparem apertis vocibus declarat. Vale. Bononiæ.

EPISTOLA LXXII. Bononiam,

ANDREAE MARIANO

*Philosopho in Bononien. Archigymnasio
Logica Professori.*

Proximis litteris tibi significavi, nos magnoperè vereri, ne Orionis iniuria, coaxantium animalium formas indueremus. Nunc id ipsum, & eo constantius affirmo, quòd superi nullam, nequè diurnæ, nequè nocturnæ quietis partem imbribus impertiunt. Attamen ista metamorphosis

phosis acerba, quæ eminens præuisa, animum angit, illud solatij affert, quod communis amicus, qui omnium aures obtundit, in sermonum collatione se Achanticam Ranam, ad nostram coaxationem, agnouerit. Verum, ut omissis iocis, ad imbrium molestiam redeamus, sexcentis singulis diebus mihi ad speculam suspicienti, an Cœlum testes saturnia falce sibi præcisos deplorare defierit, eiusdem oculi lacrymis suffusi obijciuntur. Tunc, quid sperandum in posterum, quid timendum, rusticorum astrolabium oculis emissitjs consulo. Nulla imbrium cessatione præsignata, in anni tempestatem iratus incesso; quippe quæ miserrima Deucalionis tempora minitetur. Astrolabium, est collis cacumen vineis confitum, quod incolæ Coccam appellant, & ab Illustrissimi Senatoris Cospij fundò ad Sacratissimum D. Lucæ templum molliter affurgit. Cum istud inter nebulas, vel parum imminet, præsentem pluuiam duraturam, aut futuram non longè absentem prænunciat. Quorsum hæc Timeo, ne cum omnium Sanctorum, tum

Dominicæ Natiuitatis dies festi nos hinc trahentes opprimant. Ego calamum currentem opprimo, ne prolixitate me tibi molestiorem exhibeam. Vale. Ex Villa Casalechij.

EPISTOLA LXXIII. Durantem.

PETRO FRANCISCO MACCIO I. C.

Tibi iurato affirmanti cum valetudine in gratiam rediisse statim, ut meas accepisti, an credam, non satis certum est. In eo potius nihil hæsitans, iniurato crederem, nisi negares, te non tam mox illas attigisse, quam mox in valetudinem attigisti: rescribis enim post mensem. Illud dictum ne credas, ut tibi indiligentiæ notam velim inurere. Iam scriptiōis mee causas à rescriptiōis postulatu alienas satis apertè significavi; cum *præter æquum sentiant* (ut ait ille) *qui inter dispares par obsequium requirunt*. In hanc sententiā dictum est, me à causa rem contrariam, à valetudinis, inquam, recuperatione silentium

tium productū admirari. Si à feбри (quod
asseris) vales , gaudeo , vtque tibi , & ami-
cis nihil supra tuam salutem ambientibus
æternum valeas , precor . Bononiæ .

EPISTOLA LXXIV. Taurinum 1.

ALEXANDRO FRATRI

*Illustrissimi Apost. Sedis apud Serenissimu-
Allobrogum Ducem Nuncij Ordinarij
à secretis .*

S Inistri pedis dolor quindecim diebus in
spatio nihil interruptus mearum ac te
litterarum serienti interrupit. Alij Poo- la-
græ nomen indunt. Alij humorem c- ali-
dum per varia corporis membra fluenti tem
dicunt. Ego morbum omnium certè gra-
uissimum non appello , sed sentio . Cum
nulli medicamentorum generi (licet i- nul-
ta adhibuisssem) cedere voluisset ; vbi vnū,
aut alterum diem ab vñctionibus ces- saui,
ipse pariter cessauit. Ab ineunte do- loris
remissione stylo haud parcendum iu- dico ;
vt intelligas , me non , nisi necessitati s im-

pulsu, à scribendo vacare. Vale. Bononiæ.
 Obsignata iam epistola, proximas tuas ac-
 cepi, & quidem tales, quales optaui, &
 speraui. Illas opportunè reddam, teque
 de omnibus rebus certiolem faciam. Ite-
 rum vale.

I^a EPISTOLA LXXV. Forosempronium.

PROSPERO CHARTARIO I. C.

IM Eos in Tacitum labores non ar-
 duos nego. Eos tamen esse infi-
 citur, qui æquam (vt tu asseris) iucundi-
 tatem pari vtilitati coniunctam auditori-
 bus possint asferre. Nosti Auctoris diffi-
 cultatem, quæ doctissimo cuique negotium
 facit. Si facultas voluntati responde-
 ret, non dubiè sperarem, fore, vt neque
 Auditores quantum proficerent, neque
 me suscepti muneris poeniteret. Si tamen
 isti (quod te audisse affirmas) diligentia
 mea acquiescunt, ego testimonio tuo li-
 bens

bens acquiesco, & alacrius post hac in eiusdem Auctoris interpretationem me laboraturum polliceor. Vale. Bononiæ.

EPISTOLA LXXVI. Vrbinum.

PETRO FRANCISCO MACCIO I. C.

Vario rerum tuarum euentu, quem mihi homini amicissimo, beneuolentiæ suasu, communem adscribo, animus etiam meus variè afficiatur, necesse est. Meritò igitur lætitiæ, quam superioribus literis tibi diurnæ ægrotationi exempto declaravi, præsens mœror succedit; quòd in alium morbum incideris, nempè in litem. Hanc non indignè pestem nominas, cui non herba, non lapides faciunt medicinam. Dum rebus tuis aduersis dolco, alterum amici officium non deserens, te hortor ad tolerantiam, virtutem omnium præstantissimam. Faxit Deus, vt istud, quicquid est, mali, quamdiù necesse fuerit, forti animo feras, quousquè pro te sententiam auferas: vt postea quam tranquillo animo in

patriam redieris, mutuis inter nos litteris iocari liceat: præsertim istis diebus, quibus hilarem vitam non agere, mera mors est. Vale. Bononiæ.

EPISTOLA LXXVII.

ANDREAE MARIANO

Philosopho in Bonon. Archigymnasium Logicae Professori.

QUod non minùs scitè, quàm prudenter sapidissimus ille per Philematium, *insperata accidunt magis saepe, quàm qua speres,* nunc re ipsa de me experior. Ruri (quod non vnus ad te litteris significauit) imbrui ingruentia detinebar, quasi verna in phylacis circumuentus: quodque acerbius videbatur, omnis spes decollauit, fore, vt breuè loco molestissimo educerer. Cùm fortè fortuna (seu verius dicam) diuino beneficio, sudum repentè ortum me in sedes optatissimas reuocauit. Illud tibi per litteras

ape-

aperiendum existimaui, ea spe nixus, ut, qui amici malum, tuum malum existimas, boni, quod illi contigit, te participem haud neglexeris. Malum appello esse, ubi minus velis: bonum abesse, vnde minus non nolis. Vale. Bononiæ.

EPISTOLA LXXVIII. Ferrariam.

LAVRENTIO LOMBARDONIO.

Sic sunt humana, Laurenti amicissime, ut amicorum mandata appetentem, quasi Tâtalum in aquis refugiant, fugientem, vmbrae instar, auersum insectentur. Itaque non mirum, si qui alienam operam requirunt, rarò fidei vtantur. Quicquid amicorum causa efficiamus, nisi hilaritate condiatur, nihil omninò sapit. Hoc tibi dictum, qui amicorum indigens, difficillimos omnium adis, me omnia tua causa cupientem præteris, aut ceteris excussis, quasi inuitò petis. In iram si propenderem, ultio parata esset; cum is minimè sum, cuius voluntate altius inspecta, minimi videar facien-

faciendus. Sed quoniam omnibus in rebus amicorum commodo, non proprio genio indulgendum existimo, ideo libens Mathematicæ scientiæ libros ad te mitto: ut quod multos frustra sæpius flagitasti, ab vno vix quidem iusso (quoniam tui aman-
tissimus est) accipias. Mitto, & rogo, ut, si quid in posterum necesse habueris, statim me facias certio-rem, illud pro certo habens, optimam erga te voluntatem nullo mihi tempore defuturam. Vale. Bononiæ.

EPISTOLA LXXIX. Pergulam.

LYCAE RVGGERIO I. C.

QUæ de tuo negotio fides consiliaria mihi obiecit, per superiores satis videbar rescripsisse. Nunc genio tuo cumulatè obsecuturus, illud, & liberius fortasse addo. Quæ plurimorum adseuerationem, & consensum requirunt, non facile impetrantur. Hac de causa Tacitus Cn. Pisonis sententiam, licet in rem longè diuersam laudat, quòd ab vnius, quàm
mul-

multorum iudicio pendere maluisset ; illud secum ipse reputans, quod Auctor politicus affirmat, *vera, aut in deterius credita iudice ab uno facilius discerni : odium, & invidiam apud multos valere.* Neque respondeas : petitio mea honestati altius innixa, repulsam non timet : quoniam, si hominum vota, ex honestate, fortuna secundaret, non perindè verè, ac eleganter Poeta cecinisset,

Fortuna immeritos auget honoribus,

Fortuna innocuos cladibus afficit,

Iustos illa viros pauperie grauat,

Indignos eadem diuitijs beat.

Si tamen illius fauorem in te libet experiri, meque negotio adiuuando aptum existimas, illud habeas, fortunam voluntati meæ non dominari. Amico igitur nihil parce, sed omnia præcipe, & vale. Bononiæ.



EPISTOLA LXXX. Bononiam.

LVCIO PASELLO.

TVam ex Taciti lectione iucunditatem intelligens, iudicij maturitatem, in aetate nondum matura, summopere laudo; ut potè illius, qui Auctorem rerum politicarum omnibus probatissimum legendo, diem traducis. Quid verò à iucunditate, nisi aliquis indè fructus constaret? Is apud me constat, & certè non vulgaris, quem tuæ cum Academicis sermocinationes declarant. Perge: istius generis libros euolue. Optimarum enim artium cognitio ingenitæ nobilitati, morum castimoniam adiuncta, te otio, quod iuuentus libentissimè amplexatur, inimicum, bonis omnibus amicum declarabit. Vale. Ex Villa Casalechij.



EPISTOLA LXXXI. Pisaurum.

IULIO CAESARI VENANTIO I. C.

Rumor serpebat (quod scribis) me
superiore præterito mense in patri-
am reuersurum. Eiusdem rei apud me
serpebat desiderium. Causa non vna. Sed
primaria, vt parentes viderem, qui, Deus
auerunciet, vt iam senio confecti, supra-
mum diem claudant, priusquam præsentia
mea illorum voto satisfaciat. Statim vt
quædam negotia expediero, viæ me com-
mittam. Tu, quæ pollicitus es, vt maturè
parata sint, cura. Vnum, aut alterum diem
apud te cogito. Supra, nihil polliceor.
Enim verò quò tardiùs ad meos iter confi-
ciam, eo celerius huc reuerti necesse habe-
bo. Vale. Bononiæ.



EPISTOLA LXXXII.

Ripas.

SEBASTIANO MAVRITIO I. C.

DUm tempus illud, Mauriti amicissime, occurrit, quo lac ab ista nutrice studiorum fecundissima fugebas, occurrunt pariter colloctiones, quibus sæpe duas, tresue horas cum maxima animi voluptate exigebamus: eaque cogitatione adeò immergor, ut iure optimo exclamem: *Bonum carendo magis, quàm fruendo dignoscitur*. Postea quàm enim locis disjuncti sumus, consuetudinem tuam expertus, quanti fuerit, nunc desidero. Utinam diem aliquando aspiciam, quæ res pristino statui reponat, quæ nos iterum coniungat. Sed, sicut animo grauiùs angerer, si quid mea culpa commissum esset; ita illud solacii est, quòd fortunam licet accusare, quæ nos inueterata beneuolentia inuicem conglutinos inuida deglutinauit. Nos contrà, illius improbitatem frangere, victi de victrice triumphum reportare contendamus,

mus, easdem collocutiones, quàm creber-
rimè fieri potest, mutua scriptione agitan-
tes. Vale. Bononiæ.

EPIST. LXXXIII. Forosemproninm.

IACOBO THOMASINO I. C.

Forosempron. Ecclesia Cathedr.

Canonico.

Q Vicquid laudis debetur viro, cuius
accessione, exiguus amicorum, qui
veri sint, numerus augeatur, id
totum communi omnium opinione, tibi,
Thomasine humanissime, conceditur. Ego
parum dixerò, si te omnium amicissimum
dixerò. Fratrem veriùs, aut etiam patrem
appellaro, qui fratris, patrisque officia mi-
hi liberalissimus præstitisti. Fratribus nam-
què absentibus, patre, ob senectam, sibi fe-
rè inutili sedulam adeò rerum mearum cu-
ram suscepisti, vt, quidquid impedimento
esset, quominùs commodi, honorisque
causa domo abessem, breui, & facilè sis amo-
litus. Sicut istud beneficij genus, quod
cum

cum logicis generalissimum, unde cetera
dicuntur, licet nominare, nihil ingratus
agnosco; ita gratias pro eo magis habendas,
quam agendas, & ubi relatio imparata sit,
silentio magis, quam verbo utendum
existimo. Hoc sæpe vaniloquentiam, illud
propriæ imbecillitatis confessionem, quæ
animi gratitudinem pariat, ostendit. Fac,
tibi rerum domesticarum pondere oppresso
aliquem miseratione commotum, suppetias
ferre. Quid illi debendum iudicares? Idipsum
me tibi debere profiteor. Profitetur, non loquor.
Beneficiorum enim magnitudini paria verba
non inuenio. Attamen hoc vnum animo
conceptum, ne sexcentis quidem habenis
cohiberem. Qui vitam mihi piissimus reddidisti,
hanc tibi debeo. Ea igitur, ubi libet
utere, & vale. Bononiæ.



EPISTOLA LXXXIV. Pergulam.

ANTONIO SALVIO

*Philosopho Medicina Professori
publico.*

Silentium meum diuturnum excusem ?
Apage, nisi te velim accusare. Vter-
que nostrum siluit, & causa fortasse non
diffunili. Siluit certe stylus, at, credo, non
amor, qui etiam in longo, profundoque
silentio se loquacem satis declaravit. Equi-
dem de me illud ausim affirmare, nullum
diem prateriisse; absque mutua inter nos
benevolentia apud amicos commemora-
tione. Cur id ipsum de te non credam, ,
cùm tuam constantissimam in amando vo-
luntatem considero ? Vterque, licet scri-
ptionis abstinentissimus, nihil de optima
animi propensione detrahi passus est. Vti-
nam crebris litteris istam excolere libuisset:
non quòd aliquid accessionis faciendum
sperauiſsem, sed quoniam iucunditate,
quam inter amicos litteræ afferre consue-
uerunt, fraudati, inuidos lætitia gestientes

G non

non vidissemus. Ne isti diutius collaten-
tur, ad intermissam scribendi vicissitudi-
nem redeamus. Illud si feceris (vt sapius
te facturum non despero) quicquid absen-
tia tua ægritudinis fouet, non mediocriter
leuari sentiam. De me illud tibi persua-
deas, tam crebras ad te litteras missurum,
quàm grauissimas occupationes tuas nihil
interpellari cognoscam. Cui namquè ob-
sequium debetur, molestiam vereor exhi-
bere. Vale. Bononiæ.

EPISTOLA LXXXV. Bononiam.

FLORIANO AVGVSTINO

Ioannetto I. C.

Amicus tuus, seu potius noster, quid
de se homines loquantur (si me au-
dierit) nihil, aut certè parum laborabit.
Cur verò laboret, qui cunctis de se hone-
stissimè loquendi materiam prabet? Ho-
minum vita non ex vulgi sermone, sed vul-
gi sermo ex hominum vita metiendus. Im-
probes igitur, qui ab honoribus repulsi,

cen-

cenforium munus sibi arrogare non dubi-
tant; aspernetur. Imò huiuscemodi de-
blaterationibus; bonam sibi apud bonos
famam augentibus; magno opere gaudeat.
Quoniam

*Dat veniam corvis, vexat censura co-
lumbas.*

Vale. Ex Villa.

EPIST. LXXXVI. Forosempronium.

LYDOVICO PERUZZINO.

Qui me famantissimus à Natura geni-
tus; ab Arte est enutritus; stylum
diutius cohibere nō potuit; quo-
minùs litteras ad me, pro dignitate nuper
accepta gratulatorias exararet. Istæ mihi
quidem gratissimæ vt eo maiores gratias
agerem impulerunt; quòd, cùm tuorum
in me efficiorum cumulus in dies crescat;
hæc nullo vnquam tempore à me referri
posse confido. Vtinam hic gradus; me
quasi per gradus manu ducat, vbi sicut tua
in me beneficia cognosco, & amicis prædi-

eo; sic aliquid in tuam, tuorumque vtilitatem mihi liceat emoliri: ne cui plurimum debeo, inutilis viam, inuidis ingratus appaream. Vale. Bononiæ.

EPISTOLA LXXXVII. Ripas.

SEBASTIANO MAVRITIO I. C.

QUæcumque de miserrimo rerum humanarum statu apud auctores leguntur, veritati consentanea sunt: sed illud potissimum

*ita cuique comparatum
Est in ætate hominum, ita Dis placitum, ut
voluptatem maror comes consequatur;
Quin incommodi plus, malig, illic assit boni
si obtrigit quid.*

Exemplum non longè petam. Ego extertæ sororis, quam satis commodè collocaui, nuptijs iam celebratis, iucunditati duplicem calamitatem succedentem sentio. Alteram ex aduerso casu, quem fratri meo accidisse non ignoras: alteram ex primæ sororis viri obitu, eo grauiore, quòd quinque

que filios reliquit, qui auunculi bonis certatim inhiabunt. Hinc rerum domesticarum onus deponendi spe, quasi videor destitutus, dum istæ recrudescentis Hydræ naturam æmulantur, cui singulis capitibus obtruncatis, septena pullulare consueverunt. Animum tamen non despondeo. Aderit diuinus Alcides, qui, facce admota, pullulationis sæpius iteratæ loco callum obduxerit. Interea non possum non esse homo, sensu non affici, quod, quanto magis ex molestiarum lacu nitor emergere, tanto magis in dies mergar infelix. Dolor quidem præscriptos à prudentia limites non excedit. Sed iam animo conceptus ob amicorum inopiam, qui obstetricis officio fungentes, gemituum impulsu emissum, amantissimis auribus excipiant, exceptum solentur, intus adolescit, & cum non aliunde nutriatur, è meo sanguine cibum sugit avidissimus. Quò circa non mirum, si ante mediam ætatem, cano capite quinquagenarius appaream. Ætas namque licet robustissima, calamitatibus facile opprimitur, nisi effugium pa-

te ad amicos, quorum opera, & consilio
subleuetur. Quis te, Mauriti, felicem non
appellet amicis, in isto angustissimo loco,
angustissimum? Felix certè es, arctissima
(vrais) familiaritate coniunctus cum vi-
ro, qui corpori, & animo tuo facit medici-
nam. Ignosce prolixitati. Videor enim
quasi præsens tecum habere sermonem,
qui doloris in animi penetralibus recon-
diti siliceam duritiem potest mitigare.
Quò circa crebriores litteræ nobiscum in-
tercedant, ne hoc fructu omnium iucun-
dissimo priuemur. Vale, & Medicum tu-
um à me plurimum saluta. Bononiæ.

ÉPISTOLA LXXXVIII. Bononiam.

CONSTANTIO MARIAE

Maluasie Comiti.

SI laudes, quæ scriptionibus meis à pa-
tre tuo tribuuntur, ex ingenti bene-
volentia scaturire nescirem, illis multo
maximè delectarer. Noui Comitem Nea-
poleonem, virum optimis artibus imbutū,
acri

acri iudicio, acrique ingenio præditum. At, quoniam illud amoris proprium videtur, ut res vero maiores efficiat, hinc profectò est, ut res supra merita apud me collocatas non facile admittam. Reicctis laudibus, amorem plurimi facio, amplector, & veneror. Tu, qui patrem meum amantem declarasti, eiusdem mancipium me prædica, non ignarus, summi viri benevolentiam re nulla æquiore, quàm infimo obsequio compensari. Ex Villa Casalechij.

EPISTOLA LXXXIX. Durantem.

EUSTACHIO GATTO I. C.

DE tuo in patriam reditu ab amicis, æ te nihil omnino. Quàm diu genialibus diebus filuisti, facilis indulgi. Sed quadragenarij ieiunij tempore te à scriptione ieiunum nequeo sustinere. Mignum, qui amicitia nostræ conciliator fuit, litterarum à te extractorem adhibuissem: noui enim quanti apud te sit, & quid velit mea causa: verùm sicut rebus amicorum

voluntarijs non parùm gaudeo : ita quæ extorta sunt, exosus intueor. Scribe igitur, neque à me preces iteratas præstolare : ne quod antea tuæ liberalitati acceptum referre consueui, meis in posterum simulis adscribam. Scribe, répeto, & dum scribis, aliquid præcipe : ut quavis aliæ de causa te litteris parçū existimem, quàm quòd me amicū voluntate impigrum, sed rebus inutilem censeas. Istas si æquabili mensura, ac illas liceat polliceri, Eustachius sentiet, me omnium instar esse, qui omnium instar ei velle profiteor. Vale. Bononiæ.

EPISTOLA LXXX. Pisaurum.

ZONCO HONDEDAEO.

Quod fuit in causa, cur tu celerrimè à nobis abijsses, id ipsum efficit, ut tui desiderio longius diuexer. Istud in dies augetur, quod de tui fratris valetudine nihil audio. Si libeat non mediocri sollicitudine me leuare, de Francisco quam-

quamprimùm litteras mitte, sed tales: quales me optare, non ignoras. Facile enim contigerit, ut cùm virum mihi amicissimum à corpore conualuisse cognouero, ego ab animi angore coualescam. Bononiæ.

EPIST. LXXXI. Forosempronium.

HIERONYMO PASCVICIO.

DE amici scriptis quid iudicij feram, non satis constat. Equidem iudico, ætatem nostram illuc deuenisse, ut quod Horatius de Poetis cecinit, in omnes optimarum artium professores rectè possit retorqueri. Enimverò, nisi longè supra mediocritatem sint, longè infra mediocrem æstimationem iacent. Illud in causa est, cur non pauci à scriptorum emissionē deterreantur, veriti, ne altero pede cunas, sepulcrum altero attingant. Hæc iuuat ad te paucis rescribere, ne desiderio tuo penitus videar defuisse. Vale. Bononiæ.

EPISTOLA LXXXII. Imolam.

THOMAE SERRAE.

Qui post rem actam, consilium petunt, illud tacite videntur postulare, ut consiliarium in rei laudationem adducant. Cum enim quod factum est, infectum (vt aiunt) reddi non possit, id ipsum nullo pacto accusandum, ne mœror amici animo ingeratur. Ego tamen, qui plus amicitiae legibus, quam genio amici tribuendum existimo, si deliberatio tua accusationis egeret, nihil laudarem. Laudo, quoniam ita sentio. Quid si necessitate coactus reprehenderem? Nullus inde fructus, nisi quod ego amici partes praestitisse laudarer. Verum, ne sine consilio à consultore discedas, illud fideliter admonco, aut rem, ante consilium acceptum ne conficias; aut confecta, consilium ne petas. Vale. Bononia.

EPISTOLA LXXXIII. Afculum.

ANTONIO FRANCISCO CHERUBINO

Philosopho Medicina Profefſori

publico.

ET ſi occupationum ſeries nihil ferè interrupta ſatis me tibi poterat excuſare, ſi quod mihi demandaſti, non æquè, ac vellem, diligenter confeci; attamen, vt deſiderio meo ſatiſfaciam, hæc ad te ſcribo, me onus libenti animo ſuſcepſiſſe, & eo magis, quòd Anticio gratum accidiffe intellexi. Sed non parum timeo, ne operæ illius acquieſcas, qui ad improuiſum laborem raptus eſt. Si quid tamen in eo, quod feci, deſiderio tuo deſuit, non in me citiſſimè (vt æquum fuit) parentem, ſed in te ſeriùs, quàm debuſti, inbentem reiſcias. Vale. Bononiæ.



EPIST. LXXXIV. Forosempronium.

MICHAELI ANGELO FRATRI.

PIj II. opera in vnum volumen congesta, quæ desideras, iam pridem misissem, si certi hominis facultas euenisset. Ea tabellario ordinario nunquam comitterem. Cùm enim equo vehenda sint in ea scrobe, quæ singulis locis per viam litteras ponit, variorum hominum manibus agitata, facillimè perirent. Illud si fieret, nullum tibi emolumentum, mihi maximum damnum constaret; cùm liber illius generis non sit, cuius exempla Veneti, Ultramontaniuè typi nobis suppeditent. Istud, quicquid est, desiderij in mensem sustineas. Tunc enim libro, per me in patriam (quod nosti) reuersurum, allato, temporis spatium, quo illum optasti, æquè diuturna lectiōe compensabis. Vale, parentesque, ac domesticos omnes à me plurimum saluta. Bononiæ.

EPIST. LXXXXV. Ad S. Angelum.

GAVELLO GAVELLIO.

Sebastianus pater tuus mihi abs te litteras reddidit cum Oda, quam, si tuum à modestia exemplum secutus, rusticam appellarem, rusticus omninò essem. Licet enim rurale habeat argumentum; adeò tamen elegans, adeò festiua est, ut à viro urbanissimo scripta videatur. Singulas illius partes laudo, præter eam, ubi me ad villam inuitas: cum tanto magis rustican-di desiderium augeatur, quanto minùs me assiduis occupationibus distentum, illud affecuturum confido. O virum liberalem, ea scilicet offerentem, quæ amicis non licet contingere! Attamen gratias ago, & si vnquam occasio dabitur, æqua me repositurum, polliceor. Vale. Bononiæ.



EPISTOLA LXXXVI. Bononiam.

FRANCISCO BARBADORIO I. C.

EMblemata cubiculum ornatura, quæ desideras, à me ultra semel non petieris. Amicitiae officium, cui satisfacere conabor, non ignoro. Tu ingenij mei exilitatem ne ignores, neque illud tibi persuadeas, quod expectationi de me conceptæ nequeat respondere. Si parua expectabis, non frustabor opinionem tuam. Sin magna, illud memineris, hominem viribus exiguum, quæ ingentia sunt, moliri non posse. Ex Villa Casalechij.

EPISTOLA LXXXVII. Mediolanū.

IO. BAPTISTAE FRATRI.

DVplicem æstum sustineo, indeque duplicem afflictionem expetior. Alteram ab amore; alteram ab anni tempore. Illa me ad scribendum adducit: hæc deducit.

deducit. Attamen, si rectè aspicio, æstus inter se haud contrarios agnosco. Amor suadet, vt scribam: anni tempus, vt fileam, veritum, ne, si hisce diebus stylo nimis indulgeam, valetudinem non parum offendam, cùmquè alij autumnali tempore, sine periculo, scribent, ego graui labore in morbum delapsus, a scriptione desistam. Quicquid igitur litterarum, vigente æstu, omitto, cum idem remiserit, cumulatè compensabo. Vale. Bononiæ.

EPIST. LXXXVIII. Foroscomproniu.

IOANNI BAPTISTAE

Tenalia I. C.

TV. fratris mei negotium, quàm diu necessitas postulauit, fouere non cessasti: ego tibi gratias agere non cesso, & tamen nihil mihi satisfacio. Illud quidem magis me angeret, si, quæ genij tui propensio sit, ignorarem, Hæc in nuda beneficij confessione æquam relationem cognoscit. Ego huic cognitioni acquiesco,

fco, meque contrà rebus tuis paratum profiteor. Vale. Bononiæ.

EPISTOLA LXXXIX.

HIERONYMO TAMBVRINO.

Illud à fato dixerim, vt tu operæ meæ cupidus magis, quam indigus, hanc ipsam adeas, cùm maximis occupationibus detinetur. A fato igitur, nisi tuæ cupiditatis cumulatè satisfecero. Voluntas, quæ à me est, nunquam imparata. Non idem affirmo de viribus, quæ à Deo sunt, non à viro. Hæc omninò videbantur præmittenda epistolæ, quam petis, dedicatoriæ, missioni. Sed statim genius tuus dilationis impatiens occurrit, qui festinationem suadebat. Itaque præsentibus litteris adiunctam mittere constitui, vt nisi beneficium cunctis partibus absolutum, certè ex animo tuo acceleratum dicar attulisse. Vale. Bononiæ.

EPI-

EPISTOLA C.

*ILLVSTRISS. ET REVERENDISSIMO
D. Carolo Madrucio S. R. E. Cardinalis
Amplissimo, Tridentinorum Epi-
scopo, & Principi Cle-
mentissimo.*

EA est non modò ingenitæ, sed etiam
acquisitæ benignitatis tuæ vis, Car-
dinalis, ac Princeps Augustissime, vt præ-
sentes in tuî obsequium, absentes in vene-
rationem alliciat singularem. Hanc ego,
præ ceteris, & boni genij ductu, & proprii
iudicii compulso, mente iadutam nun-
quam exui; quinnimò illud animo semper
agitaui, vt intimis inhærentem affectum,
exterioribus, quibuscumque liceret, indi-
cijs aperirem. Vnde ab re minus me fecis-
se sum opinatus, qui Aldrouandi Philoso-
phorum omnium sapientissimi de Piscibus
operis prælo traditi, Illustrissime quæ Sa-
lisburgensi Archiepiscopo, ac Principi di-
cati, exemplum ad te miserim. Istud verò

H du-

duplici de causa . Altera , quoniam eiusmodi munus , & maiora etiam liberalitati tuæ debebantur , quæ Salmerini piscis ad nos missione , librum locupletiolem , & ob id litteratorum Senatui gratiores effecerit . Altera , quoniam , cum nulla vel disertissima lingua meam in te observantiam possit exprimere , hanc ipsam tibi æquè , ac meo Numini elingues animantes humili silentio testarentur . Quid de Auctore cum ceteris bonarum litterarum Meccenatibus sentire , optimè cognito , statim animum appuli , ut eiusdem de solidæ vngulæ quadripedibus lucubrationes , quarum diuturno desiderio Respubl. litterariaangebatur , in lucem editas tibi , Illustrissime , Carole , sacrarem ; cuius præter Cardinalitæ dignitatis splendorem , biceps in Episcopatu Tridentino auctoritas , auctoris demortui famam longè latèque propagatam in ævum tueretur sempiternum . Neque renues confido , & propter iucundam scriptoris memoriam , cui studiosissimè faues , & propter libri argumentum non vulgare , cuius lectione animum tuum mirificè deti-

detineri non ignoro. Quadrupedes igitur ad te veniunt, ea spe concitati, ut a maioribus tuis gregibus non arceantur. Equus certè non excludetur, cuius generoso tergo toties infederunt Io. Gaudentius, Aliprandus, Fortunatus, Georgius, Io. Federicus, Renatus Emanuel maiores tui armorum peritia in Belgio, Illyrico, Insurbria, Germania, Mauritania adeò illustres, ut fortem, ac prudentem belligerandi normam posteritati reliquerint vniuersè. Istam ad viuum exprimit Comes Gaudentius, qui adhuc mortalis, duplicis Germanorum legionis Tribunus, & Tyrolensis militiæ Imperator, infracto animi robore, ad immortalem famam iter est aggressus. Quod Equus a te liberaliter, Elephas, credo, impetrabit. Enimuerò se tibi mansuetissimus sistit, &, nisi Naturæ vinculis teneretur, ad maiorem venerationem, genua curuaret; ut oculis tibi obijciat typum Ludouici in Cardinalatus, Præfulatusque fastigio prædecessoris tui meritissimi: quem assiduo pietatis, religionis, necnon temperantiæ cultu virum sanè augustum, Gre-

gorius XIII. Pont. Max. agnoscens, Augustanis comitijs præfecit, Hispania suorum Cardinalium Ductorem sapientissimum, Germania vigilantissimum Protectorem habuit: quem (vt vnico verbo expediam) in hæretica prauitate, cuius Supremus Inquisitor fuit, abolenda, Catonis mores, vt in ceteris publicis muneribus renouantem, ne Roma in Vaticano aliquando maximum videret, eius sola magnitudo repugnauit. Ecquis inficiatur, hunc totis viribus æmulatum merita Cardinalis Christophori Tridentinæ, Brixinensisque Ecclesiæ Episcopi, & Principis omnium fama celeberrimi? Hic sacrosancto Cardinalium Collegio à Paulo Tertio adscriptus, primæ Concilij sessioni sub eodem Pontifice, in propria Ecclesia; iterum sub Iulio Tertio interfuit: & quoniam animi celsitudine, grauitate, doctrina, sapientia, rerum gerendarum dexteritate plurimum vigeat, grauiissimis Marcelli II. & Pij IV. iussu legationibus functus est; cum nō pauca munera ad Romani Imperij gloriam Caroli Quinti Imperat. plurima eius filij

filij Regis Hispaniarum Philippi II. nomine admirabili prudentia obuiisset : ex quibus illud satis fuerit in medium attulisse, quòd Mediolani Gubernator arcem in summa rerum angustia nutantem, ammotò Custode, propriij consilij, & vigilantia munimentis, Regiæ ditioni confirmauit. Præclaras maiorum tuorum virtutes eo libentiùs attingo, quòd aliæ in alios dispersitæ, omnes in te ynum confluunt, & virum perfectum in publica hac orbis scena certatim ostendunt. Talem te vidit, qui Reipublicæ Christianæ gubernaculum tenet, Paulus Quintus, cùm Ratisbonensi cœtui Legatum esse voluit : vbi quantum prudentiæ, dictorum, factorumque constantia specimen dederis, omnes, qui aderant, absentibus, magna cum laude, prædicarunt. Quid verò Monæceroti sperandum ? Eum, quaeso, ne reiicias : cuius imago humilitatem virtutum omnium, fundamentum cingens, præter stemma gentilitium, tuos mores apprimè deceret : intuiti namq. demissionem adeò propendes, vt laudes etiam meritas quàm maximè

auerferis. Auerfaris profectò : sed quid proficis ? Ampliorem laudatoribus de te loquendi materiam ingeris : cùm merenti multò laudabilius sit nolle , quàm debere laudari . Restant , qui propriæ impuritatis conscientia clarissimam aspectus tui non audent subire maiestatem, Mulus, Asinus, & Zebra . Hosce Christianæ Religionis oppugnationum petulantiam referentes, ad te (quæ tua est humanitas) amanter compelle : vt istic mortem nequitia defæcata, mundissimis quibusque armentis aggregentur . O felices quadrupedes , si vobis aditus pateat ad alteram Arcam refugij Carolum Madrucium Cardinalem Episcopum, & Principem , seu potius dicam , ob clementem in rebus administrandis iustitiam, Tridentinorum parentem amantissimum ! Si læto vultu excipiamini ab eo, & per Italiam, & ultra montes sine vilo periculo licebit diuagari . Felices quadrupedes nuncupavi : sed me feliciorum nomino, si , quorum clientelam suscepi, eosdem apud te patronos experiar : si quos tibi, Purpuratorum Patrum prudētissime,

do,


do, dico, & sacro, gratiam tuam non minùs optatam, quàm speratam mihi concilient. Id vnum supplex obsecro, atque obtestor: quod si impetraro, satis, superq. mihi retributum arbitrabor. Diù Apostolicæ Sedis, ac Tridentinæ Ciuitatis splendori, Ampliissime Princeps, viue, & vale. Bononiæ.

FINIS CENT. I.

THE JOURNAL OF THE
AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.
OFFICE OF THE PUBLISHER
535 N. Dearborn St., Chicago, Ill.
Subscription Price, \$5.00 per Annum
In Advance
Single Copies, 15 Cents
Entered as Second-Class Matter, May 2, 1912
Postpaid
Acceptance for mailing at special rate of postage provided for in Act of October 3, 1917
Authorized by Act of Congress, October 3, 1917
Copyright, 1918, by American Medical Association
Printed at the Chicago Press & Job Printing Co., Chicago, Ill.

1918 OCT 11

DOMINICI
CAESARI
EPISTOLARVM SELECTARVM
CENTVRIA II.



EPISTOLA I. Romam.

IOANNI CANAVLIO

Forosempronienſium Epifcopo

creato.



CTAVIVS Accorembonus,
qui, ſupra ſex luſtra, patriæ
meæ Paſtor vigilantiffimus
præfuit, vt illud etiam pie-
tatis indicium ouibus ſibi
commiſſis exhiberet, earum cura abdica-
turus,

turus, te successorem vidit, vnde Forosempronienſes, Accorombono Præſule amiſſo, nihil damni feciſſe intelligerent. Næ tui mores integerrimi, rerum humanarum, diuinarumque ſcientia, negotiorum peritia Summi Pontificis, eiſque ſororis filij Cardinalis Burgherſij gratiam, æqualium beneuolentiam, inferiorum obſequium tibi potuit conciliare. Qua propter de Præſulatus honore gratulor: non tibi, cuius virtutum magnitudini haud par campus obſtigit, ubi illas omnium oculis obijcias: ſed patriæ meæ, Antiſtitem accepturæ virum, quem dignitates longè maiores expectunt. Reliquum eſt, vt, cui beneficium penè diuinum gratulatus ſum, illud quoque perpetuum precer. Quod dum facio, teſ, cuius Episcopalis dignitas me à Clericorum parentium numero non excludit, Naturæ benignitas inter clientes recipiat, obteſtor. Forosempronij.



EPISTOLA II. Romam.

10. BAPTISTAE DE S. PETRO
*Illustrissimi Senatus Bonon. apud
Paulum V. Pontif. Max.
Legato Ordinario.*

EX multis honestissimis conditionibus, quæ meam apud Reuerendissimum Abbatem de Sancto Petro consanguineum tuum, seruitutem consequuntur, illam instar omnium facio, quod mihi aditus ad beneuolentiam tuam fuit reueratus. Et quoniam ex propria animi celsitudine, non meritorum meorum exilitate hanc ipsam impertiris; eo arctius me deuinctum sentio, quo largius liberalitatem tuam experior. Sic uinctus, quid meritis tuis congruum efficiam, si iam liber nihil, quod iisdem responderet, effeci? Voluntas obsequio tuo uincta, nullo certè clientum certamine vincenda, quod rebus fortunæ iniuria defuerit, promptissimi affectus ueritate compensabit. Illud potissimum fit, iam proximis Seruatoris omnium Natalitijs

litijs diebus, quibus quicquid felicissimi
 ominis, totius anni curriculo, mens au-
 diffima conceperat, iam maturi ponderis
 impatiens, in tui reuerentiam deponit. Vti-
 nam, sicut omen te non despecturum con-
 fido; ita euentu quàm citissimo compro-
 batum intelligam. Si contingat, non mi-
 nus me tibi Patrono plurimum velle gau-
 debo, quàm illi, quorum votis fortuna re-
 spondet, se multum posse glorianur.
 Bononiæ.

EPISTOLA III.

CAMILLO BALDO

*in Bononien. Archigymnasio Philo-
 sophia Professori Ordinario
 Collegiato.*

CLarissima virorum fama auribus ex-
 cepta, si aliquando præsentia confir-
 metur, in maiorem sui cultum, & obser-
 uantiam impellit. Ego, cùm adhuc puer
 patrijs laribus continerer, multorum, qui,
 studijs confectis, istinc ad nos remeabant,
 tuas

tuas virtutes prædicantium ex ore audivimus pendebam, non secus, ac ipsi ex tuo, dum Philosophiam in isto Archigymnasio interpretabaris, pendebant. Quicquid audieram, experientia tandem edoctus, oculatus testis factus, in tui obsequium adeo inflammor, ut hoc ipsum, quod alijs præsens non celaui, tibi censeam aperiendum. Tu humanitatis tuæ aditum (quod nulli ex civibus meis denegasti) aperias, me in tuorum clientum numerum excipias. Pro eo, quod rogo, parum certe, hoc est me ipsum defero: verum illud est, quod Philosophi omnium celeberrimi animum parvis etiam acquiescentem possit exple-
re. Forosempronij.

EPISTOLA IV. Romam.

FRANCISCO BONCOMPAGNO

S. D. N. utriusque Signat. Referen-
dario, & Abbati.

HErus, qui verè sapit, famulum nulla re sibi æqualem sustinebit. Sed ubi
quem

quem virum generis claritate, virtutum or-
namento conspicuum, honore prosequa-
tur; tantum abest, vt in eo æmulandi stu-
dium auersetur, vt potius dilaudet, &, qui-
busdam velut stimulis admotis, ad maio-
rem venerationis amorem excitet. Hoc
presertim nomine harum meum sapientem
appello, qui licet te quàm maximè colat;
me tamen secum certare non verentem, ne-
que obiurgat, neque odit: quinimò hac
certè de causa diligit. Quò circa, dum
meam tibi obseruantiam, quibuscunque
licet indicijs, conor aperire, quod debeo,
percolo, hero gratum facio, illumque in
dies mei amantiorem experior. Patere
igitur, vt hocce Soteris Natiuitati dies fa-
cros, cum imminentis anni exordio tibi fe-
licissimos precer: tibi, inquam, viro non
magis prædecessorum imaginibus, quàm
proprijs animi dotibus Illustrissimo.
Bononiæ.



EPISTOLA V.

LVDOVICO FACHENETTO

Marchioni, & Bonon. Senatori.

Beneficia, quæ suprà mediocritatem sunt, plerumq, grato accipientis animo acquiescunt: quæ inter vulgaria censentur, gratiarum actionem cum relatione desiderant. Sic fit, ut, quæ plus valent, minùs possint, non suarum, sed accipientis virium defectu. Is enim quo impensius beneficium reportat, eo grauiore debiti sarcina oneratur. Me quanto perè liberalitas tua, Marchio Illustrissimè, onerauerit, satis sentio, & iudico. Breui namquè, & facilè exorauì, quod ceteri non sine labore, & longo temporis spatio impetrassent. Beneficij igitur, quod in me contulisti, magnitudo nihil à me, nisi animi gratitudinem requirat. Bononiæ.

EPISTOLA VI.

Tudertum.

ANTHÆO CLAUDIO

Tuderinorum Gubernatori.

IAm beatissimæ Christi Natiuitatis dies non longè abest, quo quisque patrono, & Mecœnati suo perpetuam felicitatem solet, aut potius debet ominari. Et cum ego inter tuos clientes summiis beneficijs honestatus, primas mihi arrogem; ob id quemlibet eorum optima voluntate antecello. Sed, cum vires fortunæ iniuria interclusæ desiderij culmen non attingant, nunquam acquiesco; quamuis tibi affectum magis, quàm rem inspicienti satis omnino faciam. Hinc fit, cur hoc tempore humana, diuinaque tibi ex sententia procedere tam optem, quàm quod maximè. Et si rerum exitus ex meo desiderio penderet, quicquid affectionum in me est, id totum esse desiderium optarè, vnde me vnum instar omnium tuo commodo inseruire intelligeres, cum vnus instar omnium, omnia

nia tibi felicia auspiciari non desistam. Sed cur longius pergo? Qui prudentia penè incomparabili clientum animorum adytus facillimè penetrat, ab illis verborum copiam non requirit. Bononiæ.

EPISTOLA VII.

FERDINANDO RARIO

Marchioni, Bonon. Senatori, &

Imperatoris clavis aurea

à cubiculo.

PRudenter quidem Romanorum antiquitas strenarum usum Cal. vnde annus aperitur, instituit: vt scilicet magnis viris optatæ ab omnibus felicitatis indicia apparerent. Ego verò, cum nihil non prosperum hisce sanctissimis diebus tibi, Marchio Illustrissime, precaturus sim, ecquid infima conditio mea suppeditabit, quod meritorum tuorum magnitudinem assequatur? Equidem singula perlustrans, nihil, quod meum sit, extra me video. Vt igitur quicquid habeo, in possessionem

I tuam

tuam deuoluatur, totum me tibi addico :
 Sed re diligentius inspecta, nec me quidem
 ipsum habeo . Mei namquē optatissima
 gratia tua olim impertiti, in patrocinium,
 dico, recepti ius vniuersum tibi cessit . Ni-
 hil igitur superest, nisi vt cessionem (quod
 libentissimus facio) ratam habeam . Tu,
 quicquid est, noui obsequij testimonium
 consueta animi celsitudine gratum habe,
 & felix viuē . Bononiæ .

EPISTOLA VIII.

Romam .

IO. NICOLAO TANARIO

Protonotario Apost. & S. D. N. viri usque

Signatura Referendario.

SI nulla causa esset (sicut quampluri-
 ma sunt) quam obrem meum tibi ose-
 quium vendicaueris, illa quidem primas
 obtineret, quod Reuerendissimus Abbas
 de S. Petro te plurimi facit . Eius exem-
 plum non sequi, nihil aliud esset, quam
 improbiissimi famuli manus excqui . Te igitur
 supra mediocritatem colo . Verum
 quia

quia fatis animo meo non facio, nisi aliquod huiusmodi voluntatis indicium proferam; abs re minimè facturum me sum arbitratus, si qui Natalitij Servatoris nostri dies imminet, tibi felicissimos optarem. Omen est ab homine tibi additissimo, qui illud eximie desiderat, ut nihil de rebus secundis, quas tua merita tibi adscribunt, fortunæ iniuria detrahatur.

Bononia.

EPISTOLA IX.

FRANCISCO COSPIO

Bonon. Senatori.

EGO, siquid sum, cum à Bononiensium patriciorum benignitate sum, illis me totum debeo, nec doleo. Summis namque viris debitum debitoris laudi potius, quàm oneri assignandum. Tu, Illustrissime Cospi, inijses, qui me gratia sua dignum iudicantes, tot, tantisque beneficijs cumularunt, ut quisque apud me patroni nomen merito sit adeptus. Quæ fuerint

beneficia, sigillatim non scribo, quoniam illorum numero, ac magnitudini stylum meum penitus inæqualem agnosco. Præterea non scribo, ne animum tuum huiusmodi lædam scriptione. A te liberalitatem noui. Quicquid beneficij confers, accipientis silentium, mercedem requiris. Ut liberalior sis, illud à me in præsentia ne postules. Quin æquo animo feras, ut te optimum patriæ Senatorem perinde, ac patronum clientibus benignissimum prædicem. Bononiæ.

EPISTOLA X. Faventiam.

FRANCISCO MARIAE GASPARINO

Protonotario Apostol. & Illustriss. æ

Reuerendiss. Card. Valentij Fa-

uentinorum Episcopi

Vicario Gener.

TE ab Illustrissimo Cardinale Valentio Præfulatus sui Vicarium Generalem cooptatum, mihi gaudere, tibi gratulari debeo. Tibi quoniam pendens ab illius

illius iudicio, qui inter purpuratos Patres oculatissimus censetur, non exigua tibi gloriæ insignia cōparabis, probatissimo Principis testimonio probatus. Mihi; quoniam sicut antehac longissimam locorum distantiam prætendens, opera mea nunquam, seu rarò utebaris; ita post hac cū propiùs accesseris, adeò ut vnius tantum dici itinere separemur, me amicū rebus tuis non inutilem loquaci mandatorum silentio declarabis. Hic non pauci iuvenes Faurentini studiorum causa commorantur. Istis de tua gubernandi ratione percontantibus respondeo, hanc esse adeò laudabilem, ut experientia magis cognosci, quàm lingua, vel disertissima queat explicari. Ex ijs nonnulli amicitiam tuam, me conciliatore, desiderant. In patriam, ut studiorum feriæ agitari cœperint, reuersuris litteras ad te dabo. Interea illud enixè oro, ut spe, quam de mea deprecatione conceperunt, cū te maturè adierint, non fraudentur. Bononiæ.

EPISTOLA XI.

Bononiam.

ÆNÆÆ MAGNANO

Bonon. Senatori.

Rerum mearum turbæ eo minùs animum mihi perturbant, quòd te patronum, ac defensorem habent. Ista sedationem aliquando tandè fortituras confido: non à sorte, quæ optatis meis semper refragatur; sed ab ea, quæ sortis inuidiam frangit, à tua scilicet singulari prudentia. Illud dictum ne credas, vt tibi in mea clientela propriæ benignitatis impulsu, currenti stimulos admoueam, verùm, vt gratias agam. Quinimò non vt agam, sed potius habere ostendam. Beneficia enim, quibus nulla gratiarum relatio par est, multo minùs earundem suppetunt actiones. Tu hoc age, cunctos beneficijs tibi deuinci: cùm nemo non germanam nobilitatem censeat, cui comes adiuncta est liberalitas. Ex Villa.

EPISTOLA XII. . . . Pergulam.

AD IACOBO GIUCCVLO

Doctori Philosofo.

NOui animum tuum, Giuccule aman-
tissime, prudentiæ munimentis adeò
confirmatum, vt rerum aduersarum im-
petu è summa tranquillitate excuti possit,
non diuelli. Itaque, si in fratris tui obitu
aliquid solatij obijciam, non parum te vi-
dear offendere, qui etiam in maxima dolo-
ris causa, constantia, & fortitudinis docu-
menta alijs præbere consueuisti. Attamen
sustine, si præsentis sermone doloris acerbi-
tatem clausi pectoris angustiarum nesciam
recludo; cùm animum contra res impro-
spèras non satis munitum habeam. Su-
stine, vt, qui N. viuum maximè dilexi,
mortuum maximè lugeam. Lugeo, vt do-
lorem ostendam, quem cùm viderint ho-
mines, tuum fratrem mihi carissimum fu-
isse intelligant. Vale. Bononiæ.

EPISTOLA XIII.

GVALENGO GHISILERIO

Bonon. Senatori.

SI liberalis censetur, qui beneficium cum dare possit, iteratas preces non expectat; te, Illustrissime Ghisileri, liberalissimum prædico: cui statim, ut amici mei à me necessitas innotuit, consuetam liberalitatem libuit exercere. Alterum beneficij meritum depræcatori quidem adscribitur; sed in isto, donantis benignitate potius concessio, quàm rogantis oratione extorto, quicquid est, tibi acceptum refertur. Amicus vnico nomine tibi debet, quòd scilicet beneficium accepit. Ego duplici de causa sum deuinctus: & quòd impetraui, & quòd non falso me impetraturum prædixi. Bononiæ.



EPISTOLA XIV.

10. BAPTISTAE MAVRITIO I. C.

Vulgatissimum illud, priuatione desiderium enutrirī, nunc de te experimento comprobatur. Dum enim Poemate heroicis numeris conscripto Rempublicam litteratorum priuas, illa in dies magis magisque desiderat. Scio, te modestiæ vinculis ab eius emissionē retardari. Sed modestiæ amicis molestæ excusatio non patet. Et si obijcias.

*Scire tuum nihil est, nisi te hoc scire sciat
alter?*

Ego respondeo. Qui diues thesaurum abscondit, non sibi, non alijs prodest. Poema tuum, thesaurus est, duplici de causa pretiosissimus: & quod res sacra est, & quod ab ingenio, ac eruditione tua est. Istud si comprimis, laudem tuam comprimis, amicorum cupiditatem producis, inde stimulos, ut in lucem proferas, non parum acuis. Si illorum aciem multum molestiæ

tibi

EPISTOLA XIII.

GVALENGO GHISILERIO

Bonon. Senatori.

SI liberalis censetur, qui beneficium cum dare possit, iteratas preces non expectat, te, Illustrissime Ghisileri, liberalissimum prædico: cui statim, ut amici mei à me necessitas innotuit, consuetam liberalitatem libuit exercere. Alterum beneficij meritum depræcatori quidem adscribitur; sed in isto, donantis benignitate potius concessio, quàm rogantis oratione extorto, quicquid est, tibi acceptum refertur. Amicus vnico nomine tibi debet, quòd scilicet beneficium accepit. Ego duplici de causa sum deuinctus: & quòd impetraui, & quòd non falso me impetraturum prædixi. Bononiæ.



EPISTOLA XIV.

10. BAPTISTAE MAVRITIO I. C.

Vulgatissimum illud, priuatione desiderium enutrirī, nunc de te experimento comprobatur. Dum enim Poemate heroicis numeris conscripto Rempublicam litteratorum priuas, illa in dies magis magisque desiderat. Scio, te modestiæ vinculis ab eius emissionē retardari. Sed modestiæ amicis molestæ excusatio non patet. Et si obijcias.

*Scire tuum nihil est, nisi te hoc scire sciat
aliter?*

Ego respondeo. Qui diues thesaurum abscondit, non sibi, non alijs prodest. Poema tuum, thesaurus est, duplici de causa pretiosissimus: & quod res sacra est, & quod ab ingenio, ac eruditione tua est. Istud si comprimis, laudem tuam comprimis, amicorum cupiditatem producis, inde stimulos, ut in lucem proferas, non parum acuis. Si illorum aciem multum molestiæ

tibi

tibi allaturam cupis retundere, inutilis modestię aciem retundas. Bononiæ.

EPISTOLA XV.

Bononiam.

*VINCENTIO PONTELLO**Clerico Regulari.*

O Rationem funebrem, quam iudicium meum subituram misisti, non laudo, quia non possum : non accuso, quia non debeo. Quis enim infra mediocritatem ingenij laudes summo viro debitas proferat, sine suspitione parcitatis? Quis eiusdem scripta censorio animo legat, in quibus lectissimæ sententiæ cum lectissimis verbis numero decerrant? Itaque ne Oratoris facultatem mihi arrogem, auctoris laudum enarrationem subterfugio. Ne animi improbitatem cum dedecore simulem, ab accusatione abstineo, illud certe non dissimulans, me tanta delectatione animi eam legisse, ut iustis Serenissime feminæ Ferrariæ olim Ducissę peractis interesset, necnon eorum, qui interfuerunt, suspiria, & sin-

& singultus audire, pallentes vultus contemplari, intimum cordis dolorem introspicere mihi viderer. In causa hæc sunt, cur non satis constet, vtrum feliciorē nominem Ducissam, cuius eximijs meritis nō dispar Orator contigit, an Oratorem, cuius perenni eloquentiæ laudum materia non defuit. Vale. Ex Villa.

EPISTOLA XVI.

CAROLO RVINO BONON. SENAT.

& Comiti.

INter patricios iuvenes, quibus, ut aliquid obseruantię indicium exhiberem, præsentis libelli scriptionem subiui, tu, Illustrissime Carole, animo subiisti, cuius optima erga me voluntas non mediocrem animi gratitudinem videtur postulare. Itaque, ingratus ne sum, munus per litteras defero. Tu latus accipe, & nisi alia de causa, ea saltem esse gratum ostende, quòd ne opusculum cum omnibus foret commune, amicorum precibus, qui typis committendum

dum iudicarunt, denegavi. Quod dono, paruum non diffiteor. Sed (quæ tua est magnitudo animi) parua ne despicias, cum à donantis inopia, maiora non liceat expectare. Bononiæ.

EPISTOLA XVII.

ROMULO PARADISO

Illustriſſimi, & Reuerendiſſimi Card.

Capponij Bonon. de Latere Legati à ſecretis.

O Mendaces homines, qui famam mēdaciſſimæ matrem appellant! Equidem ab illis in poſterum diſſentiam, nunc re ipſa totū aliud edoctrus. Quod enim comuni Bononiienſium, & exterorum voce agitatū audiui, te, Romule præſtantiſſime, inter ceteras virtutes, quæ animum tuum exornant, humanitatem etiam erga ignotos exercere, nihil à veritate alienum cognoui. Illud tamen non admiror, cum non temerè, ſed diuinitus magis Paradisi cognomen acceperis, quippè qui nihil non iucun-

iucundum, non delectabile, & quod omnium animos nō summo perē afficiat, emit-
tas. Id ipsum ego heri vesp̄ri sum exper-
tus, cum me ad gratissimum sermonem
prouocasti. Gratissimum sermonem nun-
cupaui, nisi quod ingratę fuerunt tuę gra-
tiarum actiones, quod de te optimē sen-
tiam, & prædicem. Verius me tibi pluri-
mum debere affirmasses, qui me, licet vir-
tutis expertem, virtutis tamen studiosissi-
mum (dum istam in alijs dillaudo) præ-
bendi facultatem obieceris. Illud suprà ti-
bi debeo, quod si quid à me per priuatum
amicorum testimonium, quasi per manus,
meritis retributum accepisti, tu coram, pu-
blicè, nempè in foro, & vnico liberalitatis
impulsu, rependendum iudicasti. Huius-
modi allocutionis honore, qui ad amici-
riam tuam aditum mihi referauit, eo ma-
gis me affectum sentio, quod alijs iam diu
varijs artibus optatus, mihi timore quo-
dam, ne te viro assidue occupato molestus
essem, insperatus contigit. Nunc isto chy-
rographo amicitia tuæ me addico. Tu, si
libet, addictum excipe, epitaphia, quæ mit-
to,

to, lege, & corrige. Censuræ tuæ libens
subijcio, non dubia spe fretus, quæ de Cō-
cino conscripsi, à Paradiso, vbi nihil incon-
cinnum, ad me concinna penitus reditura:
Vale. Bononiæ.

EPISTOLA XVIII.

HIERONYMO ROSSIO.

TEmporis angustia illud videbatur
obijcere, vt petitioni tuæ refraga-
rer: viri namq. merita, quæ mihi laudis ar-
gumentum proposuisti, non mediocris, sed
summi ingenij partum requirunt. Quia
tamen genus tuum in cupiditatibus at-
tentem noui, noui pariter, illum haud frau-
dari posse absque graui familiaritatis la-
sione. Istud causæ me impulit, vt præsens
elogium scriberem. Vtrum ex viri digni-
tate, alij viderint, tuque præsertim, non
ego. Cum enim (quod Comicus pruden-
tissimè ait) veritati congruat,

*— vix decimus quisque est, qui ipse
se se nouerit:*

vigesimus profectò erit; qui res suas rectè iudicet: res enim nostræ longius à nobis distant, quàm nos ipsi. Equidem istud, quicquid est, laudis mihi ascribo, me inter decumanos esse, qui se ipsos norint. Si quidem ingenij, mei sterilitatem agnosco, & fateor. Sed istam in Naturæ, quam novercam experior, illiberalitatem nemo, nisi iniuriosus non reiiciendam iudicabit. Vale. Bononiæ.

EPISTOLA XIX. *Vergianum.*

V G O L I N O C O S T A E.

Quid novi Gallia de Coneino apud Reginam olim gratiosissimo nuper attulerit, nemo aut pauci saltem ignorant: nempè in fortunæ gremio necatum, à plebe effossum, frustatim sectum, crematum, ventis proiectum. O miseram Aulicorum sortem, qui rei avidissimè inhiant, quam si fuerint assecuti, cum capite simul amittunt. Præstat igitur parvis acquiescere, quàm magna cum periculo ambire.

bire. Sed ne videar Aulicis præcepta tradere, ad Concinum redeo. Mortis genus in eo si spectes, obscurum. Sin multa Auctorum scripta, quæ illius necem consecuta sunt, satis profectò clarum. Ego non nulla epitaphia conscripsi, non ut cum ingeniosissimis viris certarem, sed ut pomeridianum somnum, hisce æstiuis diebus, tergiuerfarer. Ex illis, quinque accipies, ea tamen lege, ut legas, liberumque iudicium feras. Legem apposui, modestiæ tuæ non ignarus, quæ aliena falsò potius laudare, quàm verè reprehendere consuevit. De illis si rescribas, mihi gratissimum facies. Sin minùs, quam ante hac modestiam, in posterum timorem, ne de rebus tuis nimis acutè sentiam, nominabo. Vale. Bononiæ.

EPISTOLA XX.

Durantem.

PETRO MATTHÆO TYRANNO.

QUod ego de amico iam inde à puero, ex præmatura armorum delectatione

tionē præsagium, nunc euentus ipse (vt scribis) comprobauit. Vix enim adolescens ad bellum proficisci audacter constituit. Hinc illi applausus, hinc illi subrisus, cū ego bellicam artem in concione laudaturus, Horatianum illud afferebam :

————— hora,
Momento, aut cita mors venit, aut vi-
ctoria lata.

Istud consilij nemo, qui sapiat, accusabit. At festiuo famulorum, equorumque numero stipatus, festiuam pariter auri copiā impendet. Idcirco benè audiet; quippè qui licet adolescens cum sene prudentissimo Hegione animo suo sic agitauerit.

Ego virtute Deum, & maiorum nostrum
dices sum satis

Non ego omnino lucrum omne esse utile
homini existimo:

Scio ego multos iam lucrum luculentos
homines reddidit.

Est etiam, ubi profecto damnum praestet
facere, quam lucrum.

Illicertè praestabit, quoniam apud suos in maximo otio negotiosus, largitis, nec ta-

men æqualiter honestè impendisset, & ideo
 consumptum veriùs, quàm insumptum
 nominasses. Cui namquè adolescenti in-
 genita nobilitas, post parètis obitum, opes,
 ac delicias, ad satietatem, suppeditat, do-
 los, & fallacias struere Cupido non cessat.
 Amico igitur ex animo gratulemur, qui,
 quod iam pridem didicit, memoria tenuit.

Otia sitollas, periire Cupidinis arcus.

Vale. Bononiæ.

EPISTOLA XXI.

HOMOBONO DE BONIS
 Clerico Regulari S. Pauli, Illustriss. & Re-
 verendiss. Card. Ludovisij Archiep.
 Bonon. Pœnitentiario, & li-
 brorum Censori.

O Pera, quæ in lucem à te prodierunt,
 Homobone eruditissime, boni om-
 nes manibus conterunt, lingua, & stylo
 certatim collaudant. At mali? A lectio-
 ne abstinentes, eminùs verentur, & reue-
 rentur. Nec sanè mirum. Illud virtutis
 est,

est, improbis ora occludere, inde silentium, pro ingenti laude, reportare. Ego non laudo, ne inter bonos locum mihi videar arrogasse. Porro non laudo: quia oratio mea tantarum laudum non sustinet argumentum. Ne tamen cum improbis profitear, cominùs obseruo, amplector, ex iterata læpius lectione, fauentibus superis, aliquid utilitatis excipio. Sed istud aliquid eiusmodi est, quæ rerum summam contineat. Liber, qui de Humanæ vitæ statibus agit, viuere: qui de Indulgentijs, spiritualiter ditari: qui de casibus reſeruat-
tis (ne qua excusatio pateat ignorantia) difficillima quæque animos arctius adstringentia enodare: qui de ægrotantium auxilijs, mori me docet. A te igitur non aliquid, sed omnia: vita scilicet, ac mors. Sed mors vitæ affinis sempiternæ: sed vita alteram mortem deletura; mortem, in qua illud miserrimum, nihil boni, nisi quod a morte absit, censere, & nunquam mori. Quid alij pijsſimis lucubrationibus tuis debeant, ipsi viderint: quid ego, ex ipsarum met eruditione (vt hoc amplius debeam) iam vidi.

men æqualiter honestè impendisset, & ideo
 consumptum veriùs, quàm insumptum
 nominasses. Cui namquè adolescenti in-
 genita nobilitas, post parètis obitum, opes,
 ac delicias, ad satietatem, suppeditat, do-
 los, & fallacias struere Cupido non cessat.
 Amico igitur ex animo gratulemur, qui,
 quod iam pridem didicit, memoria tenuit.

Otia sitollas, periire Cupidinis arcus.

Vale. Bononiæ.

EPISTOLA XXI.

HOMOBONO DE BONIS

*Clerico Regulari S. Pauli, Illustriss. & Re-
 verendiss. Card. Ludovisij Archiep.*

*Bonon. Pœnitentiario, & li-
 brorum Censori.*

O Pera, quæ in lucem à te prodierunt,
 Homobone eruditissime, boni om-
 nes manibus conterunt, lingua, & stylo
 certatim collaudant. At mali? A lectio-
 ne abstinentes, eminùs verentur, & reue-
 renturi. Nec fanè mirum. Illud virtutis
 est,

est, improbis ora occludere, inde silentium, pro ingenti laude, reportare. Ego non laudo, ne inter bonos locum mihi videar arrogasse. Porro non laudo: quia oratio mea tantarum laudum non sustinet argumentum. Ne tamen cum improbis profitear, cominùs obseruo, amplector, ex iterata læpius lectione, fauentibus superis, aliquid vtilitatis excipio. Sed istud aliquid eiusmodi est, quæ rerum summam contineat. Liber, qui de Humanæ vitæ statibus agit, viuere: qui de Indulgentijs, spiritualiter ditari: qui de casibus reseruat-
tis (ne qua excusatio pateat ignorantia) difficillima quæque animos arctius adstringentia enodare: qui de ægrotantium auxilijs, mori me docet. A te igitur non aliquid, sed omnia: vita scilicet, ac mors. Sed mors vitæ affinis sempiternæ: sed vita alteram mortem deletura; mortem, in qua illud miserrimum, nihil boni, nisi quod à morte absit, censere, & nunquam mori. Quid alij pijs-
simis lucubrationibus tuis debeant, ipsi viderint: quid ego, ex ipsarummet eruditione (vt hoc amplius debeam) iam vidi.

Ne ingratus sim, me totum debeo. Quare
me totum addico. Tu addictum humani-
ter excipias, & Christianæ Reipublicæ uti-
litati valeas. Bononiæ.

EPISTOLA XXII. Durantem.

CLAVDIO SCYRO.

TV meam in Tacito explicando ratio-
nem, ego tuam in eodem percipien-
do diligentiam prædico. Quorsum hæc?
Par pari redditum? Ita sanè censebam.
Sed rem mecum ipse reputans, secus habe-
re intelligo. Tu humanitatis abundantia,
me supra æquum, ego verborum defectu,
te infra meritum laudó. Si æqualem gra-
tiarum actionem postulas, tu non nihil de
laudibus meis demas, ut ego non parum
tuis adiungam; nempè quòd haud nimio
officiorum pondere me oneres. Si feceris,
par pari redditum iudicabo. Bononiæ.

EPISTOLA XXIII.

BERNARDINO MARISCOTTO.

TE scriptio[n]ibus meis adco[n] delectari audio, ut voluptati laudem nec vulgarem adiungas. Alterum non admiror, diu expertus, illud tibi modestiam suadere, ut quæ amicorum sunt, amico animo aspicias. Alterum intelligentia non assequor, nempe res meas insipidissimas emunctæ naris viro quàm optime olere. Huius rei causa in amorem pariter reiicienda, qui omnibus cibis condimento est; quin fel ipsum, mel facere consuevit. Hinc gratias tibi ago immortales, ut quæ amorem in me tuum exercere valeas, præsens epitaphium in Iulij Cæsaris Claudini obitum ad te mitto, non eo quidem animo, ut illic tu voluptatem haurias, ego laudem. Quid enim voluptatis afferat Philosophi, & Medici præstantissimi discessus à nobis æternus? Ego verò quid laudis attingam, qui virum omnium ore celebrandum, tenui calamo velim circumscribere? In ista,

qualiscumque est, lucubratiuncula, non mortui encomium (cùm tenues ingenij mei vires illud nequeant sustinere) sed eius obsequium respexi: vt cui inter viuos eximijs animi dotibus cultum, & obseruantiam præstiti, id ipsum illius famæ nulla temporis inuidia consumendæ attestaret. Vale.
Bononiæ.

EPISTOLA XXIV.

MARTIO MALVETIO.

Ingenita viris nobilitas factum ingerere consuevit. Tu verò à tua nobilitate fomentum, & materiam hauris, vnde comitas, morumque suauitas augeatur. Istam virtutem tibi peculiarem ciues hesteris contestantur, hesteri ciuibus magnoperè gratulantur. Cùm enim primaria Ciuitatis laus à beneuolentia in aduenas oriatur, tū isto potissimum nomine, optimi patricij nomen mereris, qui patriam huiusmodi laude non mediocriter adauges. Ego per multos, qui istuc studiorum causa accesserunt,

runt,

runt, humanitatem tuam prædicantes audiui, ut potè clientes firmissimo patrocinio tuo decoratos. Quamuis nobilitas inter fortunæ bona, quibus nihil meremur, aut demeremur, censeatur; huic tamen cum virtutis indicium sit, cultus, & observantia debetur. Dehinc si mores sui similes admittat, contrarios excludat, omnium animos, ac voluntates perpetuò sibi deuincit. Hac de causa me tibi deuinctum fateor: ut quæ vera me fateri sentias, meum erga te obsequium experiaris; quicquid virium in me est, nulla re, aut loco otiosi feras.

Bononiæ. 1608. 22. Martij. 1608. 1608. 1608.

EPISTOLA XXV. Durantem.

PETRO FRANCISCO MACCIO

L. C.

Liber de bello Afrubalis à tuo piæ memoriae parente conscriptus, apud nos litteratorum manibus volutatur. Alterum de Pisaurensi portu non vidi. Eius tamen præstantiam à torque aureo, quo Sereniss.

Vrbinatium Princeps eum decorauit, facillimè coniector. Quàm vellem, vt torques Adamantis naturam induisset, quò virum insignem arctissimè vinctum, contra nigrae Dæ feritatē, diutiùs apud mortales, communi mortalium beneficio, detinuisset! Quid verò cuncta ad vtilitatem nostram referentes, aut ab inuidiæ suspicione nihil alieni, felicissimam illius sortem deploramus? Si Christianæ religionis pietas illud fidei à nobis exigit, singulos homines tunc Dei iussu mortales exuias ponere, cū is pro illorum salute magis esse intelligit, parentem tuum in æternis, ac beatis sedibus, laborum omnium, quos iuuentutis instruendæ, & Reipubl. litterariæ varijs scriptorum generibus iuuandæ causa non grauātē periculis, debita frui mercede nemo non sperat. Valetudinem tuam, vnde mea valetudo pendet, cura diligenter, vt mutuis litteris, quarum desiderio angor, nobis colloqui liceat, Bononiæ.

EPI-

EPISTOLA XXVI.

GALEATIO ZAVALIO.

DVm me ad villæ tuæ delicias huma-
nissimè inuitas, cur affluentem pe-
ponum, viniq̃ue optimi copiam proponis.
Fortasse vt attrahas. Nihil violentius in-
potest attrahere, quàm consuetudine tua
fruendi desiderium. Veniam, siustam con-
ditionem acceperis, vt, sicut non inuitus
accedo, ita per te irrogatum liceat recede-
re. Nunquam supra diem libuit rusticari.
Nunc multo minùs, cum urbana sedes, pro-
pter assiduas occupationes, absentiam meam,
licet breuissimam, agrè potest sustinere.
Vale. Bononiæ.

EPISTOLA XXVII. Porosempronium.

PAVLO ACTIO. I.

CVm ad proximas litteras tuas nihil
rescripsissem, te fortasse in illam su-
spicionem conieci, me animo agitasse de
filen-

silentio tuo, quod non breui scriptione ac-
 cusavi, tacendi vicissitudine compensando.
 Non ita sane. In ijs non sum, quorum
 animus ad ultionem facile propendet. Se-
 cus si esset, litteras missitarem, non igna-
 rus, te magis amici loquacitate, quam eius-
 dem silentio offendi. Quinimò non statim
 rescripsi, ne in eandem necessitatem te ad-
 ducerem, qui scriptionis onus omnium
 grauissimum existimas. Ut animi mei, qui
 nunquam est immutatus, propensionem
 agnoscas, et tuæ obsequor voluntati, et
 epistolæ munda (ut flagitas) refero. Vbi
 te Picam, me Philomelam nominas, dupli-
 citer peccas. Siquidem taciturnitas tua
 Picæ non respondet garrulitati, neque vox
 mea Philomelæ concentum æmulatur. Sed
 intelligo, cur ijs nominibus uti libuerit,
 nempe ut illorum improprietate, meam
 loquendi improprietatem deluderet, qui
 te ariolum non augurem appellavi. Ve-
 rum, quia lusoria satis egimus, ut ad seria
 transeamus, hæc de Concino accipe, & va-
 le. Bononiæ.

EPISTOLA XXVIII.

IOANNI CALDERINO

Comiti.

TV altero filio, integra vxoris salute, auctus, tanta me læticia cumulasti, quantam mea apud te non vulgaris postulat clientela. Summa igitur causa tibi summoperè gratulor. Pulcrum est enim, & iucundum nobili viro filios suscipere sibi, ac familiæ vniuersæ monumentum. Faxit Deus (quod ego cum spe ominor, & precor) ut isti, vnde originem duxerunt, integerrimam viuendi regulam ducant, vtriusque generis maiorum, quos posteritas cum laude admiratur, similes diutissime viuant. Illud si eximijs parentum meritis contingat, contigerit etiam, ut qui eorum foetibus feliciter editis oppidò gauisi sunt, iisdem, optimarum artium cultu, crescentibus impensius collatentur.

Bononiæ.

EPISTOLA XXIX.

ALEXANDRO BVCCAFERREO.

QVi Romanas leges à latoribus, aut à
 rebus tantum appellatas affirmant,
 longe quidem errant. Ego (quo-
 niam opinionem meam requiris) existimo,
 istas ab illius etiam anni, quo ferebantur,
 Consulibus nomen accepisse. Illud ne du-
 biè credam, impellit Corn. Tacitus Roma-
 narum rerum scriptor celeberrimus, qui,
 cum in legis de coelibatu mitigandæ men-
 tionem incidisset, hanc Papiam Poppæam,
 cum tamen Augustus tulisset, appellat. In
 Auctoris verba, quæ iij. Annal. extant, ut
 res clarior appareat, subiiciam. *Relatum*
deinde de moderanda Papia Poppæa, quam
senior Augustus post Iulias rogationes inci-
tandis cælibum pænis, & augendo arario
sanxerat. Neque mirum alicui videatur,
 Consules huiusmodi honore ab Augusto
 impertitos. Iulij Cæsaris enim parentis
 sui nece miserrima cdoctus, quàm arduum,
 quàm

quàm periculofum in ipfo imperij occupa-
ti limine fumnam auctoritatem experiri,
non nulla in Consules reiecit, quæ Reip.
haud labefactatæ speciem referrent, nec ta-
men Imperatoriam dignitatem imminue-
rent. Hæc ad propositæ quæstionis solu-
tionem satis futura opinor, & desidero:
quod num contigerit, à te scire expecto.
Vale. Bononiæ.

EPISTOLA XXX.

Ripas.

SEBASTIANO MAVRITIO I. C.

SI fortè de miserrimo Concini, qui apud
Reginam Gallorum, instar omnium
fuit, vitæ exitu fama istos colles indignata
præteruolauit, epitaphia ipsius famæ iniu-
riam deletura ad te mitto. Quæ præsen-
tium amicorum precibus à me fuerunt con-
scripta, tacitis absentium votis non erant
deneganda. Si amicorum oculis digna
iudicaueris, illorum aspectui ne subtrahas.
Sin minùs, vt istic etiam aliquid lucis aspi-
ciant, Vulcano committas. De Bononien-
sium

sium sententia ad te scriberem, ni vererer, ne magis illorum exemplum, quàm genij tui libertatem secutus, in amici laudè propenderes. Vale. Bononiæ.

EPISTOLA XXXI. Forosemproninm.

FERINANDO CHARTARIO I. C.

ARculam cum ficibus aridis à Mulione accepi, pro vectigali, & vectura, quod æquum fuit, persoluto. Eas Reverendissimo Abbati de S. Petro à te detuli, rogans, ne muneris exilitatem, sed donantis animum inspiceret; qui etiàm maiora, si posset, libens, ac volens largiretur. Interim, quicquid esset, lato vultu acciperet, haud obscurum clientelæ, quam apud illum profiteris, testimonium. Munus sibi gratissimum respondit, artificiumque magnoperè laudavit; quòd in re arida optimæ voluntatis propensionem nunquam non virentem patefeceris. Vale. Bononiæ.

EPISTOLA XXXII. Durantem.

PETRO PIERIO.

TVus in patriam reditus amicorum animos exhilarauit. Spes namque apud eos reuixit, fore ut, quemadmodum longè absens, à scriptiōis labore longissimè aberas; sic patrijs latibus restitutus, ad consuetam scribendi exercitationem reuertaris. Ego in istis non sum, quia tuo discessu non audito, nihil tristem, reditus letificare non debuit. Illinc certe non parum lætitiæ percepi, quod Migninus noster mihi nuntiavit, te Romæ cum amicis iucundum de nobis sermonem agitas. At nescio, vnde inter eos rumor serpsit, me quàm citissimè Urbem aditurum. Si me Curia adducunt, acerbissimarum curarum diem dicunt. Romana Curia, inquis, Oceanus est, ubi varios honores, piscium instar natantes quilibet expiscatur. Fac ita esse. Piscatorum vitam piscatores ipsi quotidiano periculo edocti, in Rudente Plantino
pau-

100. *Dominici Caesarj*

pauperrimam , & infelicissimam vocant ,
cùm aiunt.

*Cibum captamus è mari: sin euentus non
venit,*

*Neque quicquam captum est piscium ,
falsi, lauti què purè*

*Domum reddimus clanculum, dormimus
incenati.*

Equidem fateor , qui antiquitus seruitio
promptiores forent, opibus, honoribusque
elatos fuisse . Verùm illa tempora abie-
runt ; adcò vt , qui nostra ætate studiosius
seruit, in dies studiosius egeat . Quod fra-
tres Anglicani scriptum reliquerunt, audi.

*Vitam, animas, operam, sumptus impen-
dimus. Aula*

Premia pro meritis quæ retributa putas?

Aula dedit nobis rescripta notata papyro.

Et sine mente sonos, & sine corde manus.

Paucos beauit Aula, plures perdidit,

*Sed hos quoque ipsos, quos beauit, per-
didit.*

De Curia, hæc esto clausula, me tuta præ-
sentia (vt cum Tacito loquar) malle, quàm
incerta, & periculosa. Vale. Bononiæ.

EPI-

EPISTOLA XXXII. I. PATAVIUM.

U. I. A. ROMANO LUGDUNO

Doctori Theologo.

Epistola

ECquis non serio praeuertat, quod proximis litteris per iocum expressisti, me scilicet mortuum esse; qui iam diu a scriptione cessauim? Equidem mortuus sum; & tamen scribo, ut miserrimam sortem meam apud virum amicissimum deplem: quoniam, ubi ceteri viuunt, ego mortuus existimor, & sum. Vitae meae cursum iam pridem impletum cognoueris, si me amicis omnibus, quin ipsi mihi inutilem esse cogitabis. O monstrum, inquis, mortui scribunt! Ita sane. Mortuus, repeto, sum, & scribo, ut paratam tibi obsequendi voluntatem, me ne mortuum quidem deseruisse intelligas. Vale. Bononiae.



EPISTOLA XXXIV.

IOANNES COTTONIUS

Philosophus in Bonon. Archigymnasio

Græcarum Litterarum Profes-

sor Primario.

Publicos labores tuos, per concordia
 Illustrissimi Senatus suffragia, mer-
 cedis auctione honestatos, lotus audini, tua,
 & ipsius Senatus causa. Tua, qui re ipsa
 experiris, in isto celeberrimo Archigymna-
 sio adhuc florere tempora, cum

Virtus intaminatis fulget honoribus.
 Senatus, qui insignem mercede conducto-
 rum operam undique sibi paratam sentiet,
 dum istam ne hilo quidem debiti præmij
 se fraudatam sentit. Ego, ne iucundissimo
 amicitiae fructu te fraudem, intima pecto-
 ris mei senfa per istas fidissimas nuncias re-
 fero. Tu eadem animo tuo per fidem, me
 antiquis moribus istud gratulationis offi-
 cium persolvere libenter referato condas,
 utque maiora in dies desiderio tuo, quæ
 meri-

meritorum limina non excedit, congruentia contingant, optare tibi persuadeas. Bononiæ.

EPIST. XXXV. Coloniam Agrippinam.

FABIO ALBERGATO L. C.

Cum tuo à nobis abitu, meam in te benevolentiam nequaquam abijisse, ex præsentis epistolæ cognoveris, supra parentis tui testimonium, unde itineris à te suscepti ordinem singulis fere diebus percontatus sum. Illud enim tibi felicissime confectum gratulatus, Germanicam sedem in dies feliciorem auguro, & spero, tuarum virtutum cumulo subnixus, quæ Illustriss. Apost. Sedis Nuncio patruo tuo te, ultra debitum consanguinitatis, gratissimum effecerint. Interim istæ, quæ prudentiam nutriunt, immatura ætate, maturis muneribus aptum declarabunt: ut cum Aui nomine, illius famam latè, longèque propagatam tibi legitimo heredi contigisse ostendant. Bononiæ.

EPISTOLA XXXVI. Bononiam.

PHILIPPO MVSOTTO.

EGo ab illis dissentio; qui veteres non supra tres vices in conuiujs bibisse affirmant. Quinimò illorum sententiam admiror, ignarus profectò, cuius luculenti scriptoris testimonio fulciatur. Antiquos homines non vinolentos facio; sed tam abstinentes haud inuenio, vt ternarium numerum légescripta, vel consuetudine in bibendo sibi constituerint. Sarsinatem Comicum inter latinos facile principem legentibus illud occurrit, veteres quinque, septem, & decem vini cyathos haussisse. De quinque extat clarissimum testimonium in Stichò Act. V. Sc. I V. vers. XXIV. vbi Stichus Sagarino interroganti, quot cyathos biberet? respondit.

— *tot, quot digiti sunt tibi in manu.*

De septem, legatur Persa Act. V. Sc. I. vers. XVIII. illic Toxilus diem suum natalé hilariter agiturus, post multa puero sic iubet.

— *age*

*age puer,
A summo septenis cyathis committe hos
ludos, moue manus, propera.*

Postremo denarius numerus ex eodem Stichos Act. & Sc. supra citata vers. XV. colligitur, vbi Stichus innuit, se velle haurire decem vini cyathos : quia tot litteris constat nomen amicæ Stephanium. Vnde illud etiam constat, antiquos in amorem adeò propendisse, vt inter cyathos amasiæ nomen colerent. Iam verò me de cyathis scribentem cyathi ad cœnam appellant.

Quare tu longior vt sim, ne compelle, & post, felicissimum per Galliam, & Germaniam itineris reditum, feliciter viuere.

Ex Villa.

EPISTOLA XXXVII. Bononiam.

MATTHAEO SAGACIO.

Quam veriùs te Sagacium appellarem, nisi scriptiones meas italicas, & latinas tot tantisque laudibus eleuares ! Si quid tamen peccatum est, id

totum ab amore est. Fac istum non nihil cohibeas. Sic enim te haud plus æquo amantem, haud plus æquo laudantem, in amando, æquè, ac laudando sagacissimum Sagaculum nominabo. Vale. Ex Villa.

EPISTOLA XXXVIII. Bononiam.

BERNARDINO FERRARESI
in Bonon. Archigymnasio Instit.
Professori.

Parum absuit, quin Francisci Scortia Societ. Iesu Presbyteri epistolam non miserim: non ut illis æquè libenter promissa, ac multum desiderata lectione te fraudarem; sed ne quæ à summo viro de me laudes sunt, alienis oculis, quasi gloriam captaturus subijcerem. Quid verò laudes? Imò culpas, & errata. Dum enim Scortia ingenium, & artem meam commendat, hæc non qualia profectò sunt, sed qualia esse debent, diligentissimè describit: adeò ut tantumdem ego ruboris ex meis laudibus traham, quantum latitiæ alij ex suis

suishaurire consueuerunt. Non igitur mittenda fuit epistola, ne in grauiorem ruborem me immitterem. Quin potius mittendam decreui, vt hinc ad te scribendi ansam arriperem, non expes; vt quicquid in cœoris ex Scortia litteris, supra merita laudatorijs, animus contraxit, gratissima tue scriptionis vicissitudine diluatur. Vale.
Ex Villa.

EPISTOLA XXXIX.

10. DOMINICO BARBETTAE
in Bonon. Archigymnasio Institut.
Professori.

NEscio quàm æquè doleas, te beneficia perdidisse, quæ apud N. collocasti. Perditum ne dicas, quod vbi posueris, non ignoras. Si custodis indiligentia perierunt, culpa tua est, qui homini parum fideli credidisti. Sin illud significas, te optimè meritum de homine immerito, hoc est, ingrato, te ipsum accusa; qui nulla meritorum ratione habita, ingratorum turbam

auxisti. An nescis, ex nimia liberalitate ingrati animi vitium oriri? Quinimò & odium. Si mihi vel experto fidem subtrahis, Tacitum audias. *Beneficia cònsue la-
ta sunt, dū videntur exsolui posse, ubi mal-
sum antequam, pro gratia, odium red-
ditur.* Vale. Bononiæ.

EPISTOLA XXX. Forosempronium.

PAULO ACTIO I. C.

Litteræ tuæ, quarum breuitatem Seruatoris passioni sacrorum nomine prætexuisti, non dubiam spem mihi attulerunt, te post eiusdem resurrectionem ad frequentem descriptionis laborem surrecturum. Sed istud, quicquid spei fuit, mihi omnino decollauit. Christus multis ab hinc diebus resurrexit: tu somno adhuc sepultus iaces, & fortasse expectas, dum Cæsarij vocibus susciteris. Illud si cogitas, eni me quasi rupturus, vociferor. Exurge Paule, vt vir tibi amicissimus exurgat à mœrore, in quo diuturni à te silentij vinculis deti-

detinetur. Si vocibus, quæ tibi aures verberant, ad cor aditum profundissimus sopor intercludit, quid hinc abiens, mihi pollicitus es, per quietem, obsecro, in mentem reuoca, & vigilans præsta: ne te verbis liberalem, & parcum cogar prædicare. Vale. Bononiæ.

EPISTOLA XXXXI.

V G O N I A L B E R G A T O.

Ingenium meum à te viro æquali prudentia, ac nobilitate ornato, illuc æstimationis extolli, vt rerum, quæ in pulcrioribus litteris plurimum difficultatis habet, curam demandes, tuæ in me beneuolentiæ adscribo. Ista quo longius merita, quæ parua in me sunt, antecellit, eo magis suafit, vt monumentum, quod postulas, scriberem. Illuc animum, & vires appuli: eo tamen discrimine, quòd illum supra necessitatem, quoniam abundat; istas infra mediocritatem, quoniam infra mediocritatem iacent. Attamen ea spe nitor, fore vt imperio

perio tuo excitatæ, non omninò inutiles appareant. Vt cumque res habeat, animi tui magnitudo voluntatis meæ propensior ni acquiescat, & quod supra me est, à me iniuriosè non requirat. Bononiæ.

EPISTOLA XXXII.

IOANNI FRANCISCO ROSSIO.

SI Persij Satyras laudare cessem, ab ijs longè dissentiam, qui res ingeniosissimas laudant. Plurimum, inquis, habent difficultatis. Verùm hac de causa pulcherrimæ. Imò ex ipsa difficultate, primarij apud Satyrarum scriptores præcepti executio apparet. Quamvis enim à singulis non intelligantur; ab omnibus tamen intelligi possunt. Si studium in istum Auctorem contuleris, te suscepti laboris nunquā poenitebit. Confer, sed eo consilio (quoniam consilium petis) ut improbos mores cum Persio potius odisse, quàm scriptis discas agitare. Sæpe enim fit, ut, qui in mores inuehitur, etiam personas nominatim in-
inse-

infectetur. Illud verò quàm periculosum sit, eos interroga, qui pro verbis verbera foenerato retulerunt. Vale. Bononiæ.

EPISTOLA XXXXIII. Ripas.

SEBASTIANO MAVRITIO I. C.

ECquis, obsecro, admiretur, amicitiam nostram tam arcto vinculo adstringi, si sciat, nos eadem, eodem tempore, animo evolvere, & quod maius videri possit, rebus perficere? Tu de rerum tuarum statu me admonendum cogitas: id ipsum ego à me tibi præstandum animo assequor. Tu III. Id. calamo indulges, eodem ego die totus versor in scriptione.

Non equidem hoc dubites, amborum facere certo

Consentire dies, & ab uno fidere duci.

Nostra vel aequali suspendis tempora libra

*Parca tonax veri, seu nata fidelibus hora
Diuidit in geminos concordia fata duorum,*

Saturnumquè grauem nostro Ioue fran-
gimus una.

Æquum igitur fuit, vtriusque nostrum lit-
teras inter se congredi, animis, manibus-
què inter se quàm maximè congruentibus.
Quid meis factum sit, ignoro. Equidem
scioq, à tuis illud euenisse, vt animus lectio-
ne, vel creberrima non sit omninò exple-
tus, & præsertim in eo, vbi tuam vitæ ra-
tionem edisseras. Cuncta sapienter, quo-
niam honestè. Perge, vt instituisti. Ho-
minem tuì amantissimum de tuis rebus
crebrò singillatimque admone, & in assi-
duis occupationibus (quod facis) vale.
Bononiæ.

III. D. D.

EPÍSTOLA XXXXIV. Vergianum.

VGOLINO COSTAE.

OMnia prudenter, ac verè, sed illud po-
tissimum

— *homines salus frustatur, & for-*
tuna.

Comicorum Princeps affirmavit. Exem-
plum

plum domi habeo. Iam cum Reuerendissimo Abbate de Sancto Petro Tauletum versus iter aggressurus audiui, te Vergari domesticis negotijs detineri. Illud in spem certam adduxit, fore, ut cum illuc accessur-
riessemus, iucundos, ex more, sermones tecum agitare: eaque spe adeò delectatus est animus, ut ibi totus inhærens, ad longæ, difficilisque viæ cogitationem se nihil omninò conuertisset. Sed illuc non tam mox perueni, quàm mox à Susanensium Parocho, qui te nudius tertius discessisse nunciauit, spei frustrationem cognoui. Tunc amanter indignatus cum Lip-
sio exclamo. *O factum ab amico non amicum!* Costa, ut sequentem se fugiat, vincula etiam arctissima confringit! Quid si liber? Iouis, credo, curru (ut cum Poetis loquar) abiisset. Sed cur potius imprudentiam meam non accuso, qui propriam stultitiam mortalibus deprobi non videam, nec sentiam, dum me velocissimè fugientem insector? Fuge quantum libet. Quid fuga profutura sit (ni spes iterum me deludat) intelliges. Quod enim sum-

me beneuolentiæ vis apud te non potuit,
 Reuerendissimi Abbatis auctoritas molietur.
 Is te videre, alloqui, consuetudine
 tua frui desiderat. Si eum esse profiteris,
 quem toties verbis non obscuris declarasti,
 nunc rebus comprobare haud negligas.
 Secus, ni dictis facta suppetant, te fluxa
 fide hominem prædicabo. Sed ne Pelæi
 Stomacho, Æacidiniisque minis cum amico
 omnium amicissimo videar agere, te
 obsecro, mi Costa, vt constantiam ceteris
 in rebus, præterquam in fuga, tuearis;
 imò quàm longè abcessisti, propius
 accedas. Ego namque illud assecutus, si
 cum aufugisti, amor quoque in me tuus
 aufugit, cum redieris, hunc pariter, æqua-
 literque reuertisse, facilis credam. Vale.
 Bononiæ.

EPISTOLA XXXV. *Ripas.*

SEBASTIANO MAVRITIO I. C.

ECquid istud negotij est? Pluribus literis à me prouocatus, nec etiam mus-
 sitas?

sitas? Id grauius me angit, quod, si ante hac occupationibus circumuentus, per vnus, vel alterius hebdomadae spatium ad te scribendi intercapedinem facerem, statim silentium meum accusabis, affirmans, nihil acerbius tibi accidere potuisse, quam si ad me scribendi, aut litteras meas legendi ansa detraheretur. Nunc semel, iterum, saepius scribentine vno quidem verbo respondes. Sic me palpo percutis? Apagè sacrarum amicitiae legum violatorem. Apagè muliebri fide virum. Quin potius manedum, & audi. Non sum, qui sum, nisi istud iniuriae oppidò vlciscar. Sed quò prouehor, quasi carbones periculo meo irritaturus? Parce, non dicam, Caesaro; is enim non scribit, sed iracundiae à beneuolentia, quae stylum trahit, non ducit. At non abest conuicium. Ob id quidem parce, & patere, te verbis laedi ab eo, quem rebus grauiter lacescisti. Vale. Bononiae.



EPISTOLA XXXVI. Bononiam.

DOMINICO COMELLO I. C.

CUr non potius doles, quàm gaudeas, permultos viros (vt tu quidem asseris) eruditos litteras meas luce dignas iudicasse? Æquiucum istud nemo vniucum appellabit. Quod tu Phœbeam lucem intellexisti, ipsi fortasse Vulcanicam significarunt. Si isti Phœbeam, certè gaudij, sin Vulcanicam, doloris causam habes, nec exiguam. Quinimò dum rectè video, vtramuis inuenerint, est, vnde gaudeas. Si scriptis meis Phœbeæ lucis meritum assignant, in ijs maturitatem agnoscunt. Sin Vulcanicæ, illorum defæcationem desiderant. Vale. Ex Villa.

EPISTOLA XXXVII. Bononiam.

ANNIBALI ZECHELLO.

Heu fata! Virum & nobilitate, & virtute præstantem lege viuere desisse!

siſſe! Mihi de facie haud innotuit: ſed
eius famam omnibus conſpicuam, præ om-
nibus ſuſpiciebam, obſeruabam. Hinc poſt
tuas litteras propè lacrymis à me deletas,
fortunæ mutationem obſerno, lubricum
Aulæ culmen cognoſco. At quis idem non
cognoſcat, ſi, qui in Principum delicijs
fuit, in carnificis ludum, & ludibrium tran-
ſijt? N. in communem locum tranſijt. Nos
lugentes deſeruit: non mortem, quia quib

omnes una manet nox.

Et calcanda ſemel via terribi.

Sed genus mortis violentum, quod vulgus
ignominie coniunctum exiſtimat. Nos
iſtud commune iudicium haud rectum ni-
hil curemus. Illud magis pro ſolatio non
vulgari, contra vulgi opinionem, mente
recolamus, N. cum ad vitæ metam infrac-
to animo irret, illud clariſ vocibus non ſe-
mel uſurpaſſet. Vitæ finem minùs acerbum
ſentio, quoniam

*Post mortem, in morte nihil eſt, quod me-
tuam mali.*

Vale. Ex Villa.

EPISTOLA XXXXVIII. Bononiam.

LUCIO MAGIO.

S Ebaſtianus Doct̃or tuus vulgatum illud optimè edoctus. *Nec etiam Hercules contra duos* rectè tibi ad me litteras interdixit, cum frater tuus Bonifacius scriberet. Vidit quippè vir prudentiſſimus, duplici onere non grauandum, qui ſimplex ægrè valeat ſuſtinere. Propterea fuit onus in partes diuidendum, ne illius grauitate baiulantis vires opprimerentur. Illud vos perhumaniter feciſtis, me ſucceſſiuis litteris appellantes. Rem verò ſi ad veritatis calculum reuocemus, maiore farcina mihi videor oneratus. Si frater enim, ferè alter nominatur, Bonifacius fratris exemplum æmulatus eſt, qui, cum ille ſcripſit, à ſcriptione animo non ceſſauit. Et quia voluntas rebus ipſis non rarò æquiparari conſuevit, dum alter ex vobis ad me litteras mittit, bis vterque mittit: & ideo quatuor, non duobus officijs me ſimul deuincitis. Quid de tuo fratre ſentiam, multis (licet

non

non satis) rescripti. De te, Lucis illud pro
certo habeas; amorem tuum animo meo
adeo illucescere, vt fulgentissimis illius ra-
dijs multorum in me beneuolentiam non
tam offundi, quàm maximà claritate ad-
spergi confidam. Vt enim minora fidera
à Phoebo lumen accipiunt; sic omnes mei
amantes exemplo tuo prouocati, amorem
in dies magis, magisque augebatur. Ex
Villa.

EPISTOLA XXXIX. Genuam.

BARTHOLOMAEO BELVEDERIO

Societ. Ies. Presbytero.

QUAE, obsecro, merita apud te conge-
ris, vt à nobis discessurus, domum me-
am salutarium adires? Hinc duplex
mihi angoris causa. Altera, quòd frequen-
tibus humanitatis iudicijs meum in te ob-
sequium opprimis: altera, quòd viam,
quæcumque est, frustra confeceris. At
satius fuit me domo abfuisse, quoniam ab-
fui à rubore, qui faciem meam ex prima-

rijs Cōncionatoris ad me accessu opple-
uisset. Equidem amorem tuum desidero,
feu verius ambio. Sed eòusque vellem at-
tingeret, vt quisque intelligat, illum ex iu-
dicio proficisci, non ex debito. Vale.
Bononiæ.

EPISTOLA L.

Regium.

PHILIPPO HVMANO

Regiensium Pratori.

IN columen te Regium peruenisse, post
honestissimam, & cum vniuersocium
applausu Prætorij muneris subitionem,
ista sede non parum delectari, incolarum
mores ex genio tuo expectari, non minus
lætor, quam tu, me lætaturum prælagie-
ras, cum de his rebus perlitteras sigillatim
admonendum iudicasti. A lætitia tamen
abest admiratio: quoniam fortuna, licet
per sepe in alios inhumana, Humanum
humaniter habere debuit, præsertim illius
meritorum viribus euicta. Cum ipse te
cognoscas, me ab assentatione alienum co-
gno-

gnosces. Etenim, si fortuna prudenti viro cedit, prudentiæ tuæ magnitudinem eam esse non ignoras; quæ Protei mores imitata, varijs rerum humanarum casibus se facillimè accommodet, aduersosque à te magis, quàm te illis, frangi sentiat. Dextrissimæ huiusmodi vitæ rationi, cui quamquam multi æmulentur; nullus tamen eam æmulatur, summopere gratulor. Tu meî amantes (si qui tamen ob meritorum meorum imbecillitatem sunt) æmulare, & vale. Bononiæ.

EPISTOLA LI.

CAMILLO ELEPHANTVITIO.

QUæ ad obiectas Taciti quæstiones respondisti, tacitè malo obseruare, quàm laudes meritis inæquales reponere. Tu vir nobilissimus litteras non profiteris, & tamen optimarum artium cognitione multos litteratos longè adeò post te relinquis, vt sola experientia fidem inueniat. Hac scribo, vt in via, quam in-

gressus es, alacriter curras. De rebus enim politicis interrogatus, si argutè (vt fecisti), respondeas, cur homines te non mediocriter æruditum nominent, causam præbebis. Vale. Bononiæ.

EPISTOLA LII. Melitam.

ALBERTO ALBRITIO

Societ. Iesu Presbytero.

Nescio, celeberrime Albriti, vtrum Melitensium Ciuitas te proximo futuro anno Concionatorem, post viam non breuem, neque tutam, lætior exceperit, quàm nos de tuo illuc felicissimo aduentu audierimus. Illis valetudinis tuæ firmitudo ad tempus (quoniam ad tempus te vti debent) nobis perpetuò, qui opus tua perpetuò indigemus, exoptatur. Porro apud illos fama, apud nos experientia, quæ nunquam fallit, & longè plus potest, tuè cultum exsuscitauit. Verum de fama illic breuius experientiam conuertenda, non modò nobis, sed nec ceteris etiam Italiae

liæ urbibus primarijs concesserint; cùm intuitu observantiam, tua præstantissima dicendi arte, quasi Herculeis ad linguam catenulis, quoquò versus amantissimè attraxeris: adeò ut multo plus tuo discessu moeruerit, quàm eisdem lætitiâ perfuderit accessus. Tua oratio sacra in quadragenario studio, cùm tempus aderit, inoffensa valetudine excurrat: ut qui te aliquandiu absente doluerunt, fortunatissimi redditus gaudio recreentur. Bononiæ.

EPISTOLA LIII.

IOANNI ANTONIO ROFFENO

Philosopho, & Mathematico.

Nisi iam pridem humanitatem tuam ex experimento cognovissem, quid de commodis meis sentire, in dubitationem fortasse adducerem. Verùm, quia hanc ipsam nullis finibus septam contineri scio, propterea facilis mihi persuadeo, te ex animo gaudere, quòd Parochialis Ecclesiæ Rectoratu civium tuorum liberalitate sin-

honestatus. Gaude : sed illud omninò crede, tuorum erga me meritorum magnitudinem eò usque attigisse, quo fors mea vel non parum aucta, nullo pacto potest adspirare. Quid si virium defectus optimæ voluntatis vbertate compensetur? Huic, obsecro, humanitatem tuam largiùs extensurus, acquiesce, meque in tui obsequium ex officio magis, quàm sententia paratum agnosce. Bononiæ.

EPISTOLA LIV. Forosempronium.

DOMINICO PASSIONE I. C.

G Audium meum de nuptijs à te cum femina nobilitate primaria, forma egregia, ætate integra contractis, mandatorum executio explicabit. Vix litteris acceptis, frigionem conueni, qui tui seruitio se paratum ostendit, in eoque ceteris rebus, quas debet conficere, prætermittis, assiduam, & fidelem operam pollicetur. Quapropter ad quindecim dies, sponsalium vestimentorum ornamenta accipies, spe-

spero . Spero , non promitto ; quamuis ille rogatus , non dubiè promiserit . Nosti artificum mores , quibus verba singulis dare cibus est . Quicquid otij occupationes , & curæ mihi concesserint , in istius negotij cura me consumpturum crede , vt nihil de mea in te beneuolentia consumptum credas . Vale . Bononiæ .

EPISTOLA LV.

LVDOVICO MALVETIO.

PAulum Masium laudaui , non tam , vt eiusdem laudatoribus , qui acerrimo iudicio sunt , assentirer , quàm ne à veritate , cui omnia debentur , dissentirem . Nemo certè (quod tu etiam sæpius affirmasti) non laudasset virum , qui doctissimè , & elegantissimè dicit : & quamuis numquam fortuitò dicat ; tamen ad dicendum semper est paratus . Qui , si dicendo vagatur , orationem potius ornatam reddit , quàm prolixam . Qui celeres motus animi habet ad inueniendum , explicandum , exornandum ,
me-

memoriæ mandandum accomodatos. Qui habet latera firma, canoram vocem, solutam linguam, spectabilem oris, & totius corporis conformationem. Qui ex sententia animos hominum docet, & delectat. Cum nihil supra in oratore perfecto requiratur, *Masij Cõcionatorum Principis* merita non falsis encomijs me prosecutũ profiteor. Bononiæ.

EPISTOLA LVI. Bononiam.

HENRICO DE S. PETRO.

TE à longo, & difficili morbo conualluisse tantumdem gaudeo, atque animo angebar, tibi ista florenti ætate, corporis vires consenuisse. Gallum certè *Æsculapio* tuo gallo debemus, qui te ab intestina ægrotatione vindicatum nobis restituit. Nos, quod nostrum est, persoluemus. Tu, quod tuũ est, persolue: quod præter spem recuperasti, præter multorum fidem diligentissimè serua: salutem, dico, quæ ne omni quidem auro contrà, benè estimatur, etiam

etiam, atque etiam cura; non ignarus, dum corpus tuum aduersa valetudine depascitur, animum meum acerbissimis curis agitari. Ex Villa Casalechij.

EPISTOLA LVII. ad Bononiam.

SEBASTIANO SANCTOLO.

I. C.

EGo amicitiae leges non adeò coarctandas censeo, ut, quod mihi pollicitus es, in aliam diem reijcere non liceat sine religione. Ob id parum ciuilitè (quod modestiae ductu asseris) à te factum nego, cum epistolam omnium oculis (quæ illius pulchritudo est) obijciendam, meis aliquandiu suspenderis. Quinimò dilatione illud egisti, ut videndi cupido spe non breui enutrita, animum meum non breuiter enutrisset. Moderata enim desideria hoc habent, ut potiendi spes non parum afferat delectationis: quæ tamdiu manet, quamdiu spes ipsa constans, atque integrâ per-

se-

seuerat. Multa in scriptoris laudem sentio, sed vnum instar omnium loquor, Smeraldi scripta smaragdis contrà, omnibus, qui sapiant, æstimanda, & tamen nihil omninò suspicienda: quippè quæ in Societatis Iesu, in Oceano scilicet gemmarum affluentissimo oriantur. Quòd epistolam miseris, te liberalem, quia fidem longè supra debitum præstitisti: quòd eidem ipsi tuam beneuolentiæ notis insignem adiungens, me non vulgaris gratiæ tibi habende vinculo obstrinxeris, illiberalem nomino. Rescribo, sed raptim, quia alumno tuo rescribendi officium me rapit, seu verius dicam, opprimit. Quid enim fuit, cur nobilissimus adolescens me tam decora scriptione honestaret, nisi vt Præceptoris exemplo prouocatus, non obscura erga me beneuolentiæ indicia præberet? Hic sapientissimi viri dictum, de subditis erga Principem, de Auditoribus in Doctorem licet vsurpare. *Obsequium, & emulandi amor, validior, quàm pæna ex legibus, & meritis.* Ne res ipsa nomini aptissimè responderet. Bonifacij namq. est benefacere, cunctos

ſtós ſcilicet fouere, & amplecti. Tuum, ſeſtiane amiciffime, ſit præſentes litteras quaſi nunciuſ ornare, & illi à me reddere. Vale. Ex Villa.

EPISTOLA LVIII. Bononiam.

BONIFACIO MAGIO.

Qui ſcriptiones meas typis commit-
tendas prædicant, aut publica luce
dignas iudicantes, mei beneuo-
lencia decipiuntur, aut eadem ex oculati
non vident, quàm arduum, quàm aſperum
ſit ſeueram huiuſce tempeſtatis criticam
ſuſtinere. Equidem labores meos non
alia, quàm Vulcani luce decorandos dixe-
rim. Sed, ne iſtam quidem aſpiciant, Po-
lypi inſtar auidiffimùſ comprimam. Ete-
nim quæ nullam alijs voluptatem affer-
rent, mihi non paruam exhibebunt: quo-
niam ſua cuique cara. Quid igitur de meis
ſcriptis futurum ſit, mihi potiuſ illorum
actori, quàm alijs, de rebus, quæ nihil ad
ſe

se pertinent, arbitrato suo deblaterantibus crede. Ista nisi in postea um fastidiens, tor-
 nis oculis aspiciam, nemo à me ne harpa-
 gonibus quidem extorquebit. Pro tuo in
 me amore, unde multum laudationis ma-
 nat, non meritis meis extorto, sed volunta-
 rio gratias ago, & habeo maximas. Vti-
 nã nobiles omnes, ac virtute præditi æqua-
 les tibi æqualiter me ament! Illud si asse-
 quar, non exiguum quæstum apud patri-
 cios Bononienses me fecisse arbitrabor.
 Vale, adolescens nobilissime, in optima-
 rum artium stadio (quod facis) alacriter
 curre, patriq̃ue tuo non vno virtutum ge-
 re conspicuo à me honoris causa salutem
 nuncia. Ex Villa.



EPISTOLA LIX.

Venetias.

CYRO DE PERSO.

Iudicium tuum, Cyre humanissime, non semel expertus, tanti facio, ut plus fidei tibi uni, quam multis alijs simul adhibeam. Sed ubi epistolas meas magnopere laudas, patere, ut istam laudationem tuo in me amor, non meis meritis adscribam. Homini enim alienas virtutes benevolentia specillis contemplanti, vero grandiores obijciuntur. Itaque, amorem si ponas, quæ in me sunt, minima videbis. Atque, ut verum nihil diffitear, dum me ad latinam scriptionem hortaris, quosdam quasi igniculos animo admoves, quibus non parum calefactus, fortasse maturi aliquid proferat. Illud si contigerit, nihil laudis meis foetibus adscribetur, quod tibi æque, ac illorum parenti acceptum non referam. Bononiæ.

EPISTOLA LX.

Bononiam.

ANTONIO MANZONIO

*Doctori Theologo Bonon.**Collegiato.*

DVplex gratulandi officium, & quòd Theologorum numero, & quòd præstâtissimo eorumdem Collegio adscriptus sis, vnica scriptione persoluam. Neque parcitatis arguendus iudicabor, dum vineas illas æmulari negligo, quarum fructus assiduis imbribus madefactus in pampinos facillimè degenerat. Rerum magis, quàm verborum feracitatem affecto. Verba voluntatis indicia sunt, nec rarò fucata: res non dubium cordis experimentum. In præsentī epistola animum meum, ob præmium tuis meritis retributum, nuda, lætitia gestientem lege, vtquè iteratis in dies occasionibus legas, vale. Ex Villa.

EPISTIOLA LXI. C. 1. Parmam.

AUGUSTINO LEONARDO A.S.

Serenissimi Parmensium Ducis

Cardinali.

SI quid tua causa effeci, non huiusmodi fuit, ut ullam gratiarum actionem requirat. Quapropter illas rejicio, ne maiorem, quam par est, suscepit laboris mercedem, quasi foenerator videar recepisse. Libens iniunctum laborem sustinui, quia debui. Si tu, quod merum officium fuit, sententiam iudicas, ego mearum partium non ignarus a sententia tua me abduco. A gratiarum igitur actione cessat, & virium mearum tenuitatem (quod gratius acciderit) excusa. **Bononia.**



EPISTOLA LXIIII

CORNELIO PEPULO COMITI.

Q Vantum mihi arrogem, Illustrissime Comes, vide, & ignosce. Cùm antequam te hac nunquam te præsens, hunc per litteras alloqui non dubito. Vide, inquam. At cur ignoscas? Hinc meam erga te observantiam potius agnosce. Tuorum enim clientum numero censendi cupidissimus, cùm, ne illud præsens rogarim, rubor à meritorum meorum defectu me non parùm deterreret; nunc ad litteras, quæ deprecatoris officium præstent, confugio. Huiusmodi cupiditatem iam diffundens, quæ in te video, naturæ, animi, fortunæ bona, singula quidem eximia ratione congesta, adeo ut animus in tuæ opulentiam longè plura, & maiora contulerit. Istis dotibus liberalitatem addas, me clientem tuum (perpetuo namque addictus ero) appellare ne respuas. Bononiæ.

Vicem tuam (quod amicissimi hominis officium monet) doleo : sed tamen tolerantiam , quæ omnia vel durissima frangere consuevit , tibi suadeo . Cum sanctissimo viro ad Deum conuersus , illud vsurpa. *Hic ore, hic feci, ut in æternum parcas.* Ab eo mentem sanam cum sano corpore tibi opto, & me ames, rogo . Bononiæ .

EPISTOLA LXIV.

MATTHÆO VVLPARÆ.

TVæ in me optimæ voluntatis indicia si in rebus ipsis adeò patuerunt, vt nimis morosus sum, si litterarum testimonia requiram . Itaque Parochiali Ecclesia fidei meæ commissa te gaudere tam certo scio, quàm certissimè illud in primis optare, vt quicquid communibus omnium suffragijs sum adeptus, in communem omnium salutem (hoc enim in primis specto) vertatur . Et quoniam secundo loco amicorum utilitas succedit, effice, vt credas, cum mei commodi auctione vires pariter mihi au-
ctas,

Etas, quibus opera mea rebus omnibus tibi parata haud inutilis appareat. Vale.
Bononiæ.

EPISTOLA LXV. Vergianum.

VGOLINO COSTAE.

Verenti mihi, ne litteræ, quas cum epitaphijs in Concinum ad te miseram, ferentis negligentia periissent, tuæ aliquando tandem redditæ sunt, quæ mihi omnem scrupulum exemierunt. Ut rectè illis rescribam, te alterum Vlysses debeo nominare: honoris enim specie quinque eiusdem argumenti epitaphia remittere voluisti, ut scilicet deterrima meorum cum illis comparatione ingenij mei imbecillitatem patefaceres. Sed, ne quicquid temporis, hisce diebus, peccatorum excidio debetur, eorum extructioni videar assignare (quod facile eveniret, si te isto nomine, quasi vindictæ consilio nuncuparem, qui me hominem artibus instructum appellasti) virum potius gratum, quippè qui paria amicus.

reddere consueueris, appellabo. Paria reddidisti numero, qualitate autem longè superiora. Ista ruri nata (quod asseris) fateor; adeò tamen, vt lepidissimè scripta, vrbe digna nihil diffitear. Vale. Bononię.

EPISTOLA LXVI. Forosempronium.

PAYLO ACTIO I. C.

M Ihi, vt litteras ad te darem, parato, illud occurrit.

Qui homo culpam admisit in se, nullus est tam paruipresij,

Quin pudeat, quin purget se se.

Culpam admisi, quando obtreccationibus Concinum vexaui. Nunc pudeat: quia in mortuos saluare impium. Purgo, cum ea in re non vnius exemplum mihi proposuerim, qui cum contumeliosis scriptis agitarunt. Verum non satis, si me pudeat, ac purgem. Quoniam de illius fama non parum detraxi, vt palinodiam (quod aiunt) canam, (religio postulat. Illud in primis aucto, vt quorum exemplum amulatus sum,

par

par pari reponentes, mea vestigia sequantur, maledicta benedictis compensent. Quod aliorum est, ipsi viderint: quod nostrum, nos diligentissime curemus. Id satis curatum arbitrabor, si totidem pro Cōcino epitaphia scribam, singulisque amicis per litteras mittam: ut quem contumelijs iam petatum acceperunt, nunc laudibus affectum accipiant. Vale. Bononiæ.

EPISTOLA LXVII.

HYACINTO LODIO

*Philosopho, & Medico in Bonon. Archi.
gymnasio Logicae Professori.*

L Vetus causam superioribus diebus tibi obiectam, non peculiarem, sed communem agnoscas. Si tu patrem, quoniam illinc ortum, nos amicum, unde vbertimum amicitiae fructum, patria vniuersa ciuem optimum, quoniam ex eo laudem hausit non mediocrem, iugendum existimat. Ad te igitur scribo, non tam ut dolorem tuum, solatio afferendo, abstergam, quam meum,

referando; imminuam? Verum, si, quem-
admodum simul dolemus, ita perpetuò do-
lendum iudicamus; philosophia praeceptis
imbuti, à Philosophis, qui mortuos haud
lugendos movent, longissimè distamus.
Quare, ne philosophiam aspernemur, da-
mnum, quod commune est, in commune
solatium vertamus. Et si morbus animi
durus adeò sit, ut mitiora huiusmodi me-
dicamenta excludat, acuto patientiae gla-
dio recidatur. Vale. Bononia.

EPISTOLA LXVIII. *Romam.*

IACOBO DE S. PETRO.

Plauti locum à te in quaestionem addu-
ctum, adeò difficile me video, ut cuique
veterudinis non parum negotij exhiberet.
Ecquis ingenij acumine percipiat, crucem
reò futuram sepulcrum? & tamen in mi-
lite glorioso Aut. II. Sec. IV. Seeledrus Phi-
locoma sibi sibi mortem ininitanti audacis-
simè respondet, magnolide. Philo. II. Sec. IV.

Noli

*Noli minitari; scio crucem mihi futuram
sepulcrum.*

Istius difficultatis enodatio ex veteri cruci-
figendi consuetudine, qua gentes uteban-
tur, omnino pendet. Vcluti enim istæ, vt
in ceteris rebus, sic etiam in ea differrent à
Iudæis; reos cruci affixos non eadem die
deponentes, funerabant, sed, vt grauiore
supplicio afficerent, vsque ad cineres de-
ferebant: ita vt idem locus sepulcrum haud
negaret, cui acerbissimam necem intulisset.
Dissimilem Hebræorum, ac Gentium vlti-
ma crucis poena afficiendi morem declarat
Antonius Gallonius in libello De crucia-
tibus Martyrum cap. primo. Quodque
ad Gentes facit, luculenti Auctoris testi-
monio probat, nempè Valer. Max. lib. I.
cap. II. externorum III. atque alibi Vale.
Bononiæ.



EPISTOLA LXIX. Romam.

HERCVLI BONFIOLO
Bonon. Senat. & Equiti S. Stephani.

Singularis in me beneuolentia, à tua, vir
Illustriſſime, ſingulari liberalitatē, nō
à meis, quæ nulla ſunt, meritis ſcaturiens,
illud animo meo ingerit, vt omni loco, &
tempore, quicquid felicitatis eſt, tibi optēs,
& precer. Præſertim verò hiſce ſacratiffi-
mis diebus, quibus patroni iſtud officij à
ſuis clientibus, inueterata iam conſuetudi-
ne, quaſi lege ſcripta, ſibi vedicarunt. Tu
idipſum à me factum ſupra ceteros tibi ven-
dicatſti, quantum infra ceteros, etiam me-
ritiſſimos, de te ſentis, & iudicas. Iſtud ad-
dictiſſimi obſequij teſtimonium, quod op-
tima voluntas nutrit, hilari vultu excipias.
Licet enim in præſens verbis tantum con-
ſtet, in poſterum, ſi cum viribus occaſio de-
tur, res etiam non mediocres, ad maiorem
tui cultum, & obſeruantiam emittere non
recuſabit. Bononiæ.

EPI-

EPISTOLA LXX. Romam.

ALEXANDRO SCAPIO
*Campania, & Satriani Episco-
po creato.*

Cum Vni soleant, ex Manutij sententia,
quæ minus expectantur, accidere le-
tiora, nescio, quo pacto latissima acciderit
tua ad Episcopatum accersio mihi vehe-
menter expectanti. Illud fortasse fuit in-
causa, quòd fidem ex meritorum tuorum
auditum apud omnes conceptam, euentus
non dubiè comprobavit. Tibi igitur ma-
ximè gratulor, quod Campaniæ, ac Satria-
ni Episcopus nominatus campum obti-
neris, ubi virtutes tuæ te virum, & do-
ctrina, & rerum vni præstantissimum sub-
limiùs extollere certatim contendant.
Bononiæ.



EPISTOLA LXXI.

BERNARDINO BEN SIGNATO
Doctori Theologo Bonon. Collegiato.

Ecclesiæ Reſtoratum meritis meis ne
 dicas retributum, ſed Bononienſium,
 quorum iuris patronatus eſt, liberalitate mi-
 hi donatum. Ij, vt iſtam virtutem largiùs
 extenderent, ex multis illum ambientibus,
 mihi minùs ambienti, minùs merenti de-
 rulerunt. Ego quauis de re potius, quàm
 de curæ animarum ſuſceptione cogitauì,
 veritus, vt multarum oneri ſuppeteret, quæ
 nec dumtaxat pòdus grauiffimè premeret.
 Quia tamen iniquum fuiſſet vocationi re-
 clamare, vince parti, ad quam accitus ſum,
 culturam pro viribus, fidèlem præſtabo; ea-
 ſpe fretus, fore vt qui talem voluntatem
 gratis ingeſſit, facultatem etiam æquabi-
 lem præſtet. Interea gratulationem, quam
 mihi humaniffimè exhibuiſti, pergratam
 accidiffe, meque contrà, omnia tibi felicif-
 ſima precari certo ſcias, & valeas. Bonon.

EPI-

EPISTOLA LXXII.

VINCENTIO MONTECALVO

in Bonon. Archigymn. Philosoph.

Professori Ordinaria.

Canonatus curati honor, quo nuperrimè sum affectus, eo gratior contigit, quod mihi aditum ad amicitiam tuam reserauit. Hanc tuarum virtutum fama, incensus, diù vehementissimè optavi, nunc tandem aliquando adeptam pluris aestimo. Etenim, quæ magna sunt, magnum laborem æquali temporis spatio coniunctum ad suam adeptionem requirunt. Equitas certè hoc requirit, ut, quem liberaliter amicum excepisti, eiusdem opera, quibuscumque rebus opus fuerit, liberè utaris. Illud facies, non despero, si scias, me nihil gravius dolere, quam in amicorum negotijs, eorundem modestiæ culpa, otiarum. Quare huiusmodi otium mihi quàm maximè infensum (ut occasio aderit) abducas: quo in ita inter nos amicitia resseram perpetuo

petuò comprobatā intelligas. Vale. Bonon.

EPISTOLA LXXIII. Romam.

IULIO MONTERENTIO

Fauentia Episc. creato.

COgitanti mihi hoc tempore ad te scribere, non satis constabat; vtrum tibi, an potius Fauentinis ciuibus gratularer, quod summa Summi Pont. prudentia te illis Episcopum praeceisset. Verum, si dignitatem respiciam, gratulationis officium tibi debeo; onus enim es subiturus Angelicis humeris non indignū. Sin vtilitate spectro, Fauentinis persoluo, qui virum in suarum animarum custodiam, tāquam ex veterum annalium memoria delapsū experimento iudicabunt. Attamen vtriusq. gratulor. Tibi, qui in isto Praesulatu purpurato Principi succedis, in purpura etiam maturè successurus: illis, qui Pastorem accepturi sunt virum Urbis regimie (vt cetera munia omit tam) per multos annos laudatissime perfunctum. Bononiæ.

EPI-

EPISTOLA LXXIV. Romain.

LVDOVICO LVDOVISO

*S. D. N. viriusque Signat. Referendario
Abbati, & Aedis Maioris Bonon.*

Archipresbytero.

Illustrissimi Cardinalis patruī tuicun-
ctis spectatę erga me benignitati ingra-
tus apparebo, nisi apud te quoque clien-
telam meam fatear, & profitear. Sed, cū
plurimum debeat patronis, qui ingeni-
tę liberalitatis ductu, amorem, ac studium
suum clientibus se debere arbitrantur, ego
verò nihil habeam, quod meritorum tuo-
rum æquet magnitudinem, humillima vo-
luntatis propensione in hisce litteris cultu,
atque observantia refertis tibi offero, &
fisto. Pro huiusmodi rei indicio non ob-
secrō, iam proximos Dominica Natiuita-
tis dies cuiuslibet optatę felicitatis com-
potes tibi desidero, & precor. Tu istud
officiū, nihil cerpe simulatum libens exci-
pias, quod licet nudę voluntatis imagi-
nem

nem gerat; hæc tamen non semper rebus
vacua apparebit: & si vitium defectu appa-
reat, meritas quidem laudes non amiserit.
Velle enim à nobis est, posse autem afato.
Bononiæ.

EPISTOLA LXXV. Romam.

PHILIPPO DE S. PETRO.

DE parochiali Ecclesia mihi à Ciuibus
tuis adiuncta te gratulari audio, nec
miror; cum nihil vnquam impensiori cura
tibi fuerit, quam vt felix honoris, cominor-
diq; mei progressus nullo rei aduersantis
repagulo intercluderetur. Quid, obsecro,
huiusmodi voluntati reponendam? Gra-
tiarum actio non fatis est; cum tuæ in me
voluntatis propensio cò pertingat, vt velo-
cissimam, aptissimamq; verborum congè-
riem post se longissimè relinquat. Tan-
tumdem optimi animi reponatur? Id cer-
tè fuerit. Tu iterum mea erga te obseruan-
tiæ amorem reponet, vtquè largius repo-
nas, vale. Bononiæ.

EPI-

EPISTOLA LXXVI.

NEAPOLIONI MALVASIAE
Comiti.

Liceat mihi cum Persiano exordio Epistolam exordiri.

O curas hominum! o quantum est in rebus inane!

Dum verebar, ne litteræ ab Actio ad Carneualium, qui in Germaniam magnis itineribus properabat, in via perirent, istum in fluvio, dum naui véheretur, cum famulis perijsse intellexi. Tum ferè extra intellectum exclamo. O execrandam aquarum voracitatem, quæ, quicquid spei patria de sua laude, ac dignitate nutriebat, vnà cum Carneualio auidissimè vorasti! Iste nuncius si aures tuas iam pridem verberavit, tu pestus tibi verbera: viri optimis artibus instructi casum miserabilem deplora. Sin à me primo audis, ob id magis deplora: quòd longè post alios pium lacrymarum officium amico persolvas. Ne-

O que

que audias, qui mortuos lugendos negant,
quoniam rem actam agimus. Hac enim
potissimum de causa lugendi videtur, quo-
niam res acta est. Vale. Bononiæ.

EPISTOLA LXXVII. Taurinum.

ALEXANDRO FRATRI
*Illustrissimi Apost. Sedis apud Sereniss.
Allobrogum Ducem Nuncij
à secretis.*

Qui propriæ salutis, fortunæque polli-
citis nimium fidit, Carneualij ciuis
nostri fortunæ exitum respiciat.
Huic, quod Apostolicæ Sedis apud Ger-
manos Nuncio, Regique Romanorum
Ferdinando, ob nobilitatem, prudentiam
carissimus foret, opes atque dignitates ob-
iecit. Sed cognito, se potius, quod debue-
rat, persolvere, quàm quidquam liberali-
tatis impulsu donare, verita, ne sui fama
præstantissimi viri meritis opprimeretur,
hunc infidissima oppressit. Re namque de
Impe-


Imperatoris electione cum Summo Pontif. pro Ferdinando felicissimè transacta, Græcium Styriorum rediens, vt Mercurij velocitatem non minus, quàm eloquentiam æmuletur, alas pedibus adnectit: fluuiarium aquarum impetu, vnà cum famulis obruitur: nullius auxiliij (heu futa!) compos mergitur. Carneualium igitur lugeamus, non vt ciuem optimum, quasi amisum deploremus; is namque fluctuosa vndarum agitatione in vadum salutis appulit, vbi nullam post hac sæui Aquilonis tempestatem pertimescet: sed vt infelicè communis patrię fortè lacrymemur, cuius spes, dum magis florescere videntur, aduersantis fortunæ ventis arescunt. Dum verò de re acta lacrymamur, ne lacrymæ omnino inutiles sint, per illarum aquas illuc nauigium compellamus, vbi nihil à fortuna, & salute hominum expectemus. Vale. I Bononiæ.



EPISTOLA LXXVIII. Cæfas.

PROSPERO PRAESSIO.

SI in ijs rebus, quæ penes me sunt, diem mihi præscripseris, non frustabor desiderium tuum. Sin contrà in ijs, quæ ab aliorum voluntate pendent; illud scias velim, me hic primariorum ciuium beneuolentiam nō adeò promeritum, vt istam amicis exploratè debeam polliceri. Omnino, vt tui voti compos fias, omnem lapidem mouebo. Sed qui rogandus est, ruri, vrbanus æstus iniuria detinetur. Statim vt redierit, à precibus non abstinebo, gratiamque non minùs impetranti, quàm accipienti (quæ tamen vtrumque perpetuò deuincat) gratam fore, clarissimè aperiam. Vale. Bononiæ.



EPISTOLA LXXIX. Durantem.

DURANTI MINIO I. C.

Etsi non præter spem accidit, ut virtus tua Illustrissimo Bonon. Senatui foret perspicienda; tamen non parum lator, plus tibi tua merita, quam alijs aliorum gratiam contulisse: cum ex triginta competitoribus, tu primus inter quinque nullam repulsam sustinuisses. Quare dignitatem tuam non modò servasti, sed etiam sublimè adèò extulisti, ut ex Bonon. Auditorum Rota fulgentiorem in dies splendorem acceptura, invidentium in acie, oculorum aciem perstrinxerit. Bononiæ.

EPISTOLA LXXX.

HERCVLI BENTIVOLO

Comiti.

Tum in humanioribus litteris studium semper laudaui, nunc verò

maximè. Adeò enim te insudare intelligo, ut apertissimè demonstrès, non solum delectationis, verum etiam utilitatis causa il-
luc animum appulisse. Equidem tibi gratulor, quoniam virtuti iam proximum video. Cùm enim alij sudoris, qui ante virtutem est, timore deterriti, ab ipsa virtute repellantur; tu, qui sudorem forti animo attigisti, virtutem quasi attigisse iudicaris. Maecte, adolescens nobilissime. Sudor laborem diluet, ut inter opes, ac delicias nutritus, socordiae causas (quod in plerisque accidit) prætexas. Maecte, inquam Satyricum illud in te non retorquebit animus conscius:

—— — *sonat vitium percussa; malignè
Respondet viridi non cocta fidelia limo.*
Vale. Ex Villa.



EPISTOLA LXXXI. Viennam,

MATTHAEO ROSSIO

*Illustrissimi pro Serenissimo Magno Duce
Etruriae apud Imperatorem Ferdi-
nandum Legati à secretis.*

Multi multa, & ea quidem summa, de te summo viro cum omnium fide loquuntur, & prædicant. Suprà omnes Hieronymus Prætus mei studiosissimus; qui licet proprij genij ductu poeticam exerceat; in tuis tamen laudibus historicam profitetur. Is meo tecum amicitiam contrahendi desiderio cognito, ut ad eam per litteras mihi aditum aperissem, sæpe sua for fuit, nouissimè tuam humanitatem clariore sermone testificatus suasit. Ecquis, obsecro, huiusmodi internuncio, modestiæ nuncium non remittat? Ecquis, dico, in amicitiam tuam intrandi cupidus, tali duce, audaciam sibi comitem non adiungat? Nihil prorsus timendum ea in re, quæ nobis honorem, ac dignitatem sit allatura.

Quo circa tantum abest, vt timeam, quòd
 potiùs audacter faciam, qui virum pluri-
 mis, maximisq[ue] negotijs, præsertim in
 istis Imperij turbis, occupatum scriptione
 mea occupare non dubitem. Tu effice, vt
 inter amicos tuos infimum saltem subse-
 lium occupem. Illud certè non respuam:
 quia vbi gradu ero nouissimus, optati ser-
 uitij ordine fiam primus. Vale. Bononiæ.

EPISTOLA LXXXII.

Mantuan.

*ALEXANDRO SENESIO**Comiti.*

Quod tua modestia apud nos silentio
 clausit, fama rerum omnium propa-
 latrix referauit. Te nempe à Se-
 renissimo Mantuanorum Duce Comitem,
 cum ingenti Curia applausu, declaratum.
 Istum honorem profectò non vulgarem
 nemo hic non lætis auribus excepit; & eo
 magis, quòd eum non cæca fortunæ libe-
 ralitas tibi donauit, sed oculatum Principis
 iudicium tuis optimis artibus retribuit.

In

In istis litteris animum meum, quicquid
lætitiæ accepit, nunc promere gestiensem
agnoscas: & quoniam meritorum tuorum
magnitudo eò usque in dies crescit, ut, qui
auctoritate, & sapientia ceteris præstant,
apud se plurimi esse rebus magis, quam ver
bis fateantur, meum quoque in te cultum
crescere tibi persuadeas, diuque gratissimo
Principi gratiosissimus viuas. Bononiæ.

EPISTOLA LXXXIII.

DOMINICO MARIAE LAMÆ.

Vtrum rectè iudices, qui iudicium
meum tanti facis, quantum ego non
optare, ne dum mereri scio, non satis au
sim affirmare. Si dicam rectè, ipse me cum
dedecore videar laudare: sin secus, te non
parum offendere. Quapropter, ut absit tui
offensio, mei que laudatio, hoc ceteris iu
dicandum relinquo, tibi que interim, quod
de me tam sublimè sentias, maximas gra
tias ago. Vale. Bononiæ.

EPI-

EPISTOLA LXXXIV.

SEBASTIANO SANCTOLO

I. C.

QUamquam superioribus litteris amicitiae leges haud coarctandas, dixerim; tamen non adeò extendendas significavi, ut quæ amici sunt, sine graui culpa asperneris.

Est modus in rebus; sunt certi denique fines;

Quos ultra, citraquè nequit consistere rectum.

Quorsum hæc? Lucius cum Bonifacio me amantissimis litteris adeò decertat appellare, ut ætate inferior, animo superiorem, præferre contendat. Fit pugna in Cæsario tibi amicissimo: fit à tuis alumnis, quos ictu oculi cohiberes; & tamen rem ipsam cum meo periculo somniculosus negligis. Ne ad ultionem promptus appaream, te lingua factiosum, opera incertum non appello. Illud rogo, ut Stratiplocem

Plau-

Plautinum perconteris, quisnam verè amicus sit. Responsum accipies.

Nihil agit, qui diffidentem verbis solatur suis;

Is est amicus, qui in re dubia opera iuvat, ubi re est opus.

Adolescentes igitur, aut à me à amore deficiant, aut reconcilientur. Nolo, ut me à amor fraterno odio fomentum exhibeat. Tu præceptoris in illos, in me amici munus executurus, inter se diffidentes reconcilia. Qui magis suprà merita me amat, ut non nihil remittat, impera. Sic ille se fratre maiorem diffitebitur, ego beneficiorum sarcina minùs grauabor. Vale. Bononiæ.

EPISTOLA LXXXV. Bononiam.

P A V L O M A C C I O

*Humanioris litteraturæ
Professori.*

Mihi fœcundissimos ingenij tui partus laudanti, amplissimam mercedem propositam sentio, nempe ut sapientissim-

tissimis viris, qui eosdem maximè probant, dicar assentire. Laudes igitur, quas meritis tuis deferò, ne reijcias; vt istud quicquid præmij est, mihi ne auferas. Laudo, non vt tua virtus laudata crescat (hęc enim summum fastigium attigit) verum, vt quæ eiusdem apud alios imitatrix est, cùm tuam laudari intelliget, incrementum accipiat. Istud si contingat, conditio mea eadem fuerit, ac pictoris ingeniosissimi; cuius imagines non mediocri artificio confictæ, cùm ceteris exemplar exhibeant, post proprij pennicilli meritum, non exiguam laudem à singulis suì imitatoribus assequuntur. Vale. Ex Villa Casalechij.

EPISTOLA LXXXVI.

PAULO LAZARIO
in Bonon. Archigymn. Philosophiæ
Professori Ordinario.

QUod mea causa etiam irrogatus fecisti, illud effecit, vt amicitiaæ tuę opportunitatem experirer. Quamobrem

brem à veritate non absim, si negem, me
studium, & operam tuam non satis posse
amare, non satis posse laudare, licet nihil
magis amem, nihil magis laudem. Quàm
meritò qui te norunt, Lazari humanissime,
sapientem appellant! Tantum enim sapis,
quantum amicos impellat, vt angustijs cir-
cumuenti à te facillimè subleuari sentiant.
Illud ego, infra ceteros apud te meritis,
suprà ceteros, in re maximi pōderis, sentio.
Quicquid tibi debeo, alacris fateor, nec lo-
quor. Quis enim vel foecundissimus sermo
tanto par sit beneficio? Hinc, nisi illius
compensationem, quam vires nō assequun-
tur; animi gratitudinem, quæ beneficij
memoriam perpetuò seruet, agnosce, &
vale. Bononiæ.

EPISTOLA LXXXVII. Fauentiam.

BLASIO CONSTANTIO

I. C.

Fortunæ, an meritorum fauore, Fauen-
tinorum Gubernatoris Auditorem.

te,

te, Constanti humanissime, accitum dicam, nescio. Si meritorum dixero, animum tuum fortasse lædam, à laudibus etiam meritis alienum. Si fortunæ, vix vnus credat, Deam vbiqûe inconstantem Cōstantio præter morem adfuisse. Patere, vt meritorum potius dicam: quoniam ita est, & omnes credent. Cùm enim multos coæuos tuos sapientia antecellas, quid mirum, si fortunæ vires antecellis?

Sapiens fingit fortunam sibi.

Tuæ igitur sapientiæ gratulor, quæ tibi non mediocres contra fortunæ impetum honores afferat, summos etiam, cum summa tuâ laude, progressu temporis, allaturæ. Vale. Bononiæ.



EPISTOLA LXXXVIII.

HIERONYMO ONVPHRIO

*Ord. S. Maria Gratiarum in Bonon. Archi-
gymnasio Theol. Professori Collegiato,
& pro Reuerendiss. Inquisitore
librorum Censori.*

E Pistolarum mearum Centurias, quæ in medium proditurae sunt, acuto admodum R. P. Homoboni Illustrissimi, ac Reuerendissimi Cardinalis, & Archiepiscopi Censoris iudicio submissi; non quod in illis aliquid Religioni, aut optimis moribus repugnet, sed vt Ecclesiae præceptis subiaceam, illis semper obtemperandi cupidus, & paratus. Easdem ad te mitto, rogans, non vt approbes (enimvero spe nitor à probatissimo viro non reprobandas, quæ oculatam Homoboni censuram sustinuerunt) verum, vt quàm celerrimè per tuas occupationes licebit perlegas. Indulge festinationi. Hæc non à me, sed ab amicis, qui labores meos publica luce illustra-

tos accipere desiderant, & præsertim à Hieronymo Tamburino bibliopola, qui ære proprio Typis comittendos suscepit. Libens ad te scribo, ne quam occasione in amicitiam tuam intrandi diutissimè optavi, nunc oblatam videar omisisse. Quod amicitiam dixi, veriùs patrociniū appellassem apud virum, quem sacrarum litterarum in Bononien. Archigymnasio professorem nemo non plurimi facit, nemo non eximiè colit. Sed noui modestiam tuam illud nominis respicientem. A modestia non aberit liberalitas, quæ me humaniter excipiat. Tu humanarum, diuinarumque rerum peritissimus illud ne ignores, me nihil impensius, quàm à te mādatorum frequentiam optare. Bononiæ.

EPISTOLA LXXXIX.

I O A N N I C A P P O N I O

Philosopho, & Medico.

Cuius meus optimis litteris egregiè instructus, nouissimè ad me scripsit, non-

nonnullas Academicas sermocinationes tuas legisse ad politicam adeò accommodatas, ut sibi cum Tacito tacite loqui videretur. In ijs multa laudauit, ut à summo ingenio, summoque iudicio. Singulas laudes breuitatis studiosus non recensco. Satis fuerit, si dixerò, te Hippocratis Politici nomen affecutum. Ut Hippocratem audio, sermocinationes à te esse intelligo, non ignarus, diebus prateritis, in lucem prodijisse libellum, opera, & labore tuo, ex Hippocratis Aphorismorum adytis metaphoricè erutum. Lætor, opusculum patriæ meæ oras non indignatum; sed magis lætor, ciues meos laudes tibi debitas nullatenus subterfugere. Qui te Hippocratem politicum nominat, multum sapit. Ut enim Hippocrates prauis corporis affectionibus, sic tu morbis animi, qui altissimè latent, referatis, opportunam admoues medicinam. Quid si Urbium, rerumque publicarum conservatorem nuncupasset? Nihil supra merita dixisset. Tuis namque prudentissimis scriptis Principum, & aliorum, qui præ sunt, animos ad rectam gubernandi regulam

P lam

lam informas. Hæc dicta sint, non ad tuam laudem (cùm satis laudatum cēseam, quem propriæ paginæ cunctis probatæ magnopere commendant) sed ut cetera, quæ ad hanc materiam scripsisti, in publicam politicorum vtilitatem, & amicorum lætitiâ proferas. Bononiæ.

EPISTOLA LXXXIX.

LVDOVICO VRSIO

Comiti,

O Rationem de Magnitudine animi in celeberrima Gelatorum Academia à te publicè habitam ij laudent, quorum in dicendo facundia laudatur. Mihi hoc vnum liceat, eam humili silentio venerari. Equis verò non laudet, si Academici omnes, ceteri ex litteratorum Senatu, purpurati Patres, qui auribus, animisque adfuerunt, ab illius laude non desistunt? Imò ea de causa laudando me imparem agnosco: vnus enim pedanei linguam indignata respiceret, quam tot sublimium virorum sermo ex-

expetiuit. Tibi potius gratulor, quod togatos doctrina, & eloquentia antecellas. Quò circa non tenerè Ferdinandus Mantuanorum Dux Sereniss. te olim in Alexandri Senesij Comitatu successorem nominauit. Vidit, vt potè oculatissimus, Principem eò impensius suæ laudi fauere, quo impensius virtuti fauet. Hæc scribo, vt me gaudere ostendam, tot, tantasque laudes ingenio, ac iudicio tuo contigisse, quas nulla vnquam obliuio sit deletura. Bononiæ.

EPISTOLA LXXXI.

THOMAE DEMPSTERO I. C.

Humaniorum litterarum in Bonon.

Archigymnasio Professori

Primario.

Longissimè quidem errant, qui virtutem nostrorum temporum iniuria nudam iacere cōqueruntur. Quæ vera virtus est, neque habet pro re nitorem, & gloriam pro copia, tantum abest, vt iaceat, aut indigeat, quòd sublimis, omnium oculis

conspicua exultat . Exemplum qui non
 longè expetit , te expetat , præstantissime
 Dempstere . Virtus enim tua non fucō , aut
 fallacijs illita , nunquam iacuisse prædica-
 bitur , cū ab Illustrissimo Bonon. Senatu
 ad primariam pulcriorum litterarum ca-
 thedram elata sit . Quapropter Senatui , ti-
 bique gratulor ; mihi non parum gaudeo .
 Illi , vt potè cuius qualitate magis , quàm
 numero augustissimi prudentia in dies cla-
 rior ellucescat , optima præstantissimorum
 virorum , qui in celeberrimo Archigymna-
 sio suo disciplinas profiteantur , electione .
 Tibi cathedram affecuto , vbi sedens , quæ-
 nam ex musis apud te per litterarum sta-
 dium cursuram feliciorē exerceat , iudi-
 bis . Mihi , quem de rebus litterarijs col-
 loquio (quæ tua est humanitas) impertire
 non recusabis . Bononiæ .



EPIST. LXXXII. Forosempronium.

CAESARI INGENIERIO

I. C.

NVncius de ventorum impetu tibi per litteras allatus, licet tua fide, verotamen maior non fuit. Mantuæ arbores radicatus euellit, ædes tegulis spoliauit, parietes, turres à culmine euertit; ita vt nisi Virgilius diem suum obijffet, quòd olim de Troia, nūc de patria moestissimus cecinisset:

Neptunus muros, magnoquē emota tridenti

Fundamenta quatit, totamquē à sedibus urbem

Eruit.

Istam ventorum grassationem, licet vario quodam modo; tamen satis, superque sensit ager Bononiensis, qui non exigua messis parte spoliatus, annonam hoc anno carissimam fore declarauit. Tu feliciores de communi patria nuncios rescribe, & vale. Bononiæ.

EPISTOLA LXXXIII.

IOANNI MAGIO

*Illustriss. Bononien. Senat.**à secretis.*

Multas occasiones tibi oblatas noui, quæ prudentiam, ac fortitudinem tuam, adytis animi occlusam referarunt. At unde oblatas? Ab eo, qui, sicut liberalissimus bona omnia omnibus obijcit; sic te non minùs virtutum ciuiliũ, ac moralium ornamento, quàm rerum doctrina insignem ostendit. Inter omnes, nulla apertior, & clarior, quàm à Coniugis tuæ lectissimæ feminae obitu. Hæc decem filios reliquit, qui in acerbissimo luctu à te parente amantissimo non frustra solatium expetunt. Matrem amissam lugentes, audiunt, mortem non esse malum, sed bonum summo bono proximum, maximeque necessarium, cuius beneficio Conditori nostro iungimur. Ex ista necessitate æterno matris discessui morigerandum, leuẽque pro-

proprijs ingenijs reddendum. Animum nostrum in rerum humanarum dimensione à sensu, qui sæpe imperat, altero oculo captum, longissimè aberrare. Hinc sapere incipiunt: dolorem leniunt: lacrymas abstergunt. Igitur amissam vxorem cur doleam apud eum, qui ea de re vel filijs dolorem interdicat? Sapientiam tuam potius obseruem, cuius recto consilio nihil mali tibi accidere posse intelligis. Perge in isto sensu, vbi non ignoras,

— *iustum gemina suspendere lance
Ancipitis libra: rectum discernis, vbi
inter*

*Curua subit, vel cum fallit pede regula
varo.*

Vale. Bononiæ.

EPIST. LXXXIV. Forosempronium.

GV LIELMO INGENIERIO.

Illud amorì à Natura insitum videtur, vt nobis in amicorum animi dotes mentis aciem vel acutissimam intendentibus,

facillimè retundat, quòminus, si quid facis lateat, perscrutemur. Id ipsum, ne tibi, Ingenieri, licet non vulgaris ingenij, ac iudicij viro acciderit timeo, cum ex multis me vnum elegeris, qui magno Italiae Principi in Euclidis libros à Commandino latinè donatos, tua opera, in lucem emittendos, epistolam dedicatorem scriberem.

Attamen, quid amici vires ferant, tuum; quid ipse debeam, meum fuit videre. Hoc ipse lippis etiam oculis vidissem, quia non exiguum. Tu illud fortasse non vidisti, quia minimum profectò est. Verum, ne ista, laboris tergiuersandi consilio, me causari credas, epistolae exemplum ad te mitto, ea lege, ut amicorum, quos nusquam tibi deesse noui, defacato iudicio submittas, neque tantum Auctori tribuas, ut illius scripta prudentium virorum criticam non admittant. Fidum testor, malle me acri aliorum censura sapere, quam proprii iudicij illecebris desipere. Si verò tibi, cui omnia debeo, amicis tuis, quibus omnia volo, satisfaciam, adeò ut in lucem edendam censeatis, Typographum Venetum admonere,

ut

vt primam exemplaris impressionem ad me
castigandam mittat, ne præli errata (si quæ
fuerint) in Auctorem immeritò deriuetur.
Vale. Bononiæ.

EPISTOLA LXXXV.

ILLVSTRISS. ET REVERENDISSIMO
D. Carolo Mediceo S. R. E. Cardinali,
& Principi Amplissimo.

S Erenissima Mediceorum Familia sum-
mis Principum, & Regum prosapijs
inserta, plurimis imaginibus, at multò
magis florentissimo, per tot annorum spa-
tium, Etruriæ imperio, Europæ, quin
Orbi vniuerso conspicua, non vna, sub fe-
licissimis Cosmi Primi, & Ferdinandi au-
spicijs, protectione maritima, Othoma-
norum genti quàm maximè formidabilis,
totius Reipublicæ Christianæ animos adeò
affecit, vt nemo hanc ipsam inter mortales,
immortalitatis affinem non desideret, ma-
iorem in dies Religioni splendorem cum
vtilitate coniunctum allaturam. Hincru,

Carole Cardinalis, & Princeps Augustissime, haud inauspicatò emanasti; omnium cum ciuiliū, tum moralium virtutum genere insignitus, quibus longè supra ostrum purpurascens, Cardinalitiæ amplitudini tantum splendoris attulisti, vt spes illicò affulserit, Clementis VII. Leonum X. ac XI. Pij IV. quos vna, eademque ætas Summos Pontifices habuit, dignitatem omnium maximam in tua, quæ maxima est, progenie reuocandi, & quod maius videri possit, ea cum fama, vt vnius Orbis onus, quod aliorum humeris grauissimum esse consuevit, tuis non impar sentias, cum sex Orbes clarissimos in stemmate gentilitio sustineas. Quin Roma ipsa, vbi virorum dignitatibus fulgentium facta, dictaq. diligentissimè trutinantur, simulatque inter purpuratos Patres Orbis terrarum iudices te sedentem vidit, de rebus grauissimis publicè, ac priuatim coram Paulo V. Pont. Max. differentem audiuit, prudentiam ætatis præiudiciū vehementem admirata, non satis habuit Cardinalem natum potius, quàm creatum, maturè Pontificem
 {crean-

creandum prædicare, quòd ingenij acumen longitè intendens, interius quiddam, & excellentius ex senario numero perscrutata est; ex te, inquam, sextum Pontificem proditurum, quòd sex orbes, quasi cælestes globi Mediceis antiquitus dati, illud influant, fore, vt sex orbis domini non longo admodum temporis interuallo, è Serenissima eorundem stirpe oriantur. Nec sanè omnibus partibus absolutum Naturæ officium aliter decebat, quàm vt Ferdinandus toga, & sago, supra æui sui Principes clarus, claram pariter vtrimque sobolem perpetuæ Italorum gloriæ propagaret. Nonne sago satis claram sobolem Cosmum fratrem tuum hodie in Etruria regnantem cognoscimus? Martiales in eo spiritus adeò vigent, vt, si aliquid præclari facinoris edendi occasio præberetur, nec animum, nec vires sibi defuturas declararet. Rebus verò tranquillis, immatura ætate, matura consilia enutrens, singulorum prædecessorum virtutes, ac merita in se vno, perinde, ac in lucidissimo speculo, non subditorum modò, sed exterorum etiam oculis

obijcit cum summa delectatione contem-
planda. Quid de Laurentio altero fratre
loquar, seu potius quid de illo non loquar,
ignoro. Is generosissima indole à Natura
imbutus, veluti Romanorum exemplo, nūc
Princeps iuventutis, sic adulta ætate rerum
Italicarum arbiter, quasi alter Laurentius
Mediceus, communi omnium consensu,
nominabitur. Franciscum tertium fratrem
non recenseo, ne quicquid vulneris ex illius
immaturo funere accepisti, commemora-
tionis meę culpa recrudescat. Vnde satis
erit in medium attulisse, hunc ad immorta-
lem armorum gloriam ocylsimè properan-
tem à fortuna, quòd invidiam sibi moue-
ret, indignata, actutū illius imperio subij-
cienda interceptum. Iftas de tuis fratri-
bus laudes summo ore libaui, non vt è ful-
gentissimis eorum gloriæ radijs aliquid
splendoris tibi mutuem (cum mihi ora fide-
ra à Phœbo lumen accipiant, non imper-
tiant) sed vt vos singulos Natura, & mori-
bus fratres germanos ostendam. Illud ve-
rò communis encomij vestri summa esse
poterit, quòd vnicam in triplici corpore

volūtatem, rarum hisce temporibus, etiam apud paruos penates, exemplum publicæ parentium vtilitati confouetis. Quamobrem, si antiqua Græcorum religio Hecata, quam triformem in mente vnica credebat, supera, atque infera sacrauit; ecquis mortalium vos, Serenissimi Principes, qui Geryonum vestigia calcatis, eodem cultu iniurius non obseruet? Ecquidem non nunc primum aliquod istiusmodi honoris indicium celsitudini vestræ præbendi desiderio afficior; sed vultu in conditionem meam, quæ infima est, non semel defixus; tantorum Principum, quibus alios equiparabiles Italia nunquam aspexit, tricipiti maiestate videbar deterreri. Hinc te vnum, Carole Princeps omnium humanissime, deligendum putavi, cui supera cum inferis, perpetuæ obseruantia meæ testimonium exhiberem. Non tamen Serenissimos fratres debito cultu fraudasse iudicabor; cum, præter Cardinalitiam dignitatem, quæ consortes non admittit, omnia cum eisdem tibi communia esse fatearis. Supera, Euclidis libros appellare non dubito, quo-

quoniam Auctor supera in ijs pertractat, & omnes, quot quot Mathematicam adhuc professi sunt, longissimè superat. Eosdem Infera etiam nomino, quoniam græco idiomate conscripti, inferis ignorantiae tenebris, apud plerosque, obsessi iacuissent, nisi Cominandinus optimis artibus egregiè instructus latialis linguæ splendore, nonnullis commentatiunculis additis illustrasset. sed isti non tam mox in lucem prodierunt, quàm mox Mathematices studiosorum manibus oppressi, prioribus tenebris, non sine magno Reipubl. litterariæ damno, restituti sunt. Igitur, vt communi omnium utilitati consulam, iterum in lucem edendos curavi: quam profectò clariorem aspicient, nisi tu, Clarissime Carole, duplici dignitate, altera naturæ, meritorum altera beneficio præfulgens, obstetricis officium indigneris. At (quæ tua est animi celsitudo) irrogatus etiam dignaberis. *Nam, cui nihil (vt Plinius in Traiani Panegyrico) ad augendum fastigium superest, hoc uno modo crescere potest, si se ipse submittat securus magnitudinis suæ: neque enim ab ullo peri-*

periculo fortuna Principum longius abest, quàm ab humilitate. Si istud, repeto, quicquid est, muneris, læto vultu subicris, me non parum laudis, ac famæ assecuturum confido; cùm omnes, qui sapiunt, sentiunt, affirmabunt, Gulielmum Ingenierium non mediocre ingenij acumen ostendisse, qui summorum virorum Euclidis nempe, & Commandini partus summo Principi, inter purpuram, & aurum excipiendos obtulerit. Sacrosancti Purpuratorum Collegij decus, & ornamentum diù felix viue, & me (quod enixè oro) tuere.

EPISTOLA LXXXVI. Maceratam.

IOANNI BAPTISTAE GALLO

in Maceratensi Gymnasio Iuris prudentia Professori.

I Stud, quicquid fuit itineris, non minùs feliciter, quàm ego ominatus sum, tibi contigisse, à multis audiui, & maximè gaudeo. Doleo autem, litteras tuas à te arctè adeò haberi, vt ne vnum quidem ad me, ver-

verbum. Apage istos amicos, qui cum absunt, elingues fiunt; & præsertim apud eos, qui illorum sermonem iucundissimis quibuscumque rebus anteponunt. Si me amas (vt amare non semel coram affirmasti) litteras mittere ne respuas; & eas potissimum, quæ de filio tuo optimæ expectationis puero aliquid significant. Is, quem admodum in tenera ætate parentis ingenij acumen videtur præferre; sic non dubiam spem affert, fore vt temporis beneficio insignem illius doctrinam æmuletur. De Picentinorum quoque moribus ne sis leas. Istos si nec etiam de facie notus liberales enouisti, nunc præsens munificentissimos experieris, confido, & ominor. Vale. Bononiæ.

EPISTOLA LXXXVII. Imolam.

BERNARDINO SALERIO

I. C.

O Lubricum humanæ vitæ statum! Philippo communi patrono ad præsentem

tem felicitatem nihil deesse videbatur, præter uxorem. Hac illi obtigit corporis, fortunæ, animi bonis, supra ceteras Bononienses virgines, egregiè ornata. Altero post nuptias, vnanimi ciuium lætitia agitata, mense, inter villæ deliciarum copiam affluentem concipit. In urbem regressa, in febrim incidit, cum ea luctatur, victa in lectum deijcitur. In summo capitis discrimine filium parit immaturum. Hunc tamen Baptismi compotem videt, & à morbo non parum conualescere videtur. Conualescit quidem non sæculo, sed Cœlo, cui matura diem suum implet, maritum, genitricem, fratres, ciuitatem vniuersam mœrore non vulgari complet. Si eiusmodi, præter opinionem, calum animo quis contempletur, is certè non dispiciet, quid humanis de rebus sperandum, quid timendum. Istæ per viam à mortalium intelligentia remotissimam incedunt; adeò vt spes timorem, timor non rarò cōfidentiam gignat. O felices, ac beatos, quorum animus ubiquè constans rebus secundis non extolli, aduersis deprimi non finit! Nos ab
istiis:

stius primariæ adolescentulæ obitu, multo magis omnium opinione immaturo, non tamen si animi salus spectetur, intempestiuo discamus in spe timere, in metu sperare: vt nouissimo itineri, breui quidem, sed tamen difficili semper parati, cùm dies nobis dicta erit, affnibus, amicis, rebus nostris latum vale dicamus. Tu vale, & me ama. Bononiæ.

EPISTOLA LXXXVIII.

*ÆNEÆ MAGNANO**Bonon. Senatori.*

Illud mihi à superis comparatum sentio, vt patronis omnibus vbique inutilis videar, præterquàm in eorum munificentia meis necessitatibus referenda. Hanc enim virtutem omniũ certè laudatissimam in omnium conspectu eo magis exercendi occasionem habent, quo magis me clientem suum nihil certè meritum libentes amplexantur. Inde conditionis meæ humilitas, illorum magnitudo animi constat. Humili-

militas tamen, cui non mediocris fortunæ homines invident: magnitudo animi, quam omnes summis viris dignam existimant.

Igitur conditio mea, licet demissa, præsertim quòd litium turbis agitur, non omninò infelix. Quinimò hac vna re tantum felix, quòd à multis Bononiensibus patricijs, à te verò nō minùs virtutum omnium, quàm Senatoriæ dignitatis splendore Illustrissimo, eximia benignitate subleuatur. Si linguam gratias tibi agere gestientem, auctoritate tua mihi comprimis, animum, qui easdem habere affectat, ne comprimas: & si vtrunque liberalissimus interdiciis, interdictum vt prædicem, patiaris. Bonon.

ÉPISTOLA. LXXXIX.

SEBASTIANO BONOMIO
Typographo.

EN tibi, optime Bonomi, epistola ad Illustrissimum Abbatem Boncompagnum in Fraxinelli de Sacerdotum obligationibus librum dedicatoria. Licebat profecto

fectò per rei magnitudinem, & festiuam occupationum copiam huiusmodi laborem subterfugere: sed libuit sanctissimis amicitiae legibus satisfacere. Malui, inquam, exiguas ingenij mei vires periclitari, quàm inofficiosi hominis notam subire. Istam, qualis qualis est, ad te mitto, vt, cùm voveris, prælo committas. Si quid aliud tibi opus erit, operam meam vbiquè paratam ne ignores. Illud enim vetus amicitia nostra videtur postulare, vt officiorum vicissitudine cerтемus, neque alter ab altero vinci patiamur. Ego certè non patiar, qui te in mutua benevolentia æqualem non patior. Vale. Bononiæ.

EPISTOLA C.

ILLVSTRISS. ET REVERENDISSIMO

D. Francisco Boncompagno S. D. N.

utriusq. Signat. Referendario,

& Abbati meritissimo.


VTinam, Illustrissime Domine, qui Apollinis oraculo sapientissimus est. iudi-

iudicatus, singulis hominum pectoribus
speculam, vnde introspicerentur animi,
frustra non desiderasset! Mea namque in
te obseruantia, & cultus certè non vulgaris
tibi, ceterisque non vulgariter conspicuus
nulla exteriora indicia postularet. Verùm,
quia oratio cordis nuncia non minùs verè
appellatur, quàm sit, vt quod animo altis-
simè conditur, aperiàm, te patronum, te
Meccœnatem appello. Patronus quidem
es pijsissimus, liberalissimusque Meccœnas,
Romano illo Meccœnate, cuius famam nul-
la vnquam temporis iniuria abrodet, mu-
nificentior, quòd gratia tua cùm iam diù
me fouere cœperis, ab eadem, quamuis ni-
hil adhuc mereri cœperim, non desistis. Si
occasionēs omnes, quibus tua animi celsi-
tudine viro principe digna, conditionis
meæ demissionem subleuasti, in præsentia
recenseam, nimis profectò longus sim, tibi
non parum molestus, qui pro collatis be-
neficijs hanc vnā mercedem, æternum
scilicet accipientis silentium requiris. A te
iussus fileo: sed vereor, ne alijs de me illud
loquantur, quòd in maxima beneficiorum

copia elinguis, ingrati animi vitium satis
facundè patefaciam. Ut vereri celssem, lin-
gua imperio tuo mihi vineta, manus, obse-
cro, ne vincias: illud humaniter feras, vt
præsentem librum, qui non parum auctus,
ex mea Typographia nouissimè prodit, ti-
bi Domino meo tutelari donem. Is de Sa-
cerdotum obligationibus inscriptus te po-
tissimum expetit, qui præter rerum om-
nium scientiam, morum castimonia, irre-
prehensibilem Sacerdotum vitam æmula-
ris adeò, vt nemo in Romana Curia te sum-
mis honoribus dignum non agnoscat, me-
ritorum potius, quàm fortunæ beneficio
Boncompagnæ familiæ claritatem vbique
terrarum fulgentissimam renouaturum,
non acclamet. Auctor est Admod. Reuer.
Pater Paulus Fraxinellus Bonon. Ordinis
Eremitarum D. Augustini, sacræq. Theo-
logiæ in hoc florentissimo Archigymnasio
Professor publicus; qui, cùm istas lucubra-
tiones suas iam biennij spatio, quinque
prælo commissas viderit, immortalitatis
iter, communi omnium consensu, videtur
ingressus. De libro, tu, cuius iudicij gra-
uitas,

uitas, etiam in iuuenta, nihil sibi graue existimat, cum Illustrissimo Cardinale Bel larmino sacrarum litterarum Patre optimo, cui primùm dicatus fuit, qualitatibus potius ratione habita, quàm magnitudinis, non sine ingenti laude iudicabis. De me illud iudica, cùm de meo, nec etiam me ipsum habeam (tui namque iuris sum) quod aliorum est, eo consilio tibi deferre, ut me in tuorum clientum, qui addictissimi sunt, numero confirmes: quod faciliè me impetraturum confido, cùm optimæ cuiuslibet voluntati, licet rebus vacuæ, pro clarissimo ingenitæ benignitatis testimonio, acquiescas. Vale præsidium, & decus meum.


FINIS CENT. II.



B O N O N I Æ,
Typis Hæredum Bartholomæi Cochij.
M DC XXIII.

Superiorum permissu.

Impensis Peregrini Golfarini.



ERRATA SIC CORRIGES

EX CENTVRIA I.

- Ep. 1. lin. 18. cum lege cūm
Ep. ead. lin. 21. Ideo Ideo
Ep. 3. lin. 6. facillime facillimè
Ep. ead. lin. 27. cum cūm
In inscrip. Ep. 4. consciutię consciētīę
Ep. 4. lin. 3. precepi pēcepi
Ep. ead. lin. 11. comcomparasti cōparasti
Ep. 6. lin. 13. eoque libentius eoquē li-
bentius
Ep. 7. lin. 23. rationis ratione
Ep. 9. lin. 5. idque idquē
Ep. ead. lin. 6. precibus te precibus
à te
Ep. 14. lin. 5. penniculo pennicillo
Ep. ead. lin. 7. vestis vestit
Ep. 15. lin. 5. cator carior
Ep. ead. lin. 6. Tui Tui
Ep. ead. lin. 9. De in Dein
Ep.

Ep. ead. lin. 23. iterfacientem	iter faciētē
Ep. 18. lin. 19. nunquam	nunquam
Ep. ead. lin. 20. fruerer	fruerer
Ep. ead. lin. 28. adscribendum	ad scriben- dum
Ep. 19. lin. 2. incolumis	incolumis
Ep. ead. lin. 5. Quò	Quo
Ep. 30. lin. 17. post habeas	posthabeas
Ep. 24. lin. 5. cum	cum
Ep. 26. lin. 20. omnino, & gerre	omninò
& gerræ	
Ep. 28. lin. 17. simulque	simulquē
Ep. 36. lin. 2. Sacto	Sancto
Ep. 37. lin. 2. Adeo	Adeo
Ep. 38. lin. 11. desideras	desideres
Ep. 39. lin. 1. tui	tui
Ep. 40. lin. 20. Symmacus	Symma- chus
Ep. ead. lin. 26. frlicis	felicis
Ep. 42. lin. 19. solatius	solatium
Ep. 44. lin. 13. De hinc	Dehinc
Ep. 45. lin. 13. vt quid	vt quicquid
Ep. 48. lin. 9. adeòque	adeòquē
Ep. 51. lin. 4. gratulitatem	Garulitatē
	Ep.

Ep. 58. lin. 7. Quoties	Quoties
Ep. 67. lin. 5. Ne	Næ
In inscrip. Ep. 68. Mathæo	Mathæo
Ep. 70. lin. 2. Natiuitati	Natiuitatis
Ep. 72. lin. 33. hie rusticantes	hic rusti- cantes
Ep. 73. lin. 18. salutem	salutem
Ep. 78. lin. 20. tui	tui.
Ep. 79. lin. 26. fortunam	fortunam
Ep. 83. lin. 8. patrisque	patrisque
Ep. 87. lin. 37. Quò	Quo
Ep. ead. lin. 52. Quò	Quo
Ep. 90. lin. 4. quod	quod
Ep. 97. lin. 14. cum	cum
Ep. 99. lin. 2. quam	quam
Ep. 100. lin. 22. cum	cum
Ep. ead. lin. 36. latèque	latèque

E X C E N T R I A I I

Ep. 2. lin. 22. tui	lege	tui
Ep. 4. lin. 13. Quò		Quò
In Inscript. Ep. 6. Guhernatori		Guberna- tori

Ep.

Ep. 10. lin. 26. cūm	cūm
Ep. 17. lin. 28. iu	in
Ep. 18. lin. 3. nihil audis	mihi laudis
Ep. 24. lin. 19. fui	fui
Ep. 25. lin. 7. Quam	Quam
Ep. 27. lin. 10. cum	cūm
Ep. 38. lin. 10. sed	sed
Ep. 44. lin. 18. frustrationem	frustratio-
nem	
Ep. 48. lin. 30. augebatur	augebunt
Ep. 59. lin. 10. Atmen	Attamen
Ep. 61. lin. 4. suscepit	suscepti
Ep. 63. lin. 9. simulque	simulque
Ep. 69. lin. 18. tui	tui
Ep. 70. lin. 6. quod	quod
Ep. 71. lin. 12. vincæ	vincæ
Ep. 72. lin. 18. perpetuo	perpetuò
Ep. 76. lin. 9. intellexi	intellexi
Ep. 83. lin. 7. mei que	mei que
Ep. 91. lin. 22. iudibis	iudicabis
Ep. 94. lin. 4. quòminùs	quòminùs
Ep. 95. lin. 84. cum	cūm
Ep. ead. lin. 124. sed	Sed